



2485.

CAMBRIDGE
PUBLIC LIBRARY

PRESENTED BY
MORRILL WYMAN, M. D.,
OF CAMBRIDGE, MASS.

BOSTON MEDICAL LIBRARY
in the Francis A. Countway
Library of Medicine ~ Boston

204-227-6



225 29. 6

IOANNIS FIENI

Andouerpiani

DE FLATIBVS

HVMANVM CORPVS

molestantibus,

COMMENTARIVS NOVVS

AC SINGVLARIS.

In quo Flatuum natura, causa, & symptomata describuntur, eorumque remedia facili & expedita methodo indicantur.



IN OFFICINA SANCTANDREANA,

clō 15 LXXXIX.

ILLVSTRISSIMO ET GE-

NEROSISSIMO EQVITI, DO-

*mino Carolo Rymio, Domino de Belie, Schuer-
nelt & Eeckenbecke, regio in consilio secretiore
Consiliario, & Casareo quondam apud Turca-
rum imperatorem oratori vigilantis. Ioannes*

Frenus

S. D. P.

CVM apud omnes in confesso sit, Claris-
sime vir, humano generi nihil desi-
derabilius, nihil optatius, nihil denique
præstantius diuinitus dari potuisse præter
sanitatem, & vitæ huius incolumitatem: nō
potui non mirari tantum thesaurum, tam-
que incomparabile bonum apud plerosque
tam turpiter vilescere & negligi: cuius qui-
dem dignitatem si penitus introspicerent,
cū Amphione Sicyonio poeta exclamarēt:

O Beata Sanitas, te præsentē amœnum

Gratiis ver flor et; absque te nemo beatus.

Hęc enim sapientiæ, sciētiarum, artiumque
omnium piissima fautrix: Hęc vitæ huius
tam turbulentiæ vnicum solatiū: Hęc illa est,
cuius præsentia actiones humanæ vigent,
vis corporis, forma, diuitiæ, & quæcunque a-
pud homines in pretio haberi solita, valent:
qua collapsa, causarumque hostilium vi &
malignitate expugnata, concidūt, quæ prius
valebant omnia, & morbus, ad mortem cer-
tissima via, succedit. Morbum expellere quis
potest, nisi euitatis & exclusis causis ipsum
generantibus & fouentibus? hæc tane nec

4
Euitari possunt, nec excludi antequā cognoscantur. Potissima igitur curandorum morborum ratio in causarum cognitione consistit. Porro diligenti harum habita animaduersione, perspicuū euadet, homine, in hoc terrarum orbe, nihil miserabilius, nihil, si diuinorem eius partem excipias, magis caducum, iniuriisque rerum omnium obnoxium esse. Quid enim est in rerū natura a quo homo non impetitur, laceratur, conuellitur? Cælum enim & sidera suis cōuersionibus & malignis aspectibus, pestes, ardores, extrema frigora, incommodaque varia hominibus inferunt. Elemēta etiam multo maioribus malis noxia percipiuntur. Aer enim grā-dine, pluuia, procellis, nebulis, tonitru, fulmine: Terra motu terribili, suisque exhiatibus, voraginibus & speluncis auram pestilentem expirans: Aquarum coluuiēs, inundationes, lacus, stagna, paludes, suis putridis, euaporationibus: Ignis tandem incendiis & conflagrationibus, quam infinitis modis humano generi perniciosa fuere? porro animalium omne genus vnanimi consensu videtur hominis interneccionē machinari: imo nec herbæ, frutices, arbores, eorumque fructus, a peruerso illo nocendi genio immunes reperiuntur. Ceterum hæc omnia, tanquam non satis malorum in humanum genus conferrent: Homo ipse furta, rixas, cædes, bella, aliaque innumera committens fa

cinora homini lupus fit. Atqui omnium crudelissimum, iniquissimum & teterrimū est, quod homo in propriam naturā tā iniquus sit, tam sæuiat, vt intempestiuis libidinibus, diurnis, nocturnisque cōmestrationibus corpusculum hoc per se tam inualidum & imbecille adeo concutit, vt præceps in omne genus morborū ruat, diuinam sui partem animam contamine, & iram dei in se prouocet. Recte itaque dicebat ille, Hominis vitā militā esse super terram. Hinc est quod viri sapientes tam infinitis malis occursuri, nihil magis in votis habuere, quam artem quampiā posse inuenire, qua se, suosque muniant, ab iniuriis memoratorum vindicent; & ab hoste morbo obsessos liberent: sicque arti huic inter reliquas nobilissimæ ab Apolline deo data sunt principia auspicata, quæ deinceps ab Æsculapio celebrari cœpta, a Machaone & Podaleirio tantopere exculta sunt, vt in summo pretio ab omnib. tū potissimum ab Homero haberetur, cum diceret:

Est medicus vnus vir multis anteferendus

Tela excindendique & lenia pharmaca gnarus

Plagæ inspergendi.

Asclepiadei deinde (a patre Æsculapio sic appellantur) filiis suis, iiq; nepotibus, artem suā, non scriptura, sed ordine quodā in mēte filiorum ad Hippocratis vique tēpora traderunt. Hippocrates autē diuinus (ad Herculem enim & Æsculapium generis sui ori-

ginem referebat (tantum in arte profecit medica , vt ob artis præclara opera, splendidos honores apud Coos suæ patriæ homines consequutus sit , nec minores apud Thessalos & Athenienses, qui eū Eleusiniis sacris secundum ab Hercule publice iniurarunt. Hic omnium primus artem suam scriptis mandauit, monumentaque sua nobis reliquit: quæ tanquam a spinis & sentibus doctissimus Galenus ita repurgauit, in eumque digessit ordinem & methodum , vt artem omnibus fere numeris absolutā, posteris tradidisse merito quis affirmare possit. Ceterū, cum nihil sit in rerum natura tam excultum, tam omnib. partibus perfectum, quod vltiorem culturam non admittat, cœpere posterī, nostri potissimum temporis excellentes viri , pro suo quique ingenio certatim, quas medicinæ partes nō satis pro sua dignitate habitas viderent, recudere, recoquere, meliori ordine digerere, quæ superflua erāt rescindere, desiderata supplere , tātaque industria & animi propensione omnia retractare vt veterē exuuiō reiecto , noua facies arti assumpta esse videatur: quippe nulla medicinæ pars quantumuis difficilis , abstrusa, & recondita latere potest, quæ modo in lucē non prodeat. Cælū equidem mente conscendere, sidera, eorumque motus obseruare, Elementorum naturas perscrutari, Terræ penetralia rimari , herbarum fruticum-

que vires summis laboribus & vigiliis inuestigare, animalium omnigenus cognoscere, imo propria viscera crudeli spectaculo dilacerare non detrectat viri præclari, quo sacra quadam Aegide aduersus tot caularum malignarum procellas tecti, ab earum se iniquitate vindicarent, & incolumes quantum fieri potest conseruarent. Hæc ea est ratio illustrissime simul ac doctissime vir, quæ me adedit, ut operas meas, & horas bonas in communem usum collocarem: quo factum est, ut id temporis, quod ab occupationibus meis multis & variis relictum fuit liberum, authorum assidue lectionibus impenderem, multaque vtilia adnotarem, ex quibus opusculum præsens De flatibus humanum corpus diuexitibus excerptum, amicorum quorundam rogatu passus sum sub nominis tui auspicio in lucem prodire. Excipe igitur vir illustrissime animo benigno ingenioli mei primam foeturam, quam sartam tectam contra inuidorum calumnias tuo patrocinio defendas obsecro. Quippe eo lubentius & maiori cum fiducia hanc tuo consecraui nomini, quod animi tui erga me promptitudinem & beneuolentiam multoties cum tuas, tum familiaris infirmitates varias & graues iuuarem, expertus sum: tum maxime quod multi iugam tuam eruditionem, feruentem sapientiae amorem, prudentiam & in rebus gerendis dexteritatem tam semper admiratus fui, ut

id quod maxime: nec mihi dumtaxat, verum omnibus ingenuis, & cum primis principibus viris animi tui dotes & egregia facta tantæ admirationi fuere, vt ipse Carolus. v. Cæsar te in oratorem suum ad Turcarum imperatorem seligeret, & Cōstantinopoli per quinquennium integrum detineret, omnia que negotia sua & rerum molimina ita concrederet, vt omnia bona, fausta ac felicia a te expectarēt omnes. nec fefellit opinio, quippe tantī momenti munia tibi commissa, tam felici consilio & successu, tantaque sapientia, fide, & sedulitate confecta tradidisti, vt illico te post reditum in patriam, consilii secretioris consiliarium conuocauerit; Philippus quoque filius Hispaniarum rex in hoc vsque tempus continuauerit. quod sane summam indolis tuæ innocētiam & felicitatem demonstrant: argumento est, te Deo optimo Max. semper curæ fuisse: cui te cū tota familia commendo. Antuerpiæ ex ædibus nostris, Calendis Februarij, 1582.

Tuæ illust. celsitudinis cliens

*Ioannes Fienus
Antnerpianus Medicus.*

IOANNIS FIENIAN-
douerpiani Medici, in librum
suum de Flatib. Præfatio.

CVM tam diuersa sint mortalium inge-
nia, nec voto uiatur vno: accidit quæ-
quæ suæ naturæ ductum, & quo animi feruor
trahit lubetern subsequi. Hos quidem ad Mu-
sicam vel Mathematicam: illos vero ad hone-
statem morum, vitamq; religiosam propen-
siores esse. Atqui, quos natura, & ventris obe-
dientia finxit, precipites in luxuriam ferun-
tur, plusque operæ in bene curanda cute, pecu-
niisque per fas nefasque accumulandis, quo
nihil æstuanti luxuriæ desit, quam in rebus
honeste gerundis insumunt. Hoc genus fucor-
um, quemadmodum cum hominibus præter
corpus nihil fere quicquam commune habet:
sic cum sonitu eius transit memoria. Ceterum
quorum animus melius habitat, & diuina
sui parte rite colenda pensitant, nullum tem-
pus meditationibus liberum transmittunt,
quo perspectiora quæuis & faciliora tradant
nepotib. nomenq; suum æternitati consecrēt.
Horum cum in singulis doctrinis nostro hoc
æuo præclarissima extent ingenia, tum vel
maxime in arte medica, in qua a sentibus &
spiniis repurganda, & omnis generis supelle-

luxuria fœditatibus conspurcatum erat :
 tum etiam regio quam incolebat, & præci-
 pue patria ipsius Cous insula temperata, di-
 ros hosce ex Flatibus cruciatus minime gi-
 gnebat. Nostra vero hac ætate ob ingluuiem
 & in cibopotuque intemperantiam, paucos
 inuenias, qui huius tyrannidi aliquando nō
 sint subiecti. His itaq; flatulento spiritu exa-
 gitatis hominib; ut pro nostro virili succur-
 ramus, neue deinceps imprudenter ex per-
 uersa victus ratione eosdem colligant, pro-
 uideamus: operæpretium me facturum exi-
 stimaui, si relieto Hippocrate, qui de ijs docte
 magis quam utiliter scripsit, quæ ego habui
 de eorum tractatione sana & utilia præce-
 pta in communem vsum conferam.

IOAN.

IOANNIS FIENI

DE

FLATIBVS

commentarius.

Quod flatus Spiritus sit, & de diuisione Spirituum.

CAP. I.

NEmini dubium esse existimo, eā substantiam, siue aer, ventus, aut flatus, quæ eximiis viribus prædita cum sit, oculorum tamen effugit obtutum; spiritus nomine insigniri. Hippocrates enim cum diuersis in locis, tum vel maxime in lib. de Flatibus, hos spiritus nomine dignatur. Et Gal. scribit in hæc verba: Quoniam & de flatibus deinceps mentionem fecit, sunt quoq. & hi in spirituum genere. Dictum est autem in prognost. comment. & in lib. de spirandi difficultate, de spirituum in respiratione differentiis, veluti & de flatibus in prognostico. Ructus quoq. in spirituum genere existunt: atque ob id quodammodo communicant cum spiritibus respirationis: quatenus autem in Flatuosorum spirituum genere sunt: eatenus cum flatibus communi-

*Epid. I.
commen-
tarioter-
tio.*

cant : quare & ipsi flatuosum ventre
procreari spiritum ostendunt. Cū itaq.
ex his Galeni verbis satis constet fla-
tum esse spiritum: spiritum autem mul-
tam esse differentiam: non alienum ab
instituto fore arbitratus sum, corū na-
turam paulo altius perscrutari, & a sū-
mis generibus paulatim ad eam speciē
quam declarandā proposui, diuidendo
descendere. Spiritus vel in corpore no-
stro, vel extra corpus consistūt. Qui ex-
tra sunt positi in triplici habentur diffe-
rentia. Vt enim viuentis Dei, & vniuer-
sæ naturæ, sic & animæ suus est Spiri-
tus. Dei Spiritus occultā dei maiestātē
potestātēq; præferens, per omnia spar-
sus permeat, vbiq; præsens omnia com-
plectitur. Hic animos habet in potesta-
te & eos quocunque vult, adducere po-
test. Spiritus naturæ is est, quem omnes
Philosophi iuxta ac poetæ celebrant,
quem Plato animum mundi: Galenus
mentē huc ex superioribus deductam
appellauit. Hunc Aristoteles hac defi-
nitione planius expressit: Spiritus est
substantia animata & genitalis in stir-
pibus ac in animantibus existens, per-
que

que omnia pertinens. Hic longe lateq;
diffusus omnia continet, omnia latifi-
cat, vitalem mundi animam ipsamque
naturam secum afferens, & quæcunq;
subierit vitalia faciens. Tertio vero pe-
culiaris rei cuiusque mortalis & con-
cretæ spiritus illius formę substernitur,
eamque denso concretoque corpori
nectit, mediam inter vtrunque condi-
tionem sortitus, iungitque disparia res
vtriq; affinis ac familiaris, atq; hic pro-
fecto ab altero, qui vniuersitatis atq; to-
tius naturę est regitur atq; cōseruat. *His*
trib. spirituū differētiis iūgit Arist. quar
tā. A sicca (inquit) exhalatione ventus
oriri solet, cum a frigore ita vt fluat, il-
la truditur, vt nihil aliud ventus sit nisi
aer multus fluctuās & coactus, qui etiā
spiritus appellatur. Aer enim (vt ante
diximus) eximiis viribus præditus, cum
oculis non sit conspicuus solaq. consi-
deratione cognoscatur, & effectu fiat
manifestus, nemini dubium esse debet,
quin & spiritus nomine insigniri de-
beat, præsertim dicente Hippocrate,
Omne quod inter cælum & terram est
Spiritu repletū esse. Porro qui in cor.

///

lib. de
mund.

///

lib. de
Flatibus.

I. pore sunt spiritus totidem membris cō-
 plectuntur. Aut enim naturalis est, aut
 vitalis, aut animalis: qui tres vno com-
 prehensi nomine, infiti spiritus dicun-
 tur. His aptissime (vt microcosmi cum
vniversi machina sit perpetuus consen-
sus & similitudo) flatus seu spiritus fla-
 tuosus iungitur. Naturalis spiritus fit,
 cum alimenti purior magisque aerea
 pars cōcoctione in eam transit sangui-
 nis tenuiorem substantiam, quæ vapo-
 ris speciem quādam exhibet. II. Hic tum
 a spiritu iecori ingenito vim accipiens,
 per venam cāuam vna cū reliquo san-
 guine in cordis ventriculos transfundi-
 tur. illic denuo caloris vi accuratius
 elaboratus in aeris prope speciem mu-
 tatur, fitque spiritus vitalis, qui in to-
 tum corpus per arterias diffusus vitam
 elargitur. III. huius portio per ceruicis ar-
 terias in plexum retiformem, indeque
 in cerebri ventriculos delata, hausto
 per nares & elaborato aere in cremen-
 tū recipit, & vi spiritus qui cerebro in-
 genitus est, conuersione quadā fit spiri-
 tus animalis. hic vniverso corpori par-
 tibusque singulis impertitus, sensum
 & mo

& motum confert, ab his modo dictis spirituum speciebus multum distat ille, de quo nobis sermo futurus est, eorumque qui in corporibus nostris versantur, quartum locum obrinet, eiusdem plane generis & naturæ cum vento, vocaturque non solum spiritus flatulentus, sed & Flatus. eiusmodi spiritus crassus ac vaporosus est, neque æthereus substantia, neque tenuis vt illi. Naturam vero eius intelliges, si qualis lis in austrina, qualisque in aquilonia constitutione sit ambiens aer, in memoriam reuocâris. Si quidem austrino flatulentus, aquilonio vero naturalis in nobis spiritus est similis. Atqui in spiritibus, vtpote qui ab aliis tractantur sat commode, relictis, ad flatuosum ordine & methodo explicandum nos accingamus.

*De Analogia seu proportionem Flatus
cum Vento. Cap. 2.*

CVm primis considerandū est duo potissimum esse, quæ corpora nostra præ ceteris ad inflationes, vt ad reliquas omnes morbosas affectiones præparant, nimirum victus ratio,

& regio. Alimentū initio diffimile, tã-
 dē nobis simile redditur, & in substan-
 tiā corporis nostri mutatur. Cuius ita-
 que naturæ id fuerit, eiisdē etiā longa
 cōsuetudine corpus euadet. Omni nā-
 que alimēto, quātūuis feliciter in ven-
 tricul cōcocto, genuina perpetuo, insi-
 taq; natura mordicus retinetur. quare
 lactuca aliaq; huiusmodi frigida, tamen
 si coctione vincātur, superēturq; vētri-
 culū tamē & corpus reliquū refrigerāt,
 ex iisq; sāguis profertur frigidior. Sic vi-
 nū aut alliū, calidum: pisces, caseus, &
 carnes salitę, crassum efficiūt sāguinē.
 Ex quib. perspicuū est nō spiritus dūta-
 xat & humores quib. conseruamur, sed
 totius corporis cōstitutionē mutari. Vi-
ctus itaq; ratio refrigerās, quia natiuū
 calorē opprimit, ad flatuū generationē
 corpus præparat. Exuperātia insuper &
copia etiā opptimi cibi & potus, quæ
 naturæ grauis sit, neque perfectē coqui,
 neq; in bonū sāguinē verti pōt, sed mul-
 tas cruditates accumulāt. hinc obstru-
 ctiones & putredines generātur: a quib.
 natiuus calor perinde atq; a multo o-
 leo lucernæ flāma strāgulatur. Hæc sa-
 ne cruditas & humorū copia, cū apud

quosuis, tūvel maxime apud septētrio-
 nalis plagæ incolas colligi affolet. hic
 nim tãquã nimis vulgare sit ferro ho-
 stē cedere, laqueo suffocare, aut aperto
 Marte alterū in alterius necē ruere, fu-
 cata quadã simulatione necessitudinis
 mutuos sese cōficiunt: poculis quippe
 certāt, ingētia vasa exiccāt, dies noctes
 que cōmessando trāsigūt, & hesternæ
 crapulæ novas adiūgūt ebrietates, nec
 prius ingurgitādi finē faciūt, quã rāto-
 pere insatiabile abdomē explerunt, vt
 absorpta reddant vomitu, aut in cre-
 pandi periculū veniāt: huius dicti imme-
 mores, plures gula quã gladio periisse. *Hippo-
 crates.*
 Vbi cib. præter naturā plus ingestus est,
 hic morbū facit. Non itaq; mirū si hoc
 genus helluonū excremētorū flatuūq;
 quæ præ copia non facile excludantur,
 magnum faciat prouētum. Regiones
 etiā magnū, vt diximus, momētū ad-
 ferunt. Calida enim & æstuosa, velut
 æstas, spiritus inflāmat, humores extor-
 ret, & bilē auget, ex quib. calidissimi &
 acutiss. morbi suscitātur. Frigida aut &
 humida, qualis est quæ ad Septētrionē
 vergit, vt hyēse gelida, spirit' cōsopit, po-

ros occludit, corpus multo humore superuacaneo onerat; & nativum calorem opprimit. Inde debilitata coctione cruditates, ciborum in ventriculo potuumque fluctuationes, destillationes, morbi chronici, calculi, lumbrici, flatus, aliaque eius generis innumera sunt. Quæ quidem omnia haud dissimilem generationis originem (vt obiter hoc ingeramus) sortiuntur, ab iis, quæ in magno mundo nascuntur, vnde non minus eleganter quam sapienter Aristot. hominem τὸν Μικρόκοσμον appellauit, quod nimirum similitudinem & analogiam cum magno mundo habeat. Quemadmodum enim in magno mundo quatuor sunt elementa, Ignis, Aer, Aqua, Terra; sic eiusdem generis & naturæ sunt in paruo. vt in quolibet denique illorum variæ gignuntur substantiæ, in terra lapides & frutices, in aqua varij generis animantia, in aere tonitrua, fulgura & pluuiæ: sic in homine ossa & calculi pro saxis & lapidibus, lumbrici, ascarides, pediculi; pro animantibus, destillationes pro pluuiâ, ac flatus in corpore nostro genitus, ventum

tum exprimit. Vtque paucis dicam, vera totius vniuersi imago in homine re-
lucet; nec mirum. Deus enim opt. ma-
ximus cum in prima rerum creatione
sex dierum spatio totū vniuersum ad-
mirabili artificio fabricasset, cuncta-
que suo collocasset ordine, nec quic-
quam præterea ad decorem tanti ope-
ris desiderari posset: deerat solus ho-
mo tam excellētis fabricæ absolutissi-
ma quædam tāquam ἀνακεφαλαίωσις,
quæ diuinam illam sapientiam & po-
tentiam dignis encomiis extolleret, &
magnificum opus miraretur. Porro in
coelo nihil tam sublime est, neq; in ter-
ra tam abditum quicquam, cuius vi-
ua imago & exemplar diligenter rimā-
ti, in homine non cognoscatur. Nā &
paruo mūdo suus Deus est animus. Sūt
& spiritus angelici, intellectus & volun-
tas, ipsiq; sua habitacula. sunt etiā cali-
dum, frigidum, humidum, siccum ex-
terioribus correspondentia elementa.
in calido apparent coruscationes, &
variæ ignitæ imagines, phrenitis, in-
flammatiō, erisipelas, causus. In humi-
do destillationes, & ex iis indurati to-

Meta-
orphos.

tophi pluuiam & grandinem representantes: fluxus deniq; & refluxus humorum in suis alueis, venis & arteriis conspiciuntur. Ceterum in terreo elemento huius parui mundi omnium planissime apparet cum magno mundo similitudo. Quod enim in terra sunt lapides & saxa, hoc in corpore nostro sunt ossa: quoniam & ipsa saxa Ouidio magnæ parentis ossa dicuntur:

Ossaque post tergum magnæ iactate parentis.

Magna parens terra est. lapides in corpore terræ

Ossa reor dici.

Quod in terra plantæ, frutices, & arbores, hoc in homine pili sunt. Porro (inquit Gal.) generatio pilorum eadē est quæ plantarum. Nā quemadmodū ex istis quædam arte & arbitrio agriculturalum, quædā iuxta naturales causas proueniunt: eodē modo & in animalium corporibus aruo quidem alicui triticum aut hordeum, aut aliquod cerealium seminum in se insita habenti, caput assimilatur. aliis vero herbis, quæ in aridioribus crescunt regionibus, reliqui totius corporis pili similem generationem sortiuntur. Quid quæso de terræ motu dicam quādo contingit

intra terræ viscera plurimas generari exhalationes per virtutem Solis & a-
strorum, ex materia ipsius terræ, &
humiditate terræ immersa, si egredi
nequeant ob eam nimis compactam,
aut ventorum grossitiem, necesse est
terræ motū quadam in parte fieri. Sic
videmus ex spiritibus flatuosis corpo-
ris nostri cauitatibus inclusis, exitum-
que quærentibus, magnos subinde tre-
mores fieri; quam rem pulchrè Ioānes
Langius depingit. Certe, ait, si magna
paruis conferre fas est, quēadmodū vē-
tus visceribus terræ inclusus, terram e-
rupturus tremulo conquassat motu:
sic aer flatulentus musculorum alia-
rūq; corporis partiū quæ distēdi possūt
velamine circūseptus, eas palmo cōcu-
tit, donec per distētū velamē erupit. hu-
ius causā cū plebs ignoret, illic subesse
animā arbitratur. Quippe quādiu sine
iniuria effluit, & patētib. viis innoxius
discedit: nullus est tremor corpori; sin
autē discedēdi facultas obturatis mea-
tib. erepta est, nec fugæ locū inueniat:
perlustrādo omnia, angustias locorū di-
mouet & claustra sua conatur effringere

re. sic euenit vt spiritu luctāte & egres-
sum quærente corpus concutiatur.
Datur & alia huius tremoris ratio.
Corporis namque cavitatibus inclu-
sus flatulentus spiritus, viscerum calore
& insito motu euerberatus, cursu pa-
rum libero incalescit tenuiorque red-
ditur. Hic qua data porta in vniuersum
corpus, partesque principes, sese insi-
nuat, & celeri motu in loca sensibilia ir-
ruens, non modo sua qualitate ea affi-
cit, sed & substantia tenui stimulat,
distendit, diuellit, vulneratque eas par-
tes omnes quibus obuius fuerit. omnis
enim causa mordax moraue, siue fri-
gida siue calida, animanti horrorem &
rigorem inducit. Tertio vero, hic spiri-
tus cum vltro citroque permeans, fa-
cultati expultrici molestus fit, tum i-
pfas partes contristat, quæ ita exagita-
tæ, festinantes ad expellendum noxiū,
contrahunt ac cōstringunt sese, & con-
cussione quassationeq; vexantur. Qua-
re Flatus qui similem cum vento con-
ditionem sortitus est, similes etiā pro-
ducit effectus. Verum nunc tempe-
stiuum est quid flatus sit explicare.

Quid

Quid Flatus sit. Cap. 3.

Nillos hactenus videre contigit
 qui Flatus descriptionem tradāt,
 aut ex quorum monumentis rectius
 ea colligi poterat quam ex Galeno. Fla
tus (inquit,) est vapor ab humore, pi
tuitoso cibo aut potu, ab imbecillo ca
lore excitatus. Verum hæc definitio
cum conuertibilis (vt dialectice lo
 quar) non sit; perfecta minime esse po
test. Varii namque vapores ex cibo &
 potu in ventriculo contentis ad cere
 brum exhalant, vt in ebriis accidit. ad
 oculos etiam, vt in suffusione per con
 sensum ventriculi, qui flatus nec sunt
 nec dicuntur. E cōtrario autem flatuo
 sus ille spiritus ex humore melancho
 lico in hypochondriis enatus, vere
 flatus est, nulla tamen definitionis par
 te comprehensus. Limatius itaque ve
lim Flatum hoc modo describi: Flatus
est multitudo quædam halituosi spiri
tus ex cibo & potu, humore pituitoso
aut melancholico ab imbecillo calore
in animalis corpore excitus. Dico, mul
titudo, quod leuiss halitus aut vapor,
 a quibus nunquam corpus etiam opti-

*Lib. 3. de
 Sympt.
 causis.*

me constitutum immune est, nullo modo flatus dicatur, aut vllum inflationis sensum præbeat. Cui sententiæ

lib. 5. in Gal. subscribit dicēs: Ventosos ab Hippocrate dici putandum est, qui in ventre colligunt copiam Flatuosi spiritus, qui vel per ructus vel bombos seu crepitus, inferne erumpens excernitur, vel remanet, & continentes partes distendit. Ventus, qui etiam teste Arist. nihil aliud est, nisi aer multus fluctuans & coactus. Quare autem hic vaporis loco halituosum spiritū substituā, ex eodem Arist. iisque, quæ deinceps dicētur, discendum arbitror, cum nihil certi hac de re ex Gale. scriptis haurire quis valeat, vtpote qui hæc, halitum, spiritum halituosum & vaporē per omnia sua opera indistincte cōfundat. Halituosū enim Spiritum ex succis sensim exalfectis gigni docet Therapeut. 14. Vaporem esse humorem extenuatum, de Sympt. caus. Lib. 1. & de simpl. med. facult. lib. 1. Halitum demum medium quid esse inter leuissimum tenuissimūque spiritum & sanguinem, qui plane absolutus attenuatusq; est, de naturali-

bus facult. lib. 3. Quæ quidem omnia coincidunt confundunturque, & veluti Synonyma, vnam eandemque rem significant. quare phisicis qui accuratius & subtilius talia perscrutantur, differenda relinquo. Porro nec definitioni obest quod Gal. dicit, Auctiorem calorem si incidat in crassam & glutinosam pituitam, in crassum flatum eam resolvere. Quandoquidem calor tametsi in se validus sit, comparatione tamen facta ad humoris quantitatem & equalitatem, merito imbecillis existimabitur, vt pote qui eleuare spiritum, minime tamen resolvere possit. Eadem habenda ratio in iis est, qui immoderato potu vel robustissimum calorem opprimunt. Atqui quo in loco flatus generetur deinceps dicendum erit.

De loco generationis Flatuum. Caput 4.

PRæcedente cap. diximus ex Hipp. & Gal. sententia. ventosos appellari eos, qui in ventre colligunt copiam flatuosi spiritus, qui vel per ructus, vel per efflatus inferne crumpens excernitur vel remanet, & continentes partes

distēdit. Ex quib. verbis facile colligere est, ventriculū & ei annexa intestina locum & quasi mineram generationis eorum esse: nam per ructum non poterant, nec inferne erumpere, nisi in ventriculo aut intestinis ortum sumpsis-
sent. Ventus quoque in magna hac mundi machina non aliunde quam a terra nascitur: Cum enim imbre terra perfusa est, inquit Arist. tum ea & ab eo calore qui in illa est, & a superiore con-
calefacta respiraciones reddit, in quo ventorum vim diximus cōsistere. Vbi autem maximam vim aquæ terra excipit; ibi magna vis halituum oriatur necesse est, non secus atque ex viridibus lignis largior fumus. In homine profecto quod terræ maxime respon-
det, ventriculus est. Galenus enim cō-
ferens ventriculum hominis cum terra, inquit: Idcirco animalib. vice terræ fabrefecit natura ventriculum, veluti promptuarium quoddam cibi, quem-
admodum stirpibus terram. Quippe venæ ad ventriculum productæ chylū ex eo in nutritionem totius corporis exugunt, non aliter, quam radices stir-
pium

pium in terram demissæ toti plantæ ex ea assumunt nutri-entum: tota nanq; hæc actio naturalis cum sit, haud secus in animalibus quam in plantis perficitur. Ventriculo itaque cū terra maxima proportio est. sed terra ex se arida & exsicca nisi largo humore imbuatur fructus non fert, vt Virgilius ait:

Tum pater omnipotens fecundis imbribus æther
Coniugis in gremium lata descendit, & omnes
Magnus alit, magno commistus corpore, fœtus.

*Georg.
lib. 2.*

Humectata autem ventos, vt supra demonstraui- mus, efficit. Sic ventriculus noster, cum sit membranofus & aridus, nisi mediocri cibo & potu irrigetur reficiaturque, reliquum corpus suo alimen- to defraudabit, & in marcorem atro- phiamque deiiciet. Atqui liberalior po- tus si ingeratur, fluctuationes & flatus excitantur. Superfluum enim nutrimē- tum & copiosius quam ventriculus sub- igere potest, insitum eius opprimit ca- lorem redditque languidiusculum: ni- hilominus tamen is sui muneris haud immemor coquendum cibum aggredi- tur. Verum cum exacte conficere haud possit, vapores, excitat quos minime dis-

cutit, efficitque flatum. Sensim deinde prima coctione impedita, pituitosi, craffi, glutinosique humores generantur, nō in ventriculo dumtaxat, sed & intestinis maximeque colo. Ex his simili quadam ratione atque ex cibo a languidiore calore eleuati spiritus, siquidem nebulosi sunt, sine vehementi dolore ventriculum & abdomen, nihil grauius machinati, distendunt: paulatim vero circumiacentium viscerū calore extenuati, qui in angusto prius stringebantur, dilatari nunc mouerique incipiunt, & ampliorem locum capeffere, modo sursum, modo deorsum, horsum prorsumque fluctuantes quærunt exitum: quem si nanciscantur, ilico euanescent, & omnis cessat dolor. Sin autem duriori stercore, aut crasso phlegmate obturatis intestinis, transitus impediatur: detenti recurrunt, magnoque cum murmure fremunt, intestina conuellunt, & maximo impetu confertimque regurgitantes laborant, & iter sibi vi ac pugna parant. Cum enim calor vicinorum viscerū eos extenuet, extenuati prōptius imo propria sponte moueantur, motiq;

multo tenuiores & apti, quo longissime penetrare possint, reddantur: per omnia irrumpunt, & fulminis instar quouis celerissime feruntur, exiguos meatus diducunt, vnitatem solvunt, nec quicquam tam solidum, quod sua tenuitate cum intolerabili dolore nō permeēt. Pulchre huic flatui conueniunt, quæ Seneca vēto tribuit: nempe quod eius vis non potest cohiberi, nulla eam teneat compages, soluatque indomita naturæ potentia quodcunque vinculum. Spiritus nāque inuicta res est. Optimum (ni fallor) de eo iudicium ferent illi soli, qui eius ferociæ periculum aliquando fecerunt, & cum eo colluctati sunt: ilico enim furibundus hostem deiicit. Quemadmodū itaque alium suæ generationis locum ventus non agnoscit quam terram: sic etiam Flatus aliis in locis raro quam in ventriculo, & subditis intestinis veluti terræ cauernis gignitur. Inde dilapsus in viscera quæcunque & in reliquum corpus permeat. Rarum enim & peruiū humanū corpus est multosq; habens meatus, per quos spiritus fertur, qui vbi maior influxerit, nec emittitur, corpus

*Lib. 6.
Natur.
quest.
cap. 18.*

(vt diximus) concutit, rigorem inducit
& grauissima, quæ postea recensebimus,
Symptomata infert.

De ratione generationis Flatuum. Cap. 5.

Generatio Flatuum a calore est. calor modo intensus modo remissus & languidus; cuius quidem ratione vt a materia illi excitantur, sic & discutiuntur. Viscerum enim calor validus, prius illos dissipat quam vim accipiant, imo & ab initio ne exoriantur impedit. Ab-
solutum frigus nullos spiritus excitat, vt in extremis cruditatibus apparet. Ob id Hippocrates docet, in diuturna læuitate intestinorum si ructus acidus superueniat bonum esse signum; quod nimirum prius quam ructus ederetur nullum esset coctionis ciborum vestigium, propter caloris natiui quendam interitum; qui postquam coepit quasi repullulascere & reuiuiscere adhuc languidior, ob paruam quam fecit in sumptum cibum operationem, spiritum excitat, & per ructum resoluit. Non itaque magnus calor, nec extrema frigiditas, sed media constitutio flatum teste Galeno efficit. Flatus ait in ventri-

culi spatiis oriri solet, cum vel humores *de symp*
pituitosi ibi contenti, vel cibi ab imbe- *caus. Li*
cillo calore in vapores resoluuntur. Ete- *6. cap. 2.*
nim vt absolutum frigus vaporem haud
quaquam excitat (neque enim extenua-
re, neque conficere, neque dissoluere ci-
bum potest) ita vehemens calor magna
ex parte vincens ea quæ comprehendit;
plusquam pro vaporis generatione cibū
extenuat, nisi is suapte natura facile in
flatum transeat. Calor autem in cibos
agens si parum validus fuerit, vt eos
quodammodo dissoluit, ita non omni-
no conficit: atque hinc flatu exoritur.
Atque vt vno verbo absoluam: quem-
admodum in externis rebus videmus,
vt frigidissima constitutio maxime spi-
rante borea aerem sereniorē reddit,
ac calidissima per æstatē constitutio am-
bientem nos aerem purum efficit, me-
diæ vero constitutiones nebulas pariūt:
ita in animantibus accidit. neque enim
calor per extremam imbecillitatem,
neque cum vehementes sunt ei vires: sed
quum medium inter has affectiones
obtinet, flatum gignere potest. // Porro
non absolute vera hæc oratio esse vide-

tur, cum non a mediocri dumtaxat, sed
vehementi etiam calore ipsemet Gal.
12. Methodi med. flatus fieri docet. quod
quidem manifestum est, partim ex eo-
rum generatione ibidem tradita, par-
tim ex curandi ratione. Ait enim: Si ex
accidenti aliquo coniunctus his humo-
ribus crassis & glutinosis halituosus
spiritus est, qui ex iis quibus conti-
nerur corporibus erumpere prorsus
non potest, grauissimis omnino dolo-
ribus, qui ita se habent, cruciantur:
quippe accidit id illis duplici ex cau-
sa: vel obstructione vel calore. Nam
& obstructio spiritum cohibet, nec
exire permittit, & crassa glutinosa-
que cum calefiunt, flatuosum spiri-
tum gignere solent. Et paulo post:
Quo pacto igitur dolores eos, quos fri-
gidus humor in medio intestinorum
interclusus excitauit, sanare conueniet?
Sane non perfusionibus & cataplasma-
tis, quæ valenter excalefaciant: len-
ti enim omnes, crassique, & frigidi
humores, ab iis quæ calefaciunt, nisi
etiam valenter digerant, liquantur, &
in flatum mutantur. Oportet igitur

eos incidere simul & concoquere, quas res tenuantia medicamenta præstabit; potissimum tamen si calida vehementer non sint. Ex his Gale. verbis facile videre est, vehementem calorem non impedire quo minus flatus fiant, aut si quidem facti sint, non eos discutere, verum cum nulli sint, ex materia de integro excitare: adeo vt idem Gale. crebro admoneat, a nullo tanto opere in *Lib. 3.* eiusmodi humorum abundantia metuendum esse, quam ab immoderato *ap. 43.* calore, qui eos liquet, atque in flatum *ibid.* vertat, digerere autem non valeat. Optime id animaduertit medicus ille Italus (vt est apud Paulum Aeginetam) qui omnes fere cholicas affectiones frigidis remediis, præter omnium opinionem persanauit: nec ipsummet Paulum hæc res latuit, Mendendum inquit doloribus, qui ad gelidos, tenaces, & spissos humores referuntur; prouidendo, ne vehementer calida adhibeantur remedia: Nam ab admodum caloricis præsidiorum materiis liquefacti funduntur, magisque in flatu-

lentum spiritum rediguntur humores
eiuscemodi. Ceterum non ex pituito-
sis duntaxat humoribus validus calor
flatus efficit, quos abluere non potest,
sed ex quavis assumptorum nimia pror-
sus humiditate, vt in iis qui largiore po-
tu vini vel cereuisiæ se impleuerint, vel
iurulētis distēderint, vel vllius rei lento-
re ac crassitie maiores se inferferint, quā
calor pervincere queat. Calor itaq; vehe-
mentissimus, flatus etiā excitat. Hoc in
febrib. quoq; perspicuū euadit, in quibus
quidem licet calor præter naturam ve-
hemens exuperet, multa tamen potio
ventrem inflat, haud aliam ob causam,
quam quod copia naturam obtundat.
vnde tria in flatibus tam generandis,
quam iisdem perspiciendis requiruntur:
calor debito infirmior suapte natura,
aut ab oppressione: locus idoneus sen-
suque præditus, & materia flatibus effi-
ciundis commoda.

De Flatuum differentiis. Cap. 6.

Flatuum non vna eademque, sed di-
uersa natura est: alius enim quie-
scens est, alius motus. Quiescens flatus
crassus est, tardi motus, nebulosus & fri-

gidus, alia raro symptomata, præterquam quod hypochondria, ventremque tumidum, & sine multo dolore turgidum reddat inducens. Hic frequenter diuexat eos qui crassam, recentem, pauloq; dulciore cereuisiã, lac aut aquã potissimũ inter prandiũ & cenã biberunt: tunc enim per intēpestiuã potus assumptionem interrupta ventriculi concoctione, non aliter eneruatur eius actio, quam si in feruentem leberem frigidissimam infundas aquam, vnde fluctuationes & nebulosi spiritus exoriuntur, qui abdomen totum instar tympani inflant distenduntque: quæ distensio moderata sobrietate, efflatibus, vnoque aut altero secessu subsidet. Sin autem longa mora inter intestinorum tunicas se insinuat, periculosam cholicã affectionem minatur. // Flatus motus quia subtilis est & tenuis, cum intolerabili dolore vagabundus discurrens, tanquam Proteus quispiam varius efficitur. Excutitur enim aut retinetur: exit cum sono, aut sine sonitu: & per os, aut per anum. Per os ructum facit acidum, fumosum aut insipidum. per inferiorem partem de-

Lib. 9 E-
pist. Epist.
22. Suet.
in vita
Clau. ca.
23.

Gal. de
Sympt.
caus. lib.
6. cap. 6.

mittitur sine strepitu, & peditus dicitur
aut cum strepitu, vocaturque ventris
crepitus. Porro hi tanti momenti sunt
in humano corpore, vt Stoici, teste Ci-
cerone, dixerint, crepitus & ructus
liberos esse oportere. Claud. etiā Cæsar
dicitur edictum meditatus, quo veniam
daret, efflatum crepitumque ventris
in conuiuio emittendi, quod periclita-
tum quendam ex pudibunda coertione
comperisset. Cum autem per neutram
partium flatus defertur, sed in corpo-
re retinetur, inflationem efficit: sym-
ptoma nimirum ventriculi ob imbe-
cillitatem non potentis tum redun-
dantem, tum nebulosum spiritum ex-
pellere. Porro intestinorum alias aliæ
partes, cum huiusmodi spiritus in ipsis
& continetur, & mouetur, varios exci-
tant strepitus, qui licet non omnes for-
riti sint nomina, possunt tamen sic de-
clarari, vt nemo, vel mediocris ingenij
non intelligat, & quale, & quantum sit
excrementum, & in qua potissimū par-
te circūuoluatur. Quippe si acutum te-
nuemq; sonum reddiderit spiritus, per
tenue & omnino angustum defertur in

testinum, ipseque & purior, & magis aereus esse deprehenditur. Quod si spiritus inflandi vim habeat, exiguum similiter strepitum excitabit, dū per tenuia intestina reuoluitur, sed non adeo exacte acutum & tenuem. Atque omnes huiusmodi strepitus in ieiuni intestini spatiis consistere solent, eoque minus resonāt, quo magis ad reliqua, inferioraque intestina descenderint. Porro sunt alij bombosi (vt ita dicam) bombis latissimarum tibiarum non absimiles, quales habere solent ij, qui Tymbaulæ (id est Siticines) nominantur quæ ob materiam, ex qua constant, purum sonum reddere non possunt, & viæ, qua spiritus transit, latitudo sonum efficit grauiorem. Atqui huiusmodi flatus in crassis consistunt intestinis, vbi fuerint excrementis vacua. Quod si humiditas aliqua in ipsis contineatur, ab hac quoque prodibit quædam bombi species, quam *Βορβορυγμὸν*, id est, murmurillum vocant, futuram nuntians humidi excrementi deiectionem. Etenim eiusmodi strepitus species, vtrumque significat: deiectionem quidem, quia

a mouente natura fit ; humidum vero excrementum , quia murmurationem habuit comitem. Porro strepitus flatu m foras missum sequens, si murmurilli specie refert , deiectiones ab ipso fore pronuntiat. Si vero purus, resonans, clarusq; fuerit alterum duorum , aut intestinum esse inane, aut in superiore eius parte excrementa admodum dura contineri significat. Qui vero veluti stridor rem refert, is ab instrumentorum angustia & inflante spiritu , atque pauca humiditate procedit. Huic loco par erat adiungere differentias sonorum ex flatibus in sensu auditus euenientium , differentiis enim flatuum explicandis hoc caput dicatum fuerat : ceterum multo commodius & maiore legentium utilitate eas reseruauimus in caput vndecimum, vbi ex professo de aurium dolore tractatur.

Quot morbi genera Flatus producant. Cap. 7.

TRia statuit Galenus summa morborum genera, Similarem, Organicum, & communem , qui vnitatis solutio dicitur. Similaris est qui eucrasiam, naturalemque constitutionem peruer-

tit. Organicus qui vel conformatione, numero, magnitudine, seu compositione instrumenti symmetriam infringit. Porro communis fit, quando partium vnitas dissoluitur. Horum trium generum flatus vnumne, duo, an vero omnia inferre queat, perscrutemur. Quando, inquit Hipp. corpus cibis expletum est, ac spiritus quoque multitudo vehementer excellit, cibique diu ventri immoratur, quum præ multitudine exire nequeant, & inferior venter, & alius sit obturata, per vniuersum corpus flatus permeant, sanguineque plenas corporis partes maxime petentes, eas infrigidant. Infrigidatis autem locis unde radices sanguinis prodeunt, per vniuersum corpus horror consequitur. Vniuerso namque sanguine frigefacto totum corpus horret. Hanc sententiam Galenus confirmat inquiring, Eiusmodi sane affectus iis qui se cibis natura frigidis & consistentia crassis ac glutinosis referferunt, quando in ipsis intestinorum tunicis flatuosus spiritus continetur, potissimum incidit. Nam cum hæ duplices sint, vbi me-

lib. de flatib.

Meth. med. 123

dio earum spatio eiusmodi collectus humor est, in flatulentum mutatur spiritum. Sane is & crassus, & tardi motus & frigidus est. Vbi igitur retinetur, tum tunicas distendit, tum succus vnde oritur intestini partes quas contingit, vehementer refrigerat, duplicique occasione affliguntur qui sic laborant. Horum virorum instar omnium auctoritate & testimonio manifestum est, flatum sua frigiditate morbum quem similem vocant, quique in intemperie consistit, proferre posse. Atqui non modo hunc, sed & vnitatis solutionem. Cum enim duplici occasione dolere eos qui sic laborant, tunicasque cū retinetur distendi afferat, nec distensionem sine dilaceratione fieri posse certum sit, sequitur ne intelligi quidem posse vnitatis abesse solutionem, quum flatuosus spiritus cum dolore ingruit. Duæ nanque in vniuersum doloris causæ sunt, vna inæqualis intemperies, quæ subito & confertim inuadit: altera dum continuitas soluitur. Si quidem partes a se inuicem diuulsæ, siue ab humore, siue a spiritu flatulento id fiat, do-

lent ob continui diuortium. Quippe si frigidum Hippocrates non alia de causa vlceribus mordax esse dicat, quam quascunque contingit partes earum contrahat, condenset, constringatque substantiam, constringendo vero molles continui partes diuellat, earumque continuitatem soluat: si præterea in acutissimis febribus violentius exiccata neruosa corpora, ac ob id in se coacta conuellantur: nimia deinde repletio in latum ea & profundum extendens, sed longitudine abbrevians, ob id continui diuortium faciat, quanto difficiliorem continui solutionem flatuosi illi spiritus suscitabunt, qui eius solius ratione tot tamque graua & enormia procreant symptomata, quæ medici totam curam ad se trahunt. Tercio, ex sequentibus patebit totum interdum abdomen a flatu præter naturam intumescere, vt in Tympanite solet: Iecur deinde, & lienem mirifice obstrui, instar schirri indurescere, & in maiorem molem, quemadmodum & ventriculus, efferri: quæ hanc omnia morbi instrumentales

*Gal. de
dif. mor.*

veniunt appellandi. Quocirca & tertiū morbi genus quod organicū appellāt, a flatibus excitatur. Porro vbi pars aliqua in tumorem attollitur, atque iccirco meatus illius occluduntur, siquidem talis particula nullam habeat propriam operationem, obstructio ipsa meatuum dicetur morbus dum taxat: tumor vero nequaquam, sed obstructionis causa. Ceterum si affecta pars aliquod munus proprium obtineat, hac ratione tum obstructio ipsa, tum particulæ tumor, morbus est appellandus. Triplex itaq; morbi genus, simplicium intemperiem, instrumentalium immoderationem, & vnitarum partium solutionem flatuosi spiritus producant.

De causis flatuum. Cap. 8.

PAuci admodum sunt, vel potius nulli, cuiusvis sortis & conditionis homines, qui non aliquando flatuum iniuriis subiiciantur: ventriculus enim prima coctionis officina, cibos per gulam tanquā per longas quasdam manus attrahit, attractos complectitur ac retinet, retentos comminuit, conterit, & immutat, purumque ab impuro secernit: hoc per
In

intestina deiicit, illud vero exugūt mese
raicę venę, & in iecur transferunt. Cum
igitur vētricus ob imbecillitatem at-
tractum cibum non amplexatur nec
continet, fluctuat: fluctuantem rite cō-
ficere nō potest: quod cum non facit, re-
cte suo munere non fungitur. validus
enim sit oportet & robustus. Robur,
teste Galeno, in quatuor qualitatū o-
ptima temperie, quę eius est substantia,
consistit. Huius itaque substantię rati-
one nutrimentū in propriam eius quod
nutritur qualitatem mutat, auxilio est
circumiacentium viscerum, cordis ni-
mirum, iecoris & lienis, renum & septi
transuersi calor, qui ventriculo veluti
magnus ignis lebeti subditur. Quando
itaque perperam instituta victus ratio
(nullus enim est, quantumvis diligēs va-
letudinis conseruator, qui non subinde
eius limites transiliat) aut vis extrinseca
eius robur dissoluat, aut subditum ignē
eneruet: sequitur necessario ventriculi
virtus etiam labascet, & secūdam causę
exilitatem aut vehementiā, ipsa variet.
Porro frigiditas externa vt in regionib.
frigidis, & statu aquilonio penetrās vsq;

ad interiora, in corporibus debilibus & raris natium calorem offendit. Ambientis etiam nos aeris nimius ardor, naturalē calorem euocans dissipansq, viscera sua caliditate destituit: diminuto calore, concoctio non perficitur, & flatus generantur. Atqui naturalis calor robustior, magna ex parte vincens ea quæ comprehendit, plusquam pro vaporis generatione cibum extenuat, nisi is suapte natura facile in flatū transeat. Porro vētricus, tametsi validus sit, nativa vis vigeat, nullaq; adsit caloris imbecillitas; ab alimentis tamen flatum gignere idoneis frequenter offenditur. Quæcunque itaq; seu alimenta, seu medicamenta ex propria natura flatulenta sunt, aut sua frigidityte, & multitudine vētriculi robur dissoluūt, & natium eius calorem opprimunt, flatuum causæ esse merito iudicantur. Eiusmodi sunt leguminum, seminum cerealium, & fructuum fugacium, quos ἀπαίτες Græci appellant, maxima pars. Hæc omnia, inquit Galenus, & iis multo magis, quæ ante exactam maturitatē mandimus, flatuosa quidē sunt, verum subducuntur celerius. Et rerum

in principio eiusdem libri sic argum-
 tatur: Omnia edulia quæ primo libro
 fuerunt commemorata, plantarum e-
 rant semina exiguum quiddam a fructi-
 bus discrepantia: Sed horæi fructus
 omnes flatulenti sunt: Omnia igitur
 plantarum semina magis aut minus e-
 dunt flatus in corporibus nostris. Ci-
 bus enim, qui ex fabis conficitur, flatu-
 lentus est, etiam si coquatur diutissi-
 me: id quod sentientes nonnulli cæ-
 pas ipsis adiiciunt, cum quicquid fla-
 tulentum cibariis inest, corrigatur per
 calefacientia & tenuantia. Porro si fri-
 xæ fuerint, sicuti & legumina omnia, fla-
 tum quidem deponunt: sed concoctu
 sunt difficillimæ, tardeque prætereunt,
 & crassi succi alimentum exhibent. At-
 tamen quocunque modo apparentur,
 inflant, ne per longissimam quidem co-
 ctionem id vitij amittentes. Qui certe
 volet animaduvertere affectus, qui singu-
 los cibos sequuntur; quandam ab esu
 fabarum totius corporis tensionem,
 quasi a flatulento spiritu persentiscet,
 maximeque qui ad huiusmodi escu-
 lentum non fuerit assuefactus, aut

ipsum minus recte coctum assumpserit. Pisa licet tota sua substantia sint fabis consimilia, non tamen sunt vsque adeo flatulenta. Hæ duæ leguminum species quod copiose apud nostrates ferantur, plebiq; admodū sint familiares, & in multo apud omnes vsu, ob id noxa quam inuehunt minus percipitur; nā quæ libēter & magna cū voluptate assumimus, ea arctius complectitur & retinet vētriculus, atque multo facilius concoquit. Ciceræ non minus fabis sunt flatulenta: veruntamen cū non sint tā opere ab omnibus expetita, nihil adeo ab iis metuendum: qui tamen libenter iis vescuntur, inter coquendū calaminthi, cepæ, anethi, aut pulegij non nihil adiiciunt. Lentescetiam, phasioli, dolichi, idq; genus alia stomachū male habent, eumq; & intestina inflant. Fructus præterea horarij fere omnes huic vitio obnoxij inveniuntur: crudi enim sunt, multoq; humore excrementitio & inutili scatent, maxime qui ad maturitatem necdum peruenierunt; pituitosi quoq; sunt, & ex propria natura flatulenti. Insuper frigiditate sua & humiditate, præsertim si im-

moderatiùs ingerantur, calorem natiuũ obtundunt, & lâgidiùsculum efficiũt, adeo, vt quos eleuat flatus minime discutere possit. Inter hos principem locũ obtinent môra prunaq; maxime recentia, & post cibum sumpta. Cerasa omnis generis, sed potissimum quæ Iuliana Plinio, vulgo cerasa Hispanica appellâtur. Melones deinde, pepones, cucumeres, cucurbitæ, poma & pira. Sed hæc quidẽ cocta minus inflant crudis: inflant tamẽ ipsa quoq; magna ex parte, sed innoxia fiunt, si vna cum carminatiuis vulgo dictis, hoc est, calefacientibus, tenuantibus & flatum expellentibus, anisi nimirum aut marathri semine comedantur. Ficus etiam, inquit Gal. nutriũt vberius ceteris autumnalibus fructibus, flatibus tamen hæ quoq; implent: attamen cito ex his orti flatus intereunt, qui ex facili per aluum subeunt. Castaneę item largius in cibum sumptæ capiti dolorẽ inferunt, ventrem inflant, aluum astringunt ac egre concoquuntur. Radices quoque, rapum, raphanus, nâpus, consimilesq; flatuosæ sunt. Cerealìa etiam semina, panicum, milium, triticum, præ-

*Lib. 2. de
Alimentis*

sertim elixū, & hordeum, singula non parum flatuosi spiritus conferunt, sed rapum & raphanus ceteris magis. Pisces quoq; in hoc catalogo asseribo omnes; pituitosi enim sunt ac flatulenti, præsertim qui sunt ex cetaceo genere prægrādes, & ex minoribus qui viscidam habēt & glutinosam carnem, quales sunt anguilla, salmo, lampreta & tinca, idq; cū primis elixi; assi vero minus inflant, minusq; etiam illi, qui friabili ac molli carne constant, quales sunt, quos saxatiles appellant; tametsi Cornelius Celsus flatulentos eos minime esse asserat eo loco quo succinēte admodū causas flatus excitantes enumerat. Inflāt (inquit) omnia fere legumina, omnia pingua, omnia dulcia, omnia iurulenta, mustum, atq; etiā id vinum, cui nihil adhuc ætatis accessit. Ex oleribus, allium, brassica, cēpa omnesq; radices, excepto sisere & pastinaca, bulbi, ficus etiam aridæ, sed magis virides, vuæ recentes, nuces omnes, exceptis nucleis pineis; lac, omnisq; caseus quicquid deinde subcrudum aliquis assumpsit. Minima inflatio fit ex venatione, aucupio, &c. Recte hic Celsus omnia

*Cels. lib.
2. cap. 26.*

pinguia inflare dicit; nam ex sententia Galeni stomachum subuertunt, tarde coquuntur, implent, & coquendo turgescunt, siue id flatibus inde per imbecillum calorem excitatis, siue pingui materia rarefacta, & tanquam exundante fiat. Dulcia etiam, praesertim si crassa sint ac lenta, inflandi vi pollent: mustum enim ni pertranscat velocius, ventrem flatibus implet, difficulter concoquitur, crassum gignit humorem, & dolorem infert capiti. vnde recte in suis problematibus quaerit Arist. Quare bibere de nouo musto sit valde periculosum ipsi stomacho? quia est indigestibile, ergo multum inflat ventrem, & quodammodo dysenteriam prouocat. Lac capiti non bene firmo & hypochondriis, quae leui de causa inflantur, inimicum, vt paucissimos inuenias quibus ventrem flatibus non distendat: quod testatur Hipp. cum dicit, Lac dare caput dolentibus, & quibus hypochondria sublata murmurant, malum est. Galenus etiam in eundem Aphorismum: Vbi enim iis qui integra valetudine fruuntur, lac capitis mouere dolorem, & hypochondria inflare videmus:

*Lib. 5.
Aphor. 64.*

quibus profecto iam dolitat caput aut inflata sunt hypochondria aduersissimum esse cogitatione colligere facile possumus. Lactis itaq; vsus summo-
 pere vitandus flatuosis. Mulsum etiam & defrutum inflare consueuerunt, & aqua mulsa, potissimum cruda: iubet enim Hipp. eam mulieribus dormituris administrandam, dum nosse quis velit an mulier grauida sit. Si scire (inquit) velis an mulier conceperit, dormituræ aquā mulsam potui dato, & si ventris tormina patiatur concepit; sin minus, non concepit: tormina patitur propter flatuosum spiritum qui facilem exitū non habet: hic ab aqua mulsa excitatur, nam & mel ipsum dum crudum est, ventrem & intestina flatibus implet. Huc facit ceruisia quæ septentrionalibus populis vini loco est, quæq; ad Dioscoridis zithū proxime videtur accedere: admodum profecto flatuosa ea est, maxime recens, cruda & imperfecte cocta, aut in loræ modum per prius coctæ materiā dumtaxat transfusa. Hæc quidem quo tenuior & crudior est, hoc nutrit minus, inflat vero & refrigerat valētius, parum

*Lib. 5.
Aphor.*

*Lib. 2. c.
80.*

ab aquæ qualitate discrepans. Eiusmodi cum primis habentur, Brabantia, Hollandia, omniumque Belgarum præcipue plebeiorum ceruicia. turbide enim plerumque sunt & male coctæ, vnde vrinarum meatus obstruētes refrigerantesque, stranguriam producūt, calculosis nocent, breuem spirationem efficiūt, pituitatem augent, ventris inflationes, tormina & colicos cruciatus generant. Veteres vero, defæcatæ, claræ, bene & ex optima materia a diuitibus (qui proprio vsui eas, haud venales præparāt) coctæ, tanto magis perniciosas has qualitates exuunt, quo propius ad vini naturam accedunt. Atqui negligentius præparate, cum vsus earum assiduus sit, copioseque ingerantur, dictu mirū quā graua inferant accidentia, nulla tamen frequentiora quam inflationes, easque grauissimas: adeo vt pauci vel potius nulli omnino sint, qui ex cereuicia huius largiore vsu, flatuum cruciatibus non reddantur obnoxij. Si tamen vet copia vel acrimonia irritatus ventriculus intestinaq; deorsum propellant superfluum, & aliud copiose soluatur: au-

bet, vrinam cohibet, laterum dolores, hydropisia, colicum affectum, & iliacam passionem difficillimam generat. Ceterum flatus procreare nō huic modo aut illi rei tribuendum, verum quodcunq; id tandem sit vel vinum, vel cereuisia, vel lac, vel aqua, aut iurulenta alia quantumuis salubria, quorum nimia portione homines sese distenderint, aut alterius rei lentore, crassitieue maiore quā calor pervincere possit inferferint, spirituum flatuosorum causa sunt. Quippe immoderata copia vētriculi actionem hebetat, & imbecillam reddit: imbecilli ventris symptoma, Galeno teste, sonitus est fluctuantis humoris. Venter enim cum pro sua natura se habet, ac constrictoria virtute utitur, quamlibet exiguum sit quod in se continet, vndiq; constringit, & nullum vacuum relinquit locum. Cum autem plenus est, sonitus fluctuantis in eo humoris, veluti ex vacuo obauditur, nō equidem exacte quacunq; parte complecti assumpta valet. Quocirca laxum quoddam spatium efficiens, permittit ea quæ in se continet humida pro figurarum varietate ex alio loco in aliū

transire, ac fluctuationum sonitus edere. Tunc venter intumescit, inflantur turgidaq; redduntur præcordia, & multa cruditas, pituitosi, crassi, lentique humores sensim congeruntur. Hæc quidē cruditas si cum ventriculi quadam vexatione copuletur, vigilq; eā ob causam eger maneat, nec somnus adrepāt, valde malum. Vigilia enim & vexatio ventriculi inquietudinem pariunt, & per lectū revolutiones. assidue vero huc illuc reuolui, flatus efficit, flatuumq; materiā sursum efferri cogit. Ex immoderata itaq; ciborum & potuum copia, fit cruditas, ex cruditate crassi sensim & viscidī humores coaceruātur: in quos medicamenta calida tam simplicia quam cōposita, si quando (vt plerunq; fit dum ignorantis medici consilio vruntur infirmi, aut sibi ipsis mederi student) incidant: flatus quidem non de se, sed et tali pituita suscitant. Quinimo & vinum quantū uis generosum, quod alioqui suapte natura dissipandi, flatus facultatem habet quicquid deniq; est liquidum, si non sua vi, certe sua copia calorem opprimente, aut eius rei cui miscetur natura, infla-

bet, vrinam cohibet, laterum dolores, hydropisia, colicum affectum, & iliacam passionem difficillimam generat. Ceterum flatus procreare nō huic modo aut illi rei tribuendum, verum quodcunq; id tandem sit vel vinum, vel cereuisia, vel lac, vel aqua, aut iurulenta alia quantumuis salubria, quorum nimia portione homines sese distenderint, aut alterius rei lentore, crassitieue maiore quā calor pervincere possit inferferint, spirituum flatuosorum causa sunt. Quippe immoderata copia vētriculi actionem hebetat, & imbecillam reddit: imbecilli ventris symptoma, Galeno teste, sonitus est fluctuantis humoris. Venter enim cum pro sua natura se habet, ac constrictoria virtute vtitur, quamlibet exiguum sit quod in se continet, vndiq; constringit, & nullum vacuum relinquit locum. Cum autem plenus est, sonitus fluctuantis in eo humoris, veluti ex vacuo obauditur, nō equidem exacte quacunq; parte completi assumpta valet. Quocirca laxum quoddam spatium efficiens, permittit ea quæ in se continet humida pro figurarum varietate ex alio loco in aliū

transire, ac fluctuationum sonitus edere. Tunc venter intumescit, inflantur turgidaq; redduntur præcordia, & multa cruditas, pituitosi, crassi, lentique humores sensim congeruntur. Hæc quidē cruditas si cum ventriculi quadam vexatione copuletur, vigilq; eā ob causam eger maneat, nec somnus adrepāt, valde malum. Vigilia enim & vexatio ventriculi iuquietudinem pariunt, & per lectū resolutiones. assidue vero huc illuc reuolui, flatus efficit, flatuumq; materiā sursum efferri cogit. Ex immoderata itaq; ciborum & potuum copia, fit cruditas, ex cruditate crassi sensim & visceridi humores coaceruātur: in quos medicamenta calida tam simplicia quam cōposita, si quando (vt plerunq; fit dum ignorantis medici consilio vtuntur infirmi, aut sibi ipsis mederi student) incidant: flatus quidem non de se, sed e tali pituita suscitant. Quinimo & vinum quantū uis generosum, quod alioqui suapte natura dissipandi, flatus facultatem habet quicquid deniq; est liquidum, si non suaui, certe sua copia calorem opprimente, aut eius rei cui miscetur natura, infla-

tionem producere potest. Porro omnium earum causarum, quas hactenus recensendo prosequuti sumus, nullæ deteriores sunt, nullæque ad hos a flatu affectus creandos promptiores, quam in multā noctem cōporationes extrahere, pleno abdomine, multoq; potu distento cubitum concedere, & inter duos pastus, aut paulo post cibum sumptum, bibere. Ea enim cibi concoctio (inquit Arist.) quæ in corpore procuratur, ad elixationē accedit; præsertim cū in re humida & calida a corporis calore fiat, cruditatesque nonnullæ similes sunt non plenæ elixationi. Quemadmodū itaq; cum in feruentem lebetē multū aquæ frigidæ, aut alterius liquoris infundimus, elixatio hebetatur, interrūpiturq; feruor, ac ita impedita elixatione relinquitur cruditas: eodē modo si statim a prædio aut cœna bibatur, incepta concoctio, quæ elixatio quædam est, interrūpitur, fitq; cruditas quā fluctuatio ilico & inflatio sequitur, & totius vētris tympani instar distensio. In huius rei confirmationem dicit Galenus: bibendum ilico post cœnam nō est, antequam cibus fuerit cōcoctus. Siqui-

*Meteor.
Lib. 4.
cap. 3.*

dem innatāt cibi, si bibāt, ita vt eos ventriculi corpus propter humorem interpositum nō contingat. Triplici itaq; de causa (vt summam, & veluti per genera iam dudum dicta complectamur) inflationes generantur; obstructione nimirū, calore, & frigida humidaq; ventriculi intemperie. Nam & obstructio spiritū cohibet, nec exire permittit: & crassa glutinosaq; cū calefiunt, flatuosum spiritum gignere solent, omnibusque fere hoc modo affectis, præcordia perpetuo turgida inflataq; sunt, & quicquid assument, facile in flatum conuertitur, totūque corpus ampliore fere mole, quam pro naturæ modo cernitur. Ventriculi autem frigida & humida intēperies, siue naturalis ea sit, siue postea sensim acquisita, aut modo per oppressionem natiui caloris a nimia repletionem cibi & potus inducta, nihil reliqui habet ad flatuum generationem. Quare ventriculi regio ab ambientis aeris frigiditate quam optime est munienda, summoq; studio a pedum immoderata frigiditate est cauendum: vtpote quæ citissime per nervos ventriculo communicata eius

*Gal.
meth. 12.*

calorem opprimit, colicum cruciatum omneq; inflationum genus citius quam quisquam ratus est procreat. Atqui flatuum causas quum hætenus abunde satis (ni fallor) recensuerim, tempestivum est quibus signis illi adesse cognoscantur, doceamus.

De signis flatuum. Cap. 9.

Signa Flatuum sumuntur ex corporis cuiusque constitutione & materia, quæ in eo redundat & dominatur, ex victu præcedente pituitoso, flatulento, & tensione hypochondriorum sine gravitate. Ex ructu item, borborigmis, crepitib. dolore turgido & vago cito nascente, & cito iterum desinente: tumore tactui cedente pellucido, & in tympani modum sonante. Frequens ructu crepituq; auditur flatuum eruptio, cui mox leuamen succedit: aut si quavis de causa impedito transitu regurgitent recurrantque, tensui dolores in omne corpus evagantur, vagiq; transcurrunt, & instar spiculi acutissimi momento nunc sub mammillis, nunc inter scapulas vel membranas costas vestientes, vel alia quavis in parte se infigunt. Verum tum haud diu
vigent

vigent quod tenues sint & subtiles, facileq; in ambientem aera dissipentur. Somnia fiunt de volatu, aut saltu fluuios suspensio corpore superante, interdum etiã tonitruui & tempestatis. Frequẽs aurium tinnitus, partiũ corporis palpitatio, oscitatio, & crurũ, brachiorum, digitorũq; tetanos. Magna item in colicum dolorem, in alioq; morbos a spiritu flatulento productos procliuitas. Torsiones creberrimæ circa vmbilicum molestant & nausæ vomitionesq; cuiuslibet humoris corrupti, sed potissimum pituitę, mouentur. Alius obturata & grauiter impedita nihil excernit, imo ne spiritũ quidem transmittit: interdũ autem pituita vitrea magno conatu aut sola, aut facibus paucis iisq; duris inuoluta procedit. Stercora excreta nonnunquã bovinis similia, & flatibus plena vt aquæ supernatent, videntur. Ceterum dolor non fixus vno in loco hæret, nec perpetuo excruciat, sed per interualla incrudescit, & veluti circuire videtur plurimũ loca occupans, ac modo in hac, modo in illa parte vehementior infestans. Atqui non singulis singulæ notæ flatu-

lentis obueniunt. Noui enim quosdam quos tormina circum vmbilicum, & sæui dolores enecant, alius tamen optime suo munere fungitur, bis, terue sua spōte singulis diebus excrementa deiiciens, nec dolor tamen leuatur: indicium aut flatum intra coli tunicas se insinuasse, aut ex frigida vitreę pituitę intemperie, aut ab eius acrimonia ex putredine acquisita vellicante intestina, aut demum ex commistione bilis cum pituita illum enasci, qui deinceps expultricē facultatē ad expellendum irritat. Porro cum præ nimia pituitę copia meatus obstruuntur, excrementorū transitus impeditur, iis re-tentis, adauctaq; obstructione, spiritus flexuosis intestinorū gyris orbibusq; interceptus oberrat, acerbissimosq; cruciatus adfert, quos percurādos temere aggredimur, nisi prius vitreū humorē enematis aut plegmagogis per os sumptis exturbemus. At si ex flatuoso spiritu sine materia coli dolor fiat, tēSIONem magis experiuntur laborantes, atq; rugitū sentiunt & murmura, dolores celeres, flatuū cursus & recurus, vtpote qui exitū quærant, nec inueniant, præcessitq; fla-

tus generantiū ciborū ac potuū vsus. Si-
quidem crassi & glutinosi humores a su-
perueniēte calore liquecant, & in flatus
(quod frequenter admodū accidit) ver-
tantur; iam intermixta erūt, & ex utroq;
coniuncta signa, dolorq; tanto molesti-
or, quanto causa maior: coniunctę enim
causarum vires simplicioribus sunt mul-
to efficaciores. præter eum itaq; dolorē
qui pali infixi similitudinem habet, a fri-
gidity vitreę pituitę acquisitum; alius
etiam ex distensione vehementissimus
sentitur, qui per totam ventris cauita-
tem discurrens, ventriculum interdum
vna cum intestinis afficit. Cum enim
spiritus ob impeditum transitum egre-
di non possit, nec ob sui crassitiem, aut
corporis densitatem, meatuumq; conui-
uentiam exhalare, nec tantam eius co-
piam intestina continere; in ventriculū
regurgitat, eiusque impedit concoctio-
nem, propterea quod interponens se in-
ter cibum & ventriculi corpus, locum
quendam vacuum relinquit. Quæ res ef-
ficat, vt complectendi facultas non vn-
diq; prorsus cibos cōtingat, vnde fluctu-
atio, inflatio priore maior, grauitasq; sen-

titur, & spirandi difficultas ventriculo comprimente septū tranſuerſum, adest. Ingraueſcit autem moleſtia & inquietudo, ſi cibum aut potum ante exactam reſtitutionem ægri ingerant, præſertim lactis aut aquæ aliqualem quantitatem, magis enim tum vētricus propter intemperiem afficitur, & humor fluctuās vehementius diſtendit & inflat. Leuantur vero ad infimas partes ventris deſcendente cibo, & flatibus ſiue per ructū ſiue per aluum excluſis, raro autem excluduntur dum viget malum; pertinax enim vtrinq; eorum cohibitio, & ſi qui forte ructus tum edantur, inanes ſunt ſine vlllo leuamine. Accedit quandoq; tumor & eminentia quædam circa os ventriculi. Dolor etiā aliquando retro iuxta ſpinam eiꝯq; vertebbras, aliquando etiā iuxta totum thoracem ingruit, ſæpe autem vtrinq; occupatos habet. Porro ſigna reliqua potiffimū particularia quaſlibet corporis partes a flatuofis ſpiritibus exagitatas indicantia, ſuo loco, quo ſymptomata ab iiſdem illata tractantur appoſuimus: quare iiſh hic omiſſis ne ſæpius per eandem viam ſit recurrendum

lectorem eo remittimus.

*De Symptomatibus a flatuoso spiritu
productis. Cap. 10.*

SECUNDUM diuersitatem locorum quos flatus occupat, diuersa etiam procreantur Symptomata, ditissima proles vnicam sequuta foecundam parētem continui solutionem. Hæc siquid aliud dolorē excitat. Dolor vero omnis præsertim capitis in membranis consistit, quæ si neq; ab intemperie aliqua, æstu, aut frigore, neq; ab ictu, neque ab odore graui, aut humoribus erodentibus offenduntur, necessario a flatuum ea ipsa in parte (quod rarius accidit) generatorum, aut aliunde, quod frequentius, eo latorum redūdantia, dolent. Hi inter caluam & pericranium, vel inter cranium & duram meningem, vel inter vtrasq; meninges sese insinuant, easq; diuellunt, & diducunt ab osse. Hinc intolerabiles oriuntur capitis dolores. Interdum ventositas illa cerebri, ventriculos, totamq; interiorem mēbranam, quam piam matrem nominant, instar vesicæ distendens, indicibilem quendam, molestum, & dolorosum procreat effectū;

quem quidem alio modo ægri significare nequeunt, quam quod caput modo distendi, modo iterum concidere, & id quasi auferri dicant. Hæc cum sua tenuitate omnia celeriter peruadat, accidit, vt si qua maligna qualitate a putrescentibus in imo corpore humoribus imbuatur, mentem, rationemq; perturbans, horribiles somnos, & quædam quasi melancholica deliria, ingentes capitis concussiones, & nonnunquam ipsam mortem afferat.

Vertigio, Græcis *δῆινος*, fit, cum caput rotari seu circumagi videtur. Scotomia vero, cum vna cum rerum circulatione etiam tenebræ oculis obuersantur. Vtraq; fit multis de causis. At qui nobis ea dumtaxat proposita est tractanda vertigio, quæ a flatuorum spirituum in anterioribus cerebri ventriculis, turbulento inordinatoque motu procreatur. Hi enim tenebrarum offusiones adducunt, & imaginatricis facultatis iudicium peruertunt. Vnde rerum obiectarum rotatio & conuersio se obicit, simulque se circumagi & cadere existimant qui id patiuntur. Vertigo itaque

nihil aliud, est quam turbulēta commotio spirituum crassorum & flatuosorum in anterioribus cerebri ventriculis. Hic Spiritus in cerebro interdū habet localem generationem ex inæquali cerebri intemperie, interdum ex infernis partibus, ventriculo videlicet & præcordiis fursum fertur: quod facile colligere est ex iis, quæ capite præcedente a nobis dicta sunt. Ex cerebro quādoq; in neruorū propagines flatus insiliens, haud secus illas atq; loræ cordas adimplens atq; cōuellēs, spasmū flatulentū procreat, quo manuum pedumque digiti, aliquando crūra seu brachia integra summo dolore extenduntur, vel in se contrahuntur.

AVrium etiam acerbissimum cruciatum hic spiritus profert, cum circum membranas in auditorio organo coercetur. Exitum quippe non reperiēs vehementer illas distendit diuellitq; ab osse. Discernitur autem ab aliis earum affectibus, quod in hoc neq; ardor, neq; grauitas (nisi pituitæ copia ibidem collecta eum foueat) sed sola inest distensio cum strepitu aut tinnitu. Etenim plurimum interest multus sit an paucus,

crassus an tenuis: item lente moueatur an celeriter. Nam si multus sit, crassus, & celeriter moueatur, sensorio exhibebit similitudinem aquæ rapido cursu cū fragore fluentis, vel tympani, vel id genus instrumentorum musicorum, quæ cum largo inflatū stridentem sonitum edunt. Quod si paucus sit, crassus, & celeriter moueatur; arboris confractæ, vel domus collabentis subitæq; ruinæ, vel catadupæ præ se speciem fert. Si multus, tenuis tamen & celeriter moueatur, tintinum excitat & eum strepitū, qui quasi exaudiri solet ad angusta ædium foramina, si quando insignis ventus perstrepat & se insinuat. Quod si vero multus sit, crassus, & nō celeriter moueatur, sed lēte, solet magna ex parte murmura excitare. Si autem paucus sit, crassus & lente moueatur, exaudiri facit susurrum. Quando autem multus fuerit, tenuis & lente moueatur, sibilum excitare cōsuevit. Vt plurimum ita affectis sensus vel interni, vel externi obtusi sunt & hebetes: maxime vero sensus auditus, ob spirituum crassitiem, impuritatem & frigiditatem; nec perpetuo quidem, sed

per interualla dolor afficit.

IN dētium etiam radices spiritus illabitur, & eorum neruum, aut maxillæ membranam distendens, mirum quanto dolore conflictentur, qui eo pacto afficiuntur, vt vix ex vlllo remedio cruciatuum lenimen inueniant. Facilis eius est cognitio. Non enim perpetuus est, vel ex æquo discrucians dolor per totum paroxysmum, vt accidit quādo ex distillatione humores eo decumbūt; sed per interualla ingrauescit, & celerrimo motu, veluti si spiculo infigerentur, affligit.

Pvlmones, tametsi doloribus, vt Gal. author est, non infestētur, ex distensione tamē molestiā in pectore, vel in spina percipiunt: id quod accidit ob membranā eos ambientem, quæ ex fibrosorū nexum interuentu, ex pectore, & dorso suspēditur. Quoties itaq; flatuosus spiritus sua multitudine, aut celeri agitatione, hanc tunicam distendit, mirū non est si extensionis sensum, tā in pectore, quā spina æger percipiat, maximeq; offenda-
tur: & quod peius est, venas interdum disrumpit, sanguinisque effluxum & tabem demum, licet rarius, ingenerat.

Pleuritim autē mendosam frequētius efficit, eamq; interdū admodum difficilem, quoties is inter cutem & costas, vel inter membranas costas succingentes sese infert, easq; a vicinarū partiū adhēsu diuellit. Spiritū hęc intercipit, nec libere & magnum spirare finit, quod latus atq; thorax ad respirationē conferrāt, motuq; irritētur. Tussim siccā & febrem interdū ex dolore efficit: vtq; paucis dicam, falsis iudiciis veram mentitur ex phlegmone pleuritidē: vnde fit, vt pleriq; medici, qui acutū non cernūt, vel paucis contēti, iisq; haud pathognomonicis signis, facile fallātur, perperāq; instituta curatione, grauissimorū symptomatū fiāt authores. Longe lateq; a vera pleuritide distat illa, quæ mēdosa nobis a flatu dicitur: illius signa huc adferre præter institutum foret: huius vero quæ a flatu, dolor vagus fere est, nec diu eadem sede persistit, nisi valde nebulosus & crassus sit: verū calore & fomētis mitescit, atq; dissipatur; ortus quoq; est a frigide largiore potu, aut nimia lactiscopia, a magno hau^{stu} ceruisiæ frigidioris, præcipue post citationem, frigidis humidisq; pe-
 exer

dibus, aut aliis causis flatulentis, iisq; evidentibus, vt ex præcedētib; didicimus.

Palpitation quoq; cordis, qua *παλμὸς* Aristoteli dicitur, ex eorum numero est, quæ a flatulento spiritu fiunt, cum per cæcos ductus ille in pericardio se insinuauit: hic exitum non inueniens, vehementi diastole & systole fit molestus; adeo vt dum folliculum cordis extendit & amplificat, ipsum arteriæ motum intercipit. Cum hæc affectio a flatu non ab humore fit, sic percipiemus; Humor aut multus, aut paucus erit: isq; crassarum aut tenuiū partium. Multus & crassarum partium nullomodo per densam membranā potest dilabi, & per habitum corporis in ambiētem aera resolui. Multus & tenuis humor, tametsi tandem resolui & exiccari queat, eget tamen longiore mora, nec celeriter influere & dissipari, exacerbare & iterum conuiuiescere potest: argumentum maxime efficax, palpitationis causam flatulentā esse substantiam. Verum si hæc tum exigua, tum subtilium esset partium, facile euanesceret, nec eam de qua agimus palpitationem efficere valeret.

Non alienum igitur a ratione est substantiam quandam crassarum partium esse, spiritum videlicet nebulosum, quē quod vitalem facultatē opprimat, molestat, & grauitè afficiat, nititur cor excutere: suoq; calore & agitatione perpetua grossitiem extenuans dissipat, desinitque palpitatio, a crapula, otiosa vita, excandescencia, aut nimio subitoq; metu tanquam causis euidentibus seu procatarticis plerunq; genita. Porro longe alia ratio est palpitationis, quæ per humores pericardio contentos fit. Perpetua enim est, raro præterquam in quiete intermittens; ex motu incrudescit, & ad multos annos, imo sæpe ad mortē vsq; ægrum comitata. Tanta huius vis est, vt interdum sit animaduersa vicinas costas (authore Fernelio) effregisse, suo loco eas depulisse, & arteriam etiam foras dilataisse, in aneurisma contracti pugni magnitudine. Altera vero illa quæ a flatibus, molesta sane est: verum per interualla inuadit, nec vt hæc periculosa, minimeque ab humorali vulgo interstincta.

NVlla sane crebriora grauioraq; ex ventoso spiritu infestant symptomata, quam quæ ventriculum & colon intestinum afficiunt: quorum illud inflation, hoc vero colicus affectus, seu dolor colicus ab affecta parte nominatur: omnes autem ventosos appellat Hippocrates. Inflationis generatio vitio retentricis & complectentis facultatis prouenit. Nam eis probitas in duobus consistit, cū videlicet tempus complectendi cibi cum tempore cōcoquēdi exæquat, ac cum cibos prorsus vndique constringit, ita vt nullum locum relinquat inter ventrem & cibos vacuum. Atqui iniustū complectendi tempus, excretio celer, & ciborum in inferiori ventre corruptela consequuntur. Imbecillum vero ciborū complexum, modo fluctuationes cum sonitu succedunt, modo inflationes. Ab his ventriculus misere contorquetur, & dolores ad dorsum vsq; descendunt. Ille enim sub septo transuerso positus, & a malo punico initium ducens, leniter in sinistram deflectit: huc enim superior eius pars maxime deurgit, inferior vero magis in dextrā. Posterior pars vniuer-

sa spinæ insidet, cum qua ad primam vsque lumborum vertebra adhærescens colligatur. Os autem illius nō spinæ, sed diaphragmati, iocinori, cordi, lieni, intestinis, aliisque partibus communione membranarum, neruorum, arteriarum, & venarum connectitur. Vnde fit vt quoties ventriculus a flatuosis spiritibus vehementius distenditur, ilico doloris participes maxime fiant illæ partes, quæ distensæ ventriculi parti, mutuo nexu coniunguntur. Quapropter cum posteriores eius partes potissimum a spiritu distenduntur, tum maxime dolor, spinæ, lumbisque insistit, & renum regionem acutissime inuadit, non aliter, quam si difficillima nephritide quis excrucietur: quæ res non modo plebi, verumetiam doctissimis in arte magistris, interdum imponit, vt existiment renum calculo laborare eos, qui a distrahente flatu male habent. Verum id potissime vsu venit iis, qui a dolore colico exagitantur, vt paulo post dicetur. Quum partes eius superiores extenduntur, dolor iuxta totum thoracem irruit, & maxime versus regio-

nem sinistram: cum inferiores, tum aliquando magis in regione hepatis, interdum autem in opposito latere afficit. Sin autem orificium eius apprime diducat, gula conuellitur, & veluti manibus quibusdam contrahitur, vt baculum videri infixum, infirmi clamitent, & vix quicquam inglutire valeant. Quē admodum enim plenitudo (teste Gale. *Lib. 6.* no) corpora repletorum in latum & *Aph. 39.* profundum extendit, sed longitudinem abbreviat, sic in ventriculi inflatione v. su venit, vt is ex flatuum copia in latum & profundum distensus, longitudinem abbreviet, ac gulam conuellat. Quippe Erasistratus quoque musculos, si spiritu impleantur, in latitudine augeri, in longitudine vero minui, atque ob id etiam retrahi dicit. Porro cum præ copia multitudineaque totus distenditur, omni ex parte distensionis sentitur effectus: & quod diaphragma comprimatur (respirationis enim organum est) ab inflati vetriculi mole, difficilis fit spiratio: adeoq. hæc inflatio nonnunquam increscit, vt tumorem quendam iuxta os ventriculi efficiat. Leuātur excrementis infer.

ne subeuntibus, & flatibus siue per ructum, siue per aluum exclusis.

COlicus dolor nunc venit ordine explicandus, qui non vnā dumtaxat ventris regionem in omnibus occupat, sed prout sunt fluxus coli intestini, ita ille sedem mutat, nunc latus dextrum, nunc sinistrum, interdum renes, interdū vmbilici regionem, nonnūquam etiam totum ventrem inferiorem, sed vt plūrimum latus sinistrum excrucians. Colon enim intestinum crassum a dextra ilium regione per iecoris caua ad sinistrū hypochondrium super ventriculi fundum fertur, lieniq; accumbit. Hinc in posteriora demergēs, reni sinistro cohēret. Qua itaq; in parte (vt superius de ventriculi situ monuimus) flatuosus Spiritus ingruit potissimum, ibi vehementissimus dolor molestat. Cum autem vna in partē fixus hēret, a cruda frigidaque pituita intestini anfractibus conclusa excitatur; nec tum penitus intercluditur spiritus. Pituita hæc intestinum corradit, dilacerat, atq; in id plerumq; perforantis terebelli more se infigit: vnde alte etiam dolor excruciat. Nauseam interdum & pituitæ

tuitæ vomitionem excitat, neq; ructibus
 neq; flatibus emissis consopitur. Atqui
 flatulentus dolor, si absque pituita solus
 infestat, vagus est & instabilis, in variasq;
 ventris partes se contorquet, sæpe ob-
 murmurat, & arcte cōclusus, nec ab ore,
 nec ab aluo erumpit. Hic in colo pluri-
 mus gigni cumulariq; solet: nam aliud
 nō condidit natura excipiendi flatus re-
 ceptaculum, quem tamē prima ventri-
 culi concoctio maxime progeniuit. in
 hoc itaq; intestino flatus cōgeritur mā-
 gno sensu doloris, præsertim cū propter
 obstructionem a lenta crassaq; pituita,
 aut a duris resiccatisq; fecibus erumpere
 nequit. Fæces multas ob causas induran-
 tur, potissimum autem ex quiete, & se-
 cessus cohibendi conatu. Quies enim
 ita cōtinet, quemadmodum motus ex-
 cernit: quies sic astringit, vt motus ape-
 rit: quies res immotas, motio vero mo-
 biles efficit. Quocirca motus vomitū,
 deiectionem, sudores, vrinam, natura-
 lesq; expulsionēs omnes citat & propel-
 lit: quies eadem retardat. Multas au-
 dias conquerentes mulierculas, quod
 tertio aut quarto quolibet die excre-

menta excernant, alias quinto aut sexto, nonnullas etiam, quæ ante octauum diem nullum alui beneficium habeant. Desides enim sunt plerumq; , & inertes frigida, voraces, & obstructæ. vnde nec motus propellit, nec exigua bilis ob frigiditatem intestina ad expulsionem irritat. Copiosioris autem bilis in intestina transitum, obstructi meatus impediunt, & ordo peruersus in cibo sumendo aluum constringit. Haud mirum igitur si mulierculæ viris frequentius flatuosis affectibus diuexentur. Cohibitio excrementorum non modo colicū affectum, sed alia quædā grauissima ingenerat accidentia. Stercora enim a natura secreta, deorsum pulsa, & ob insitā grauitatē in infimas partes dilapsa: si propter ciuilia negotia, vrgētemve quampiam causam detenta regurgitent, necessario obdurefcunt, quod diutius cohibita, caloris vi continenter siccescāt, ab hisq; nonnihil succi semper exugāt mesenterij venę, nō solum in tenuia, sed & in crassiora intestina distributę. Sic sensim illa præter modum exiccata, transitum & sibi, & flatib. tollunt, & miserabilem interdū ileū ad-

ferunt, atqui hunc raro, frequenter autē colicum affectū, & alia quēdā symptomata longe grauissima. Cum nāq; flatus coarctatus elabi nequit, ex imo ventre toto anfractu in ventriculum resiliens, eū quidem distendit, & annexū sibi stomachum conuellit & contrahit, adeo profecto, vt nec inglutire quicquā vixq; verbum proloqui infirmi possint. Deinceps, quandoquidē eius osculum acutissime sentit, magno dolore ex conuulsione afficitur, vnde externarum partiū calor intro com meat, quo quod naturæ noxium est, iunctis viribus expellat. Illæ suo destitutæ calore rigēt, nerui contrahuntur, crura vacillant, & incredibilem angustiam perniciosus hic hostis parit. Hæc tam immania, & multis nominib. execranda symptomata, quis credat ab vnico flatu in corpore humano procreari posse? Atqui ita se rem habere ego sana conscientia testari possum multiplici edoctus experientia & obseruatione: ceterum plenius quæ dico intelliget quicunque exacto trutino rem pōderabit. Excrementa quæ in hoc affectu colico inferne deiiciuntur, flatibus plena

videntur, quod ita cognoscitur, si super aquā natent, ac bubulo stercorei assimilentur: cruditas interdum, nauſea & vomitus præceſſerunt. Quippe talis hic affectus, eſt qui magnam affinitatem cum renū calculo vreteris impacto habeat, & difficulter hic ab illo discerni queat, quo fit vt ne dum vulgares medici, verū Galenus ipſe in propria perſona deceptus fuerit, exiſtimans renum calculo ſe affligi, cum ex dolore colico male haberet, nec prius ab hoc errore ſeſe vindicauit, quam iniecto rutaceo oleo pituitam vitream excreuiſſet, & ab omni mox moleſtia liber euasiſt.

O Rationis noſtræ ſeries videtur expoſtulare, prædictis Melancholiā flatuoſam, quā Myrachiam Arabes appellant, ſubnectere. Hæc quidem tribus de cauſis generatur, nimirum a iecoris & venarum meſeraicarū φλογώσι: a vētriculi frigidiore: & crudo craſſioq; humore pituitoſo, aut melancholico. Vētricus enim frigidus plus ſatis appetit, & parum concoquere poteſt. Cibus autem crudior craſſiorq;, ante perfectā concoctionem a iecore calidiore trahi-

tur. Vnde cum secūda concoctio, quæ in iecore celebratur, non corrigat prioris defectum, fit vt mesenterij venæ a chyli crassitie obstruantur, ingenſq; copia crudæ materiæ in iis colligatur. Hæc a calore præternaturali ebullit, & cōtumaces flatus exhalat, qui non facile discutuntur: rugitus deinde, ructus, & murmura concitantur. Porro (ait Galenus ex Dioclis sententia) alius oritur a ventriculo morbus, qui supra propositis non dissimilis est, nominaturque ab aliis melancholicus, ab aliis flatuosus, quem sumpto cibo maxime coctū difficili & caustico, sputum humidum, idemq; multum comitatur. Item ructus acidus, flatus, æstus in præcordiis, fluctuatio, non ilico sed quum retinuerint, interdum quoq; ventriculi vehementes dolores, qui nōnullis ad dorsum vsq; procedunt, concoctis deinde cibis quiescunt, mox aliis ingestis, rursus eadem reuertuntur accidentia. Vbi autem accessio ipsa inuadit, ventriculus & hypochōdria misere cruciantur, neque ab illis cruciatibus liberantur, prius quā vomitu aut excretionē per aluum, noxia materia flatibus hy-

po chondria extendēs excludatur. Quod equidem sursum vomitu exiicitur, quia a ventriculo debili & frigido effunditur: pituitosum est, viscidum, crudū, album, & interdum saporis expers, interdum autem subacidum, vel ex corruptione subamarum. Quod per inferna discedit, nigricans plane & flatulentum atque omnino melācholiæ soboles, ex hac nonnunquam ater & obscurus vapor in cerebrum exhalans caput diuerberat atq; percellit, turbulenta insomnia infert, & mentem perturbans deliria quandoque efficit.

VEntositas hæc in corporis cauitatibus, intestinis videlicet & ventriculo, vt auditū est, collecta cōclusa q; si exitū naturalē non reperiat, impetu sibi viā muniens, per cæcos conuiuentesq; ductus in iecur ambientes membranas venasq; capillares per caua & gibba hepatis diffeminatas effunditur, easq; prorsus in modū schirri obsidet: sine schirro tamē tā opere distēdit, vt magnus plerūq; tumor circa iecoris regionē se efferat, iisdēq; notis atq; schirrus sese proferat, nisi quod minus renititur, & breuiori tem-

pore genitus est: Etenim tantus plerumq; apparet, vt vniuersum hypochondriū repleat, neq; costarum extrema percipi, neq; sub hęc digiti infigi possint, neq; iecoris vlla figura sit aut circumscrip-
 ptio, cognoscitur hunc a vaporosi & crassi flatus multitudine factum: quod non grauitatis solum, sed etiam distensionis sensum, vt Galeno placet, ægri percipiant.

*lib. 5. de
 loc. affect.*

HAud dissimiliter Splen nonnunquam ex flatuoso spiritu distenditur, Tralliano teste. Quemadmodum (inquit) in ceteris plerisq; internis corporis partibus interdum flatulentorum spirituum collectio, ita & in liene flatus quasq; venti sæpe oritur excitatio, quã ἐμπνεύματων Græci nomināt, & incrementum quandoq; tumori præter naturam simile, quod eadem gens ἐμφύσημα cognominat. Hic tumor instar scirri renititur, a schirro tamen eum interstingues, quod in schirro cum renitentia, tumore, ac duritie, grauitas cum pondere in sinistro hypochondrio percipiat. In tumore autem ex flatu tactui tumor nō pertinaciter resistit, imo imposita manu

ad tactum cedit, & lien punctionem tē-
sionemq; experietur, citra tamen pon-
dus ac grauitatem, & breuiori tempore
factus est. Hos vtriusq; visceris tumores
a flatu fieri cum minime medicorū vul-
gus intelligat, deus bone, quam cæco iu-
dicio curā huius mali ignorata causa ag-
grediuntur! iuleporum ibi tum myria-
des præscribuntur; curatio, quo largius
stipendium emungant, in longum pro-
trahitur, ac demū cum plus damni (quis
enim caligantibus oculis, quod rectum
est videat?) quam commodi dederunt,
schirrum vel iecoris, vel lienis esse ma-
gna constantia affirmant, cumq; ex Gale-
ni sententia immedicabilem. Verū hæc
ignorantia turpiter suum illudit autho-
rē: flatus enim hic nebulosus visceri im-
pactus cum temporis successu a calore
natiuo, fomentis, inedia, extenuante ca-
lesfacienteue victus ratione a muliercu-
lis, empiricisq; administratis discutia-
tur, euanescit hypochondrij tumor, do-
lor omnis cōsopitus silet, & huiusmodi
doctores cū sua falsa persuasione igno-
miniose reiiciuntur. Exhortor itaq; in-
genuos veritatis amatores, eosq; qui be-

ne suo nomini & famæ consultū volūt, vt penitius rem introspeciant, & sedulo addiscant, a flatibus exorta symptomata, ab aliorum morborum symptomatibus internoscere. Difficile quidē id, sed pulcherrimum quoq; multam laudem doctis conciliet. Multi namq; ægri, veluti iam iam aēturi animam præ nimio dolore & molestia, non aliunde quam ex flatuoso spiritu procreatis, misere exclamant. Qui si corruptus fuerit, a materia putrida & venenosa excitatus, & cum dolore intolerabili per mēbra discurrat: tum viro in artis operibus bene exercitato opus est, qui & flatus molestantes, & materiam vnde eleuentur, cognoscat, hocque genus mali ab aliis morbis discernat.

HVc accedit Hydrops Tympanites, qui fit cum in abdominis mēbranas magnis cruciatibus sese flatus inferunt, ac demum varie impulsī in abdominis spatium penetrant, de hoc loquitur Hipp. Quibus tormina adsunt, & circa vmbilicum cruciatus & lumborū dolor, qui nec medicamēto, aut villo alio modo solui potest, in hydropem siccum

*Aph. 2.
Sect. 4.*

firmatur. Hydropis (vt hoc obiter dicā) tres sunt species: λευκο φλεγματία quæ & anasarca, ascites, & tympanites, quem hydropem siccum appellauit Hippocrates. Anasarca est molis corporeæ incrementum præter naturā, cuius initio pedes tument, potissimum circa vesperū, ab exercitatione, aut cū decliues diu pedes pepēderint, in hisq; digiti manet impressum vestigiū, corpus æqualiter molle, laxum & pallidum existit: dissolutum & quasi eneruatum minimo labore frangitur, nec alia ratione a phlegmatica cachexia, quæ virginibus peculiaris est, ac ob id virgineus, seu amatorius morbus appellatur, differt; quam secundum magis & minus, quodq; illa tumidam habeat corporis vitiatā molem: hæc vero sine excedente magnitudine exanguis pallescit, cor ad corporis motum contremiscit, in ascensu scalarum dyspnœa corripitur ægra, & corpus graue & iners cum difficultate mouetur. Vna & eadem vtriusq; causa, immodica nimirum iecoris atque venarum refrigeratio. Iecore refrigerato, αἱμάτωσις, hoc est sanguificatio vitiatur,

vnde sanguis crudus & aquosus relinquitur, qui si in venā cauā trāsumptus vsquequaque per corpus dispergatur, fit, vt dixi, anasarca. **S**i vero nimia aquæ copia iecur opprimēs ambiētem ipsum extrinsecus tunicam distendat, hydatides, idest vesiculas efficit. Hæ si quando acciderit vt rumpantur, in eam peritonei regionem aqua effundetur, quæ est secundum epigastrium, fitque secunda hydropisis species, quæ ab vtris similitudine ascites dicitur. Hac venter sensim impletur, dum diuulsa laxatae cute supra modum intumescat, corpus vero reliquum marcescit ac liquefit. Si abdomen impellitur, aut corpus in alterum latus prouoluitur, fluctuantis humoris sonus obauditur. **A**tqui in tympanite non fluctuatio humoris, sed sonitus qualem tympana edunt percussio vngue, hypogastrio sentitur. Nam & in his, inquit Gal. per circumtensam pellem contentus aer verberatur, quemadmodum in hoc morbi genere per mediā cutim, qui in profundo est, flatus percutitur. Om-
nium harum hydropis specierum causa
 frigiditas visceris est & venarum, a ma-

*Aph. 12.
 Sect. 4.*

iore tamē frigiditate aquosus hydrops, quem Asciten vocant, generari videtur. A minore vero tympanias, neq; enim mutari in aerē flatuosum humiditas sine aliquo calore potest. Ingens etiam sitis omnem sequitur hydropisin, maxime autem asciten & tympaniten: illum quidem, quod humor, qui in locis detinetur, salsus est & putrefactus: hunc autem partim ob eandem rationem, quod sincerus flatus sub abdomine citra humoris permissionem nunquam sit animaduersus: partim etiam quod flatus ventriculi humiditatem absorbeat: qua absumpta, is inarescit, potusq; irrigationem desiderat. Hoc certe desiderium sitis est. Est enim sitis appetitus humidi aut frigidi, aut vtriusq;. In externis etiā videmus, quod quamuis sit terra a pluvia quam maxime humectata: ventus tamen superueniens, miris modis, brevissimoque tempore eam exiccat, & humorem absomit. Idem in copore euenire, nulli dubium esse existimo. videmus enim tympaniticos maiori siti quā apud inferos Tantalum extorqueri: adeo ut quo plus sunt potæ, plus sitiuntur aquæ,

Vtq; feroci quem secum in intimis visceribus conferunt hosti satisfaciant, sese ipsi in interitū præcipites dāt, nimioq; potu strangulant in iis etiam qui coli cruciatibus diuexantur, sitis ob eandem causam infestat.

GEnitalia etiam membra eadem ex flatu pestis subinde male habet. Vterus enim copia eius quandoq; tumet & distenditur, qui aut per cæcos ductus in vacuam ipsius capacitatem irrepfit, aut ædito partu se insinuauit conniuen- te ostiolo, aut post vsum balnei aut stuphæ, aut qua alia de causa illic genitus coarctatur. Cōclusus valde vterū distendit. Distensio vero in superiori eius parte, si maxime fiat, eo delata vi flatuū, iam ascendere putatur, & ad septū transuersum ventriculumq; instar globi cuiusdā efferri, eumq; graui- ter opprimere. Hinc sæpe vel manibus in pugnum deductis, vel alio quouis duriore solidi- oreue corpore propulsus in propriam sedē deprimitur. Si autem alterutrū latus vteri præ ceteris distendat: iam conuulsione quadam is in dextrum, aut sinistrum inguē contorquetur, pecten, imusq; venter in-

flatur, ac dolore concutitur, interdum sonitu toto corpore obauditur, ructus eduntur, strepitus circa ventrem, lūborū tumores, dolores circa renes & coxas fiunt, ventre digitis impulsō, tympani sonus editur, ac flatus e ceruice manifesto prorumpit, flatuosam perfrigerationem hanc Soranus esse dicebat.

QUemadmodum vterum mulieris flatus interdum subit, sic & in viri scrotum cum primis ingreditur, idq; cū morbo, vel sine eo, sed per se morbus, quippe cum morbo tympanite vidi nō nūquam virorum scrota ad magnitudinem vesicæ porcinae inflatæ extensa esse. Flatus enim, qui prius solas abdominis membranas, & peritoneū occupabat, iā copia & multitudine inauctus, ampliusq; ob id spatiū desiderans, eas dirumpit, transitumq; sibi in laxam scroti cauitatē parit, neq; hāc dumtaxat partem, verum vniuersum corpus replet. Sine morbo autem virorum plerumq; vt plurimum autem infantium recens natorum, scrota distendit, eamq; efficit herniæ speciē quam pneumatocelen, hoc est, ventosam herniam Græci appellant, fitq; non

vno eodemq; modo. Quippe flatuosus spiritus cum in communem testiculos ambientem membranam *ὄρχειον* Græcis, folliculū genitalem Latinis dictam ingruit: totum scrotum æqualiter inflat. Cum vero inter vtriusvis testiculi tunica erythroidem nimirum & darton se infinuat: alterum latus altero tumidius reddit. Tumorex inflatione pellucidus apparet, nec vt in hydrocele grauis cognoscitur: si omni luce seclusa, cerea candela ex opposita parte conspectui obiiciatur.

PRiapismus colis symptoma geminā habet causam, vnā arteriarū, quæ in pudendum inferuntur impletionem: alteram flatuosi spiritus in fistuloso neruo generationem. Hic spiritus neruum affatim adimplens, & in tumorem distēdens, penem arrigit, & sine veneris desiderio, tentiginem efficit. Est, inquit Gal. *Metth. med. 12* & alius inflationis affectus Priapismus dictus, quo detentis vel inuitis pudendum arrigitur. Etenim cum neruus propriam colis substātiā constituens, natura cauernosus existat, vbi halituoso spiritu impletur eiusmodi affectū exci-

tat:& iterum, Priapismus est auctio colis permanens in longitudinem atq; orbē tumefacti, citra rei veneræ appetētiā, cuius affectionis causa, est flatulentus spiritus. Quod enim a spiritu in tumorem attollatur, manifestū est iis, qui celeritatem eius cum intumescit, & quum iterum residet perpendunt: quippe nullus humor tam celerem in alterutram partem mutationem efficere potest. Verum huic ex flatuoso spiritu Priapismo præcedit palpitatio: illi vero qui fit ex dilatatione arteriarum, minime.

HActenus quomodo flatulentus spiritus internas corporis viscerumq; cavitates adimpleat, quæq; in iis mala generet, abunde explicuimus. Superest paucis, quæ in corporis habitu proferat symptomata dicamus. Is enim vt est tenuissimarum partium substantia, ita nō modo quod vacuum est, replet, sed continuitatem partium dissoluit, membranas a sese, & ab ossibus diuellit, & celeri motu nō hanc aut illam dumtaxat partem, sed totū corpus magno cum dolore, veluti si spiculum infingeretur, peruadit. Quandoque etiam in modum auræ frigi-

frigidæ, sensiles neruofasque partes sine magno dolore afficit: ceterum hic spiritus, vt paucus est & tenuissimus, ita facile a calore natiuo fomentisue externis euanescit. Difficilius autem cum crassior & copiosior sub cute vel membranis, quæ ossibus circundantur, se insinuat, easque in tumorem, qui Inflatio, vulgo autem Apostema venetosum nominatur, extendit. Hanc Gal' ab œdematē distinguit, quod hoc ex pituitoso succo ortum habeat, ac proinde nobis præmentibus cedat, digitique admodū alte in illud descendant. Inflatio vero fiat, ex flatulento spiritu, alias sub cute, alias sub membranis, quæ ossa integunt, aliquando autem sub musculis collecto. Hæc digitis pressa vestigiū minime retinet, sonitūque tympani percussa edit. Est quando tumorem quidem ille non excitat, sed sub cute consistens, ac ob eius densitatem non valens exhalare, palpitat: vitam ignara plebs hanc palpitationem nominat. Scite admodū hanc rē Ioannes Langius depingit in quadam Epistola sua, qua chirurgorum quorūdam arrogantiam & inscitiam damnat.

Lib. Epist.
Epist. 8.

Aliam, inquit, a que temerariam chirurgicorum inscitiam te celare nō possum, qui cum musculos temporum, frontis, genæ, aut maxillarum ab intercutaneo aere distentos contremiscere vident, illic mox animam hominis & vitā latere, veluti erga stulo inclusā, proclamant, pariter quoq; , quamuis nulla corporis per pharmaca euacuatio sit, magis ipsa phlebotomia periculi expers: attamen cum secta vena sanguinem in lebete ob flatulentum spiritum inclusum contremiscere vident , vitam cum sanguine effusam suspicantur, quem ob id repente, antequam tepescat , patientem absorbere cogunt. O audax chirurgorum ignorantia, qui nesciunt aerē vitalis & animalis spiritus fomentum , non modo per arterias cerebri, pulmonis, & cordis cauernas, sed per occultam inspirationem & poros , vniversos corporis artus perreptare , qui ob arteriarum cū venis coadistomosin, sāguini quoq; permiscetur. Quem etiam ex flatulento & viscoso humore nō in musculis modo, & omnibus quæ distendi possunt membris (nempe ventriculo, intestinis , ioci-

fiore, liene, septo transuerso, ac in ipso
 puerperarum vtero) crebro generari ac-
 cidit, cuius tremulo motu agitata ma-
trix, foetus in vtero moueri puerperæ fal-
so suspicatur. Hūc, inquam, tremulum
 nō in musculis duntaxat & aliis mem-
 bris, sed præcipue in cordē, motum Græ-
 ci palmum appellant. Et certe si magna
 paruis conferre fas est, quemadmodum
ventus visceribus terrę inclusus, eruptu-
 rus tremulo motu terram conquassat,
sic aer flatulētus musculorum aliarum-
 que corporis partiū, quæ distēdi possunt
 velamine circumseptus, eas palmo con-
 cutit, donec per distentū velamen eru-
 perit. Hactenus Lāgius. cuius sententiā
 cōfirmat Galenus in hæc verba scribēs:
Id genus spiritus crassus ac vaporosus,
 nonnunquam quidem sub membranis,
 quæ ossa integunt, collectus definitur,
 nonnunquam sub peritoneo, aliquando
 vero in intestinis & ventre: interdum &
 sub membranis musculos circumdāti-
 bus, quēadmodum & sub membrano-
 sistendonibus: nonnunquam autem &
 in spatiis, quæ cogitatione percipiuntur
 tum musculorum, tum aliarū corporis

*Lib. 2. d.
 Art. cu-
 rat. ad
 Glauco.*

partium. quarum naturam ex anatomis administrationibus didicisti, ad hunc quidem modum & musculus ipse spiritu impletur. Admirabilis itaque flatuū vis & potestas est, quæ tanquam fulmē quoddam per insensiles ductus in abstrusas quasque latebras se insinuās, vel ossa ipsa peruadit, & in intimis medullis magna molestia afficit, inter os etiam & periostion se ingerens, hoc ab illo magno conatu diuellit, diducitque: & distensionis sensum ingenti dolore affert. Hinc multorum querimoniarum de cruurum tibiaramque vehemētibus per interualla molestiis, cum nulla tamen extrinsecus intemperies, nullus tumor, nullus denique dum premitur (nisi eius magna copia collecta ibidē sit) dolor afficit. Haftenus de Symptomatibus. nūc de prognosticis flatuū aliquid dicamus.

De prognosticis Flatuum. Caput II.

OMnes a flatibus excitati affectus difficiles sunt, quocunque loco, si exitus iis negetur, subsistant. Hi namque quo densiores, & quauis in parte compactiores contederint, eo diutius ibidē remorantur, & difficiliora periculosio-

raque symptomata excitât. Cum enim partes diuellendo a sese distrahunt, dolorem mouent: dolor humorum defluxus prouocat, humor autem in fissuras diuulforum corporû sensim subintrans, ibi tumorem efficit: ex tumore fit cutis, & membranarum distensio & coarctatio: inde cum sanguis minime diffletur, corruptio & caloris præter naturã augmentio. Hic tumor si durus sit renitens, ruber & pullans, inflammatio: si vero albus tactui cedens, & a contactu foueam retinens, œdema. Si autem albus, renitens, & pellucidus conspiciatur, Inflatio dicitur. Interdum & Hydropẽ Spiritus efficit. Cum ait Hipp. ipsi flatu carnes pergressi, meatus corporis rarefecerint, sequitur post flatum humiditas, cui viam iam antea aer præstrauit. Irriguo itaque corpore ab humiditate facto, liquefiunt carnes, humoresque in suras descendunt, atque morbus fit, qui aqua inter cutem appellatur. Omnibus his affectibus a spiritu flatuoso excitatis, & a ximo periculo subiiciuntur illi, quorum in corporibus diu perdurauerit. Quare recte habet Aphorismus ille: Quibus

*lib. de
Flatib.*

tormina adiunt , & circa vmbilicum cruciatus & lumborum dolor , qui neq; medicamento, neque aliter soluitur, in siccum Hydropem firmatur. Medicamentis autem, neque aliis remediis solvuntur, quod earum partium habitualis quædam intemperies est, qua perseuerante Tympanites fit, omnium specierum Hydropis perniciosissima , quam, saltem confirmatam, nunquam a quoquam percuratam vidi. Si itaque perniciosus est, imo lethalis tympanites, quod flatus eum excitantes nullis remediis propter fouentem causam cedant: merito dixit Hippocrates: Absque sono & crepitu flatum exire, maxime salutare esse. præstare tamen cum sono prodire, quam ibi eum renolui, quod ex tali resolutione vehemētissimi dolores cruciatusque consequantur. Veruntamē si qui verecundia mori citius cū sani sunt mortem oppetere velint, quam ventris edere crepitum: nihilominus tamē multis audiētibz id fecerint: alterum duorum scire oportet, vel delirare eos, vel dolore affligi. Si vero de industria crepitū emittat, nihil mali præstat, nisi quod

*Lib. 2.
prognost.*

etiam tum sine sono elabi melius sit. Sonus enim aut spiritus flatuosi copiam, aut vasorum angustiam designat, qui tamē in recentibus præcordiorum tumoribus & doloribus obauditur non malus. Dolores teste Hipp. tumore (q; præcordiorum qui recentes sunt & sine inflammatione: sonus in præcordiis excitatus dissoluit, magisque si cum stercore & vrina excessit. Sin autē ipse nō excesserit: at prodest tamen ad inferiores partes euolutus. Hos præcordiorum recentes tumores, quod a solo flatu distēdatur, dissolui dixit sonitu in præcordiis excitato, is enim cum flatus indicium sit, cūque humori & solido corpori permixtum esse ostēdat, nihil nisi vtile quiddā significare potest, nempe, aut flatum, cū humore, cui permixtus est per sedē excerni, aut si nō excernatur, saltem ad inferiores aliquas partes descendere, ac sic ab utroq; symptomate, dolore & tumore infirmum liberare. Hanc suam sententiam aio loco confirmat idem Hippocrates dicens: Quibus elata Hypochondria murmurāt lumborum superueniente dolore, alius humectatur, nisi infer

*Li .2.
prognost.*

*Aph. 73.
lib. 4.*

ne flatus erumpant, aut vrinæ multitudo prodeat. Hypochondria murmurare, nihil aliud est, quam in ipsis sonitum a flatu excitari, eademque efferri: est tumida turgidaque fieri. Sed quomodo-
 cunque fiat, siue flatus seorsim, distributo humore per sedem erumpat, siue cū mediocri humore permixtus deorsum vergat: prorsus sine periculo est, & breui spatio a tumore & dolore liberat. Quippe lien & iecur bina viscera in hypochondriis sita, si vehementer doleant, id fit vel propter fortem inflammationē, vel ob spiritum flatuosum; si ob hunc superueniente febre doloris fit solutio. Quibus ait Hipp. iecur vehementer dolet, iis febris superueniens soluit dolorem: febrili nempe calore flatum discutiente. Inflammationi autem non superuenit febris, sed ab initio adest: nec dolorem soluit, sed multo eum reddit auctiorem. Porro febrilis calor quod flatum discutiat, vel ex eo patet, quod qui auruginosi sunt, ex flatu passionibus raro corripiantur, ob eam causam, quod calida eorum constitutio sit, dicente Hippocrate: Auruginosi non multum

Aph. 52.

li. 7.

Aph. 78.

lib. 5.

sunt ventosi. Calida namque huiusmodi corporum dispositio, utpote biliosa haud patitur flatus accumulari, eosque dominium exercere, sed ilico resoluit & cōficit. Phlegmaticis vero, & qui humido & frigido ventriculo sunt, item & sanguineis admodum sunt familiares, facilisque his in colicum dolorem prolapsus. Quod autem colici dolores vehemētissimi maius periculum adferāt, quam mitiores; & omnimoda excrētorum & flatuum retentio, horumq; in vna coli parte fixa collectio difficilior sit, quam si vagabūdi per omnia discurrant, lippis & tonsoribus, nedum medicis, notissimum esse existimo. Quare etiam minus aderit periculi, cum per iniecta clysmata flatus elicitur, recrementa deiiciuntur, indeque leuetur dolor, quam si nihil horum eueniat. Atqui delirium, contractio neruorum, animi deliquium, partium extremarum frigiditas, sudor frigidus, vomitus continuus, omnimoda fæcum retentio, si a flatibus excitentur (quod fit dum hi a venenata materia originem sumunt (lethalis morbus est, & horribili conuoluulo in-

tereūt miseri. Optimum itaque est corpus a flatibus prorsus liberum esse, aut saltem eos facile discuti. id quidem haud fieri potest, nisi sedula præcautione, quam prophylacticen Græci appellant, bona victus ratio in sex rebus non naturalibus sita instituat.

De victus ratione in flatibus obseruanda. Cap. 12.

IN victus ratione probe instituenda, ne flatus in corpore generentur, aut, si geniti sint, cito discutiantur: quatuor veniunt obseruanda iis potissimum, quorum generationi obnoxium corpus sortiti sunt: Ordo, Modus, Tempus, & Substantia. Ordo in eo consistit, ne prædium aut coenam a poculis incipiant: aut ilico post bolum vnum aut alterum (qui deprauatus mos apud multos inualluit) magnum haustum ebibant. Verum tum demum moderata potio conuenit, cum magna cibi pars præassumpta fuit. Liquida deinde præcedāt duriorebus, laxantia astringentibus: & quæ facilis concoctionis sunt, iis, quæ conficiuntur molestius. Modus etiam obseruandus est, ne videlicet maior cibi quā-

sitis assumatur, quam ventriculus sine difficultate superare possit: quod fiet, si cum aliquo sedendi desiderio a mensa discedatur nec copiosior potus ingeratur, quam siti sedandæ, & deducendo alimento conueniat; alioqui corpus tum cibi, tum potus saburra prægrauatum, ad vitæ munia redditur ineptius, & calor natiuus opprimitur. Nonnulli sane aqualiculi, quorum venter sesquipede prostat, nūquam satisfactum appetitui existimant, nisi vel soli etiam integras amphoras pitissando absorpserint: vel in symposiis ingētia vasa vno spiritu exiccarint, nec minus tamen edāt. Alij autem vsque adeo afflueuerūt potui, vt vel nihil, vel parum admodum solidi nutrimenti admittant: quo fit vt in eiusmodi immoderata humoris ingluvie, fluctuationes & inflationes generentur, impotente ventriculo tantā commode quantitatem complecti. Temporis item habenda ratio, ne ieiuni, vel inter duos pastus, vel post absolutam cœnam cū cubitum conceditur, vel etiam in lecto bibant: tum etiam ne cibo nouo ante prioris digestionem infarciantur, vel cō.

messando in coena vsque prandium, aut in maiorem noctis partē coena protrahatur. Quippe & ab iis quæ substantiæ suæ crassitie , & lentore exiles corporis meatus obstruunt, cibis nempe crassum viscidumque humorē generātibus, difficilis coctionis, carne scilicet sale condita, aut fumo exiccata , siue bubula ea sit, siue suilla, deinde natura sua multū frigidis, acidis, & austeris summo cū studio abstīnēdum. Fructus quoque omnes horarij tam crudi quam cocti: verum illi cane peius & angue exhibilandi ab vsu sunt. Item legumina, acetaria, lac , & quæcunque ex lacte fercula fiunt , placentarum item omne genus , pemmata , lagana , rhyemata , ittria , taganitiæ, & id genus alia, ac cum primis quod ex lacte, libo dulciario vel melle, ovis & butyro in sartagine aut furno frequenter nostrates mulierculæ solent ad delicias concinnare: tum etiam quod ex caseo recenti, beta , pasta, ovis & oleo varie fit, Itali tortam nuncupant , euitanda sunt. Nocētissima quoque sunt, quæcunque ex pasta Italici fiunt Turdellæ, Lasaniæ, Maccaroni, Vermiculi, & id

genus permulta ad palatum doctissime
construeta. Craſſiſſimis enim humori-
bus corpus implent, & calorem natiuū
ita obtundunt ac opprimunt, vt dein-
ceps coquat deterius, inque tantam len-
ticiem & humiditatem vires ſuas exer-
cere vix queat. Sed hic obijciēt mihi
quis ex eorum numero, qui hæc in deli-
ciis maximis eſtimant, quique contem-
tis meliorib. deteriora gulæ cauſa pro-
ſequuntur, permultos auidiſſime illa co-
pioſeque vorare, incommodi tamen ni-
hil aut parum admodum ſentire? Qui-
bus quidem hoc pacto reſpōſum volo:
Cōmune eſſe omnibus ex paſta alimen-
tis, craſſos glutinoſosque humores, &
maximam excremētorum vim in cor-
pore coaceruare, eius vias obſtruere, fla-
tibusque creandis promptam materiā
ſubminiſtrare. Verum tamē ſi in bonum
& firmum ſtomachum incidant, com-
modeque (quod vix fieri poſſe iudico)
coquantur, & nullam videantur notatu
dignam noxam inferre: id non arguit ex
ſe innoxia illa eſſe. Certiſſima enim res
eſt, vel plebi nota: Ingentia vaſa vno
exiccare ſpiritu, humanæ naturæ eſſe

perniciosissimum : & cicuta pharma-
cum praesentissimam Socrati attulisse
necem. Quare nihil concludit ille, qui
propterea has res innoxias, & minime
vituperandas probare studet: quod biva-
culus quispiam magnos congios eua-
cuet, & anus illa Atheniensis cui cicu-
ta assueuerit, & per consequens, quod
vnus & idem alter ex pasta alimenta co-
ficiat. Suauia enim quae magna cum
voluptate assumuntur ea arctius com-
plectitur, omnique ex parte appressus
concludit & retinet ventriculus, atque
multo facilius concoquit. Quare tria in
vniuersum sunt, quae nutrimenta ex sua
quidē natura noxia, efficiant innocen-
tiora mitioraq;: vsus nimirum seu con-
suetudo, voluptas & ventriculus firmus
& validus. nam & euchyma cibaria ven-
triculū, si ea respuat, subuertunt: & saxa-
tiles pisciculi, si infirmus is sit, molestia
pariunt. Ceterū illi si meis monitis fidē
minime habeant, saltē moueantur diris
Constantini Aphric. minis, quibus gulo-
sus illos territat: Non gaudeāt, ait, ma-
lo cibo vtentes, quoniā si in praesenti nō
laeduntur, in posterum percussione non
eua-

euadent. Eodē pertinet ciborum varietas, quæ nō mediocriter facit ad cruditates, & innumeros flatus in corpore multiplicādos: confunduntur enim plurima diuersissimarū naturarū, quæ dū in æqualiter cōcoquuntur distribuunturq; , necessariū est, inde labor caloris innati consequatur. Pisces deinde cetacei prægrandes, palustres, lacustres, quiq; in cænofo fundo versātur, & ex putrilagine omniq; impuritate victitant, deuitādi. carnes enim eorū viscidæ sunt & glutinosæ, multumq; excrementitiæ & frigidæ. Abstinebunt etiam ventosi a vino plus æquo refrigerato, ab aquæ potu, & a magno haustu cereuisiæ ex frigido penuario depromptæ, idq; potissimū cum corpus externis caloribus æstuat, aut immoderato exercitio & labore fatiscit: ab omni deinceps aeris excessu, præsertim frigido, qui confertim ventriculi regionem vestibus haud probe munitam cōtingat; & a pedum immoderata frigiditate & humiditate. Sepe etiā saxis diutius insedisse, grauissima peperit ex flatibus symptomata. Otium insuper & diurna somnia inprimis euitabit, vapores enim

enim eleuant, sed non discutiunt, concoctionem aggrediuntur, sed non perficiunt. vnde cruda generantur phlegmata, flatuū vera materialisque causa. Ceterum cum vētricus aut intestina in-
præsentiarum flatuoso spiritu distendū-
tur a cibo & potu tum omnino abstinere, ac tenuem victum instituere, sobriumq; esse præstat. Etenim cum corpori solitus cibus aut subducitur, aut ex toto circūciditur, natiuus calor cibi alteratione & concoctione minime implicatus, agilis, vegetusq; per omnia diffusus, ubiq; suam vim exerit & inualescit, ac primum quidem crudos humores concoquit, crassos attenuat, lentos detergit, flatibus generandis causam adimens, per patentes vias eos excludit, generatosq; dissipat & resoluit, & quo amplius eleuentur impedit, vtq; semel dicā, hæc sola inedia, sufficiens medela est ad quemcunq; ex cruditate & flatibus affectum dissipandum. Verum quidem est, quod ab iis ipsis cibi parsimonia extenuatis, in vacuo corpore multo maior molestia ex fluxu & refluxu subnasca-
tur. Atqui haud diuturnū, hoc est, pro-
pediem

p̄diem enim erupturi tum sunt, & ab
 omni dolore infirmos liberaturi, multo
 tamen felicius id eueniet, si ab exercitio
 non omnino alieni fuerint. Hippocratis *Epid. 6.*
 enim doctrina est, hanc nostram senten-
 tiam comprobans, digna sane quæ aure-
 is characteribus singulorum foribus in-
 scribatur: Non satiari cibis, & impigrum
 esse ad labores. Porro exercitiorū multa
 genera recenset Galenus, luctam, p̄acra- *De san-*
 tium, pugillatū, cursum, & id genus plu- *tuend.*
 ra, quæ hic explicare præter institutum *Lib. 2.*
 præterq; rationem foret. Hoc vnum no-
 bis sufficiat, quod moderata corporis
 exercitatio siue per pilam palmariam
 in spheristeriis, siue per dimicationem,
 cursum, obambulationes, aut quouis
 alio modo, ieiuno stomacho, vacuo-
 que excrementis corpore instituta,
 mirifice omnes animæ facultates re-
 creat, natium calorem per vniuersum
 corpus diffundit, humores concoquit
 digeritque, membra singula prompta,
 & ad suum officium agilia reddit, aluū
 soluit, tantaque efficacia flatus excutit,
 vt par sibi remedium non habeat, nul-
 lumque magis sincerum, magisq; tutū

fit, quam tempestiua exercitatio coniu-
cta parsimoniae. Alimenta itaque pauca
sint, eaq; sinapi, aut alio quouis condimen-
to extenuante calfacienteue (nisi corpo-
ris totius dispositio biliosa aut sangui-
nea obster) condita. Inter olera, Sal-
uiam, hyssopum, thymbraem, foeniculum,
maioranam, pulegium, calamintham,
hisq; similia vsui sibi esse sciat infirmus.
Carnes quib. vescetur, sint, assae, aroma-
tum accessu plerumq; conditae, aut Sal-
uia, & roremarino suffixae. Panis sit cli-
banites optime fermentatus, habens sibi
quoduis ex seminib. calidis, foeniculum, a-
nissum, petroselinum, vel melanthium, quod
Git vocant, admistum. Vinum utatur pote-
re si ab imbecillo calore ij geniti sint: Sin
biliosum corpus sit, aut plethoricum, aquo-
so, eoq; pauco. Statim a cibo sequentium
puluerum vsus sit flatulentis, eosq; hi fa-
miliares sibi habeant, mirum quanta id
fecerint utilitate. Stomachum namq; ro-
borant constringuntq;, nec sinunt vapo-
res alimenti in cerebrum efferri, calorem
natiuum excitant, concoctionem accelerant
chylum digerunt, excrementa deorsum pro-
pellunt, & quod vsui nostro accommoda-

DE FLATIBVS. 99

tissimū iudico, impēle flatus dissipāt. v

℥ Anisi conditi ℥ iiii

Sem. fœniculi ℥ i β

Coriand. præparat. ℥ i

Cymini, carui, Selesios in vino albo
maceratorum, vt ingratus sapor mi-
tescat, añ ℥ i

Cortic. citri sicc.

Cinam. crassi añ ʒ iiii

Sacchari albi duplum omnium. fiat pul-
uis, cuius cochlear vnum sumat post ci-
bum, nec amplius bibat.

Vel sic.

℥ Coriand. præparat. }

Sem. Carui

Anisi

} añ ℥ i

Rosar. rub. }

Mastich. }

} añ ʒ i β

Menth. sicc. ʒ i

Nucis moschat. }

Cinam. Cubeb. }

} añ ʒ β

Redigantur in puluerem tenuissimum;
& cum sacchari rosac. tabuli ℥ viii. mi-
sceantur, sumatq; cochlear vnum post
pastum. Sub vesperum etiam absoluta
fere coctione alimenti, vtile erit radi-
cishelenij conditi, aut zingiberis cru-
di, aut conditi drachmam vnā den-

tibus leniter commansam inglutire, gē-
tianaē etiam aut imperatoriaē radices,
cubegarū saccharo incrustatarum, aut
piperis albi granā duo aut tria dentibus
dūtaxat confracta & deuorata mirifice
tardam concoctionem adiuuant, &
flatus in ventriculo collectos dissipant.
Idem quoq; præstant matutino tempo-
re, postquam excremēta deieceris, sum-
pta. Si interim alius sua sponte non de-
iecerit: arte proritanda erit medicamē-
tis illis, quæ benedicta appellantur: Vt
est Terebinthina optima, cuius ʒ iij in
vino albo pisteruē lotas, & nebulis inuo-
lutas ante prandiū deuoret, vel Rhabar-
bari electi ʒ β commansam deglutiat:
vel sumat hora vna ante coenam aloes
optimæ ad formam pilulæ reductæ scri-
ptulū vnum, vel medullam carthami
cum caricis: cassium hic, quod flatulēta
sit, non admiserim. Hastenus de proui-
dentia & victus ratione in flatuosis affe-
ctibus seruanda, satis superq; dictum ar-
bitror: quæ si longa cuipiam videbitur,
aut dolor agitat is flatibus inducias non
dederit, curatio quæ per medicamenta
fit, venit instituenda.

De cōmuni flatuoforū affectuū curatione. Cap. 13.

Mirabitur forsitan quis, quod quæ Symptomata antea recensui, eorum iam curationem institutam, cum per se nullam illa admittant. Sed is mirari puto desinet, vbi intellexerit nos legentium vtilitati consulere volentes, id fecisse. Qui enim flatuosum spiritum dissipat, causam aufert morbi, qui intemperiem corrigit, conformationis vitia emendat, & vnitatis solutionem restituit, is morbum curat. Ceterum qui ex his natum dolorem respicit, hic ad symptoma intentus est. Quapropter nos morbos flatulentos prius symptomata nuncupantes, ad dolorem quem inferūt diuersis in locis respeximus, quo optima methodo oratio procederet, deinceps vero symptomatum mitigationem, morborum autem curationem instituimus. Curationis indicationē præbet affectus cognitio. Affectus est partium a flatu extēdente distractio, quam plerunq; dolor, vt corpus vmbra, sequitur. atqui affectus vna cum symptomate ablata causa euanescit, & partes ad pri-

stinum naturalemq; recurrūt habitum. Tribus itaq; remedium generibus veniunt curandi ex flatibus orti affectus, nempe victus ratione attenuante, calefaciente modice, & exiccante, quemadmodum copiose satis capite præcedente explicatum fuit. Secundo medicamentis obstructions aperientibus, crassam viscosamq; materiam incidentibus & purgantibus: quorum locupletem satis supellectilem singulis curationum capitibus te inuenturum existimo. Tertiopotissima ratio consistit in flatibus quam citissime (antequam vires, doloris vehementia frangantur) discutendis. Discutiuntur autem tenuium partium medicamentis: quæ si doloris particeps sit affectus, eam habeant facultatem, vt dolorem mitigare, caloris imbecillitatem roborare, caliginosum spiritum extenuare, & partium densitatem recludere possint: pro affectarum autem partium differentia, tum curationis materia mutatur, tum facultas intenditur aut remittitur.

De curatione doloris capitis. Cap. 14.

Porro variis in locis, vt paulo ante diximus, ille suam exercet tyrannidē. Quemadmodū (inquit Gal.) in ventris & intestinorum regionibus ob caloris quidem inopiam, interdum ex cibo & potū vapor flatulentus producitur, propter imbecillitatem vero facultatis cōpræhensiuæ adeo inflantur atque replentur ea organa, vt ipsius quidem repletionis gratia tendantur: ob tensionem autem impense doleant: sic etiam in partibus, quæ ad caput pertinent, possunt hæc eadem contingere: flatus enim vaporosus, atque eo adhuc magis viscidus, crassusue humor eum fouens angustis meatuum capitis adeo vehementer impingitur, vt multo quādoq; tempore ad curationem opus sit. Ab huius curatione auspicati, ad reliquarum partium mala condescendemus. Primum itaque flatus siue in cerebri meatibus solus oberret, quod ex motione doloris de loco in locum, & ex distensione citra grauitatem ac pulsū intelligitur: siue pituifosi humoris illum fouens multitudo subsit, sicque

*De com.
pos. med.
sec. iud. loc.
lib. 2.*

cum distensione adsit coniuncta grauitas, & sensus frigiditatis: aut demum ex subditis corporis partibus in caput is influat, haud parum refert, ad rectam curationis methodum. Nihilominus tamen ab iisdem plerumque curationis initiis, in flatuosorum affectuū curationibus auspicandum existimo: partim equidem ex capite in totum corpus reuelendo, partim affecto loco remedia adhibendo, reuocamus cathartici per os sumptis, vel acribus enematis. Enemata autem in hunc vel similem modum optime fieri poterunt.

℞ Maluæ, mercurialis, Caul. rub. calamint. añ Mß. Fl. Camomill. furs. añ p i. fiat decoctio in suff. quant. aquæ ad mediæ partis consumptionem. In colaturæ ℥ i ß dissoluantur

Diacatholiconis

Sacch. rubri añ ℥ i ß

Sp. hieræ simp. ℥ ii

Olanethini ℥ iij

Salis modicum

Mistis omnibus, fiat enema, quod iniiciatur ante pastum, non tepide quidem, tepida enim inflant, sed calide, idq; len-

sim, ne vi & impetu flatus magis sursum magnis torminibus compellat. optimum profecto hoc medicamentum est, quod sine vlla molestia intestinorum obstructions resoluit, dura stercore euacuat, & flatus, propria alioqui sponte in caput influentes, reuellit. Hoc eiectio, alter ex carminatiuis compositus clyster administrabitur.

℞ Rad. Altheæ ℥ij Maluæ, calaminth pul-
leg. Rutæ, Saluiæ, añ Mi. Fl. Camomill. Ste-
chad. Anthos añ pi. Sem. Anis. rutæ agrest.
Cubeb. añ ℥ iiii. pulpę colocynth ℥ i. fiat deco-
ctio secund. artē. In huius decoctionis per
colum transfusæ ℔ i. dissoluantur:

El. de dactilis ℥ i
Hiera logod. ℥ ii
Sacch. rub. ℥ i ℔
Ol. rutæ. ℥ iiii
Salis gemmæ ℥ i

Misce: fiat clyster ante pastum iniicien-
dus, potentissime sane materias sursum
urgentes, capitique impactas retrahit &
reuellit, flatus discutit, & cum fecibus
educit. Verū si enema displicuerit, aut
hæmorrhoides cecæ, aliusue sedis affe-
ctus quominus admittatur, impedimē-
to fuerint, hoc leni pharmaco vtatur ad

communium excrementorum (dura
existente aluo) educationem.

℞ Diacatholiconis ℥i

Sp.hier. Simpl. ℥i

Misce & cum saccharo fiant boli. den-
tur inuoluti nebulis, aut fiat in forma li-
quida.

℞ El. lenitiui 3.vi

El. de Succ. ros. ℥i

Syr. ros. solut. ℥i β

Dissoluantur in decoctione Fl. & fruct.
cordialium, fiatq; haustus. Leniter laxa-
ta aluo, si caput multis crassis viscidisq;
humoribus obsessum videbitur: potio-
nes eos attenuantes & incidentes ex de-
coctione hyssopi, pulegij, Calaminth.
Saluiæ, floribus stechados, & roris mari-
ni, cum Syrupode stechad. melle an-
thos eiusq; farinæ aliis in hunc modum
concinnari poterunt.

℞ Hyssop. }

Saluiæ }

Calaminth. }

} añ Mi

Fl. Stechad. }

Anthos }

Camemel. }

} añ pi

Sem. pæoniæ maris ℥i

Anisi, dauci, petroselini, añ 3 ii.

Coquantur secundum artem lento igno.

ad lb i. colaturæ clarificatę, addantur, Syr. de Stechad mellis anthos. an. \mathfrak{z} i β . Aromatizetur cum Cinamomi \mathfrak{z} i. fiatque Apozema pro tribus vicib.

Præparatis hoc pacto humoribus, flatibusque vrcunque attenuatis, purgabitur sequentibus pilis.

\mathfrak{z} Mais pul. Aur. \mathfrak{z} i.

Trochisc. alhand. gr. iij.

Misc. & cum Syr. de stechad. fiant pilulæ quinque, de aurentur, sumatq; circa mediam noctem. Vel in forma liquida.

\mathfrak{z} Agarici \mathfrak{z} ii

Salis gem. }

Zingiber } an. \mathfrak{z} β

Turpet }

Infundantur per noctem in aquę stillat. Saluiæ, & Hyssop. an. \mathfrak{z} ii. postea exprimantur fortiter: expressio adde Elect. Indi mai. \mathfrak{z} ii el. de Succ. ros. \mathfrak{z} i. Syr. de stechad. \mathfrak{z} i. Misc.

His ita peractis, & si opus fuerit, reiteratis, dolor ille a flatu distensus, si necdum cesset, ad localia medicamenta ex Galeni consilio est properandum: Aliquando enim, ait, adeo vehementer in angustiiis meatuum flatus vaporosus, atque eo adhuc magis viscidus crassusue humor impingitur, vt multo tēpore ad curationem sit opus, ac sanc

Lib. 2. de
comp.
med. sec.
loc.

quæ sic infarcta sunt, attenuare oportet, dilatareque meatus per quos excernantur, habita simul prouidentia, ne quid aliud amplius influat, vtq; pars affecta corroboretur, ne ipsa flatulentum spiritum gignat. Maxime itaq; ex vſu fore iudico, vt post institutas, ita vt diximus tū præparationes, tum purgationes, habeatur capitis ratio: quod optime fiet per cucurbitulas cæcas, si nulla sit sanguinis repletio: vel cum scarificatione, si hæc adsit, scapulis affixas. Hic vulgus remedium quoddam habet vile satis, non sine ratione tamen inuentum, & cum felici successu sepius comprobatum, quod in gratiam studiosorum hic libuit adiungere. Rapum sub cinere coquitur, a quo cocto aufertur ea pars secundum rotunditatem, cui herba ipsa implantata erat, & calidissime pro tolerantia ægri post aures applicatur, qua tepescente, altera vt prius calens substituitur, reiteraturque hæc actio, donec flatus discussus est, & ablati dolor: solet enim breui tempore id fieri. quod autem dolenti lateri applicari debeat, aut vtrique, si totum caput

doleat, omnibus puto notissimum. In
dentium doloribus a flatu excitatis, eo-
dem modo vsurpatum conuenit. Hæc si
nondum sufficiant odoramenta, quæ
sua tenuitate facile cerebrum subeun-
tia, flatuum crassitiem extenuant, vt
sunt castoreuni, vel Semen Git in ace-
to acerrimo maceratum: Aut inungat
nares & aures oleo de castoreo, vel de
Spica, veletiam oleo communi, in quo
coxerint, Euphorbium, Castoreum, Ru-
ta, calaminthum, aut Semina pœoniæ
actu calidis. Dehinc ad masticatoria de-
ueniendum, quæ pituitæ reliquias faci-
le educant, & calida sua temperie flatum
discutiât. ℞ Mastich ʒ ii

Rad. pyrethri	} añ ʒ ʒ
piperis albi	
Cort. rad. capp.	

Cum aceto Scillitico formentur pastil-
li, mane post reddita excrementa masti-
candi. vel sic:

℞ Rad. pyrethri	} añ ʒ ii
Staphydisagriæ	
Nucis mosc.	
Zingiber.	} añ ʒ ʒ
Piperis albi	
Mastich. ʒ ii	

Formentur pastilli cum aceto acri, quorum quilibet sit pondere $\text{ʒ}\beta$, vel duorum scrupulorum. poterit etiam tētari quod materiæ post euacuationes reliquum est, errhinis medicamentis elicere, quæ hanc quidem non dumtaxat prouocant, sed & strenuè tum propter agitationem, tum etiam ob horum calidam temperiem spiritus dissipant.

℥ Helleb. alb. $\text{ʒ}\text{ii}\beta$

Staphysagr.

Piper. alb. an. $\text{ʒ}\text{i}$

Zingiberis }

Garyophill. $\text{ʒ}\text{an.}\text{ʒ}\beta$

Sem. ingell. }

Cum pauca terebinthina, & parum cereæ fiant errhina garyophillis paulo maiora. Horum loco potest naribus attrahi succus caulium rub. radicum ebuli, iridis, aut alterius cuiuspiam, per se aut cū aqua maioranæ, aut betonicę & melle mistus. Postquam hunc expurgandi capitis modū per aliquot dies prosecuti sumus, nec amplius quicquā aut parum saltē pituitę cerebri meatibus adhuc infarctū esse putauerimus: tempestiue tū ad ea quę caput exiccant & corroborāt,

flatusq; discutiūt, rālibimus. Huiusmo-
 di cūprimis sunt lotiones capitis ex lix-
 iuio. Lixiuium iuxta Gal. lib. 7. de facul.
 naturalib. est velut ablutio cinerum: ex
 aqua enim & cineribus id facimus: ver-
 bi gratia, libris tribus aque, libram vnā
 cinerum infundimus, sarmentorum &
 salicis maiorem copiam, brassicæ autē
 & fabarum minorem sumētes. Hi enim
 magis acres sunt, & omne lixiuiū pro
 cineris qui cluitur natura, vires habet.
 Vehementer quidem lixiuium abster-
 git, exiccat, & absorbit flatus, flatulen-
 tos & œdematosos tumores dissipat, in-
 coctis in co maiorana, betonica, asaro,
 baccis lauri & iuniperi, roremarino, &
 similibus, aut ex horum decoctione fa-
 ctum lixiuium, vt exempli gratia:

℥ Absinthii	}	
Saluiæ	}	an. pi
Rorismar. sicc.	}	
Thuris, milii tosti	}	
Ros. rub. siccarum	}	
Fl. Cemomel. stechad.	}	
Bacc. iuniperi	}	āñzii
Sem. pēoniæ	}	zi

Garyophyllorū, Piperis longi, Cubeb. li-
 gni aloes an. ℥j. puluerisatis omnibus, fiat

Sacculus interbassatus seu interpunctim cōsutus ex serico tiaræ figuram repræsentans.

Vtatur subinde Diacymino, diatrion-
pip. diacalamintho, seu confectione e
baccis lauri ieiuno ventriculo, idq; po-
tissimum cum flatu, qui capiti mole-
stus est, frigidus sit, vel a frigida causa eū
fouente, ortum habeat. Ceterum si spi-
ritus flatulentus vna cum dōlorifico ca-
lore (in qua sententia Gal. est lib. 2. de cō-
posit. medicament. secund. loca) in capi-
te præpolleat: in principio quidem re-
pulsoria curatione est vtendum, quæ ex
facultate refrigerante constat. Quod vbi
factum moderate est, ex mitigatoriis &
concoctoriis quippiam ad repulsoria
miscere oportet. Dein discussoria addē-
da, ita vt paulatim repulsoria detraha-
mus, donec pharmacū ipsum plurimū
digerens attenuatoriumq; reddatur, mi-
nus autem concoctoriū & mitigatori-
um, ad hæc & discussorium sit. Quin &
acetum cum repulsoriam simul & atte-
nuatoriam, imo & discussoriam habeat
facultatem, vtpote quod secundum rē-
periem frigiditate quadam tenuium
partium præpolleat, non secus quam ex-
quisite

quisite serenus boreas, atqui per se solo aceto vtendum non erit, ob facultatis ipsius vehementiam, sed cum rosaceo, portulacæ, polygoni seu solani succo: aut rosaceum cum oui albumine & aceti momento stuppis imbibitumincipiti applicandum.

De curatione sonitus aurium a flatuoso spiritu. Cap. 15.

SI quidem spiritus flatuosus in sensus auditorij organo se insinuauerit, pertinaciterque (quod ex tinnitu, strepitu, stridore, sibilo, & murmure facile colligere est) inheserit: post generales, particularesque euacuationes, quas ex præcedente capite huc transferre licebit: non absre erit loco affecto in hunc modum consulere, vt auribus ipsis ad-moueantur medicamenta incidētia & exiccantia, oleū nimirum amygdalarū amararum, aut id, in quo castoreum, cuminum, ruta, seu nardus, fuerint incocta, quib. aceti tantillum & mel admiscere poteris, siue vehementius attenuare ac discutere animus est, quæ omnia affectæ auri instilletur. Mirifice etiam iuuare docet Ætius castoreum & ipica nar-

di æquis portionibus cum aceto & rosa-
ceo mista & auri affectæ instillata, por-
rietiam succus cum lacte muliebri aut
rosaceo infundatur: aut hoc,

℥ Nitri	} añ 3 i
Myrrhæ	
Veratri albi 3 β	
Castorii 3 i	

Terātur, & cum rosacei & aceti æquali-
bus partibus guttatim instillentur. Ve-
rūtamen melius hoc medicamentum
operabitur, si prius suffitus fiat per em-
botum ex sequenti decocto mane &
vesperi.

℥ Calaminth.	} añ Mi
Maioranæ	
Centaur. min.	
Roris marini	
Bacc. Iuniperi	P i
Fol. lauri & absinth.	añ M β
Lupin. nu x. aut xii.	

Lumbricorum in vino lotorum & in
sindone ligatorum P β.

aquæ partem vnam,
Vini albi partes duas.

Coquantur & seruentur pro suffitu,
post quem ilico instillentur tepide aliquot
guttulæ supradicti medicamenti:

aut si mauis illius, quod huc ex Reneri Solenandri consilio quarto transcribe. re placuit, obturatis postea auribus gossipio aut lana succida.

℥ Olei veteris ℥ ii
 Ol. porrorum
 Ol. amigd. amar. añ ℥ i
 Succi rutæ
 Succi raphaniani. ℥ β
 Vini maluatici ℥ i β

Bulliant in ampulla vitrea ad succorum & vini prope consumptionem, deinde adde

Spice nardi	} añ gr. ii
Colocynthidis	
Castorij	
Masticis pulueratorū	

postea occlusa ampulla bulliat in duplici vase quod balneum Mariæ vocant per horas tres. auferatur ab igne, & in alio vase seruetur ad solis æstum per paucos dies, donec liquor clarescat: postea coletur per linteum subtile & exprimatur, & adde musci granum i. β dissoluatur optime & seruetur in vsum. Interim dum vtitur suffitu, sunt continendæ & conterendæ dentibus fabæ, aut pisa aliquot, nam dum hoc fit auditorius me-

atus obseruatus est magis patere, quod
 eo fumus magis penetret. Huic virtute
 & efficacia simile est medicamentum
 quod sequitur.

Succ.alliorum	} añ 3 i
Succ.calaminth.	
Aquæ vitæ	} añ 3 β
Ol.laurini	
Ol.amyg.amar.	
Aloes hepaticæ	
Myrrhæ añ 3 i	
Croci gr.iiij.	

Redigantur hæc in puluerem tenuissi-
 mum, commisceanturque omnia, il-
 que impleantur, cepæ duæ magnæ exca-
 uatæ contegantur, & assentur sub cine-
 re, & diligenter fortiterq; succus expri-
 matur. Huius aliquot guttulæ sæpe in
 aures instillantur, & potissimum mane
 & vespere post suffitum. Vinum etiam
 decoctionis florum camemeli & lauā-
 dulæ optime collectos flatus discutit
 per interualla calide infusum, necnon
 sacculus ex iisdem floribus, roremarino,
 stechade, absinthio, & calamintho con-
 cinnatus & interbasatus, atque post su-
 pradictos suffitus & inunctiones, ita do-
 lenti auri impositus, vt per totam noctē

hæreat, eique patiens incumbet. inter-
rim dum iam dicta sollicitè admini-
strantur, omittendum non erit quin le-
nibus enematis alius interdum eluatur,
ne **excrementorum** cohibitio, nouam
materiam suggerat.

*De curatione doloris dentium a flatuoso spiritu
contracti. Cap. 16.*

QVando quidem superius multis do-
cuimus nihil flatui ad motus cele-
ritatem deesse, & vel momento etiam
densissima corpora peruadere: non mi-
rum si sese in neruū, qui dentib. subster-
nitur insinuans, intensissimos, intolera-
bilesq; dolores, ob distensiones & frigi-
dam intemperiem inferat. Horum itaq;
curatio ad communium excremento-
rum educationem est ab enematis emol-
lientibus auspicianda. Vt:

℥ Diacathol.	℥ i β	
Sach. rub.	℥ i	
Ol. Aneth.	} añ	℥ i β
Ol. Camemel		
Salis	℥ i	

Dissoluantur in decoctionis commu-
nis clysterum. ℥ i. fiatque enema. Si edu-

Ætis facibus magis reuellentem & flatuum crassitiem carminantem optes, talem construito.

℞ Rutæ, stechados, Betæ, Centaur. minoris sing. M i. Fl. Sábuci Hypericonis Camemelian. P i. Bacc. lauri, Sem. Cumini an. ʒ β. Agarici, fol. Senę Alexand. an. ʒ β. fiat decoctio secundum artem. In colaturæ tibi dissoluantur,

El. indi. mai.

Hier. logod. an. ʒ iiii

Mell. ros. col. ʒ ii

Ol. laurini ʒ iii

El. de bacc. laur. ʒ ii

mistis omnibus fiat enema.

Porro enemata si non admittant ægri, pilulæ aloes non lotæ, pilulæ de hiera simplici, pilulæ aureæ & cochix ex usu erunt, præparata tamen prius materia si quæ subsit, sintque dolores remissiores. Verum si dolores intensissimi inducias non dederint, & materia sit exigua, omnium posthabita tam præparatione quam euacuatione ad id quod magis vrget respiciendum. dolor itaq; quamprimum sedandus. quapropter cucurbitula leuis cum larga flamma bis terue spatulæ dolenti venit applicāda. postea

℥ Nigellæ	} an. ʒ iiii
Cumini	
Rad. pyreth.	
Rad. petros.	

Coquantur in vino sufficiente ad consumptionem medietatis, cum colatura actu calida, diu multumque colluatur dens, efficaciter enim flatum extenuabit & discutiet, intemperiem frigidam corrigit, multamque viscidam pituitam flatuum materiam eliciet, vel in aceti acerrimi quantitate sufficere bulliant radices pyrethri ʒss, piperis albi ʒi. qua decoctione colluat vt prius & pituitam expuat. poterit etiam sacculus in hunc modum concinnari & afflicto deti aptari exterius.

℥ Calaminth.	} an. Mi
Hyssopi	
Camomilæ	
Milij tosti	} an. Pi
Furfurum	
Salis	
Cumini ʒss	

Mistis omnibus fiat Sacculus: quo facto, ferro candenti fictili imposito affundantur aceti acerrimi cochlearia tria aut quatuor, exhalantem fumum

iiii

excipiat. sacculus ollæ orificio appositus, sic enim simplicium vis excitabitur, sacculus calfiat, & cōmode quod volumus efficiet. Solēt etiam in hoc affectu nostrates mulierculæ, vt supra meminimus, pro magno secreto rapi sub cinere calente assi infimum orbiculum calidissimum post aures applicare, magna certe efficacia reuellit, & dolorem sedat, vt ego, qui eius rei experientiam & feci, & ab aliis factā obseruaui, testari possum.

2 Narcoticis vri in hoc affectu neutiquā consultum mihi videtur: nimium enim cōgelatur, & inspissatur flatus, ac instar crassissimæ nubis, neruosis partibus dentiumq; radicibus impingitur, nec aliud congelando efficimus, quam quod leue solatium in difficiliorem affectum abeat. Verum si intolerabilis immensusque dolor ægrum percoquat, coactusque sit medicus eo remedii genere naturā consolari: suadeo vt narcotica vis calfacientibus refringatur, vt que eadem opera & symptomatis, & causæ rationem habeamus, quod ita optime fiet:

℥ Pyrethri

Piperis añ ʒ i

Opij ꝑß

Illigentur linteo, & ad horas duas vel tres infundatur in acetum acerrimum, & super dentem applicetur. vel,

℥ Sem. hyosciami

Staphylagriae

Pyrethri añ ꝑ i.

Redigantur in puluerem tenuissimum, cuius accipe ꝑ i. & cum aceto forti fiat pilula, que super dentem teneatur vnus horæ spatio, mirifice quidem dolorem consopit, nec effatu dignam intemperiem procreat: tamen si solis resoluentib. doloris acerbitaltem lenire, si id fieri posset, magis pro voto esset.

De curatione ventosæ pleuritidis. Cap. 17.

Molestus admodum is dolor est, qui ex flatuoso spiritu in alterutro, vel vtroque etiam latere subnascitur, cum sese ille in thoracis cauitatem, vel inter membranas costas succingentes ingerit. Tum enim ad similitudinem veræ pleuritidis tussiculam, inquietudinem, febriculam interdum, sitim & dolorem distensionum adfert. Qui quidem dolor tamen si multis ex signis a vera pleuritide discerni & internosci

possit, nihilominus tamen Hippocrates ad maiorem securitatē iubet fomentis calidis dolorem pertentare, qui si ex fortu increseat indubitatum relinqui ait ex defluxu, & potissimum humoris calidi eum produci. Sin mitescat, flatuosum spiritum hunc excitasse, aut leuem defluxionem eo decubuisse, quæ propter cutim ex fomentatione rariorē effectā facile expirat & resoluitur. Atqui cōsultum neutiquam est in hac pseudo-pleuritide modo vehementior sit, solis fomentis contentū esse: verum oportet primo per intestina viam flatui sternere per quam erumpat. Excrementa enim communia plerumque in hoc affectu tam pertinaciter inhihentur, vel ex immoderatiore quiete, vel illorum siccitate, & duritie per venas distributo humore, vel denique ex copia crassæ & viscidæ pituitæ obturatis meatibus vt sua sponte nihil aliud excernat, nec efflatus fieri possint, moueri itaque & exonerari debet natura enemate communi, quo electo aliud subiicere maiore vi, atque efficacia ad reuellendum purgandumque præditum, quorum de-

ſcriptiones ex capite præcedente huc tranſſerre haud difficile erit. Siquidem æger moroſior ob inutilem pudorem, aut falſam in animo de enematis periculo conceptam perſuaſionem id minime admittat: ſequens accipiat pharmacum ad fœcum communium educationem.

℥ Diacathol. ℥ iiij

El. de daſt. ℥ ij

Sp. hier.ß. ℥ ß

miſce & cum ſaccharo fiat bolus, detur inuolutis hoſtiis, vel accipiat puluerem ſequentem cum iure caponis aut vino albo.

℥ Pulueris Senæ præparat. ℥ iiij

Rhabarb.el. ℥ ß

Diagridij gr.ii.

Aromatic.roſ.gr.viii

Sacchari q.ſuff.

Miſtiſque omnibus, fiat puluis: ſumat in aurora. poſtquam hoc modo fæces ſunt expurgatæ, & inteſtina vacua, conſultum erit venā iecorariā affecti lateris ſecare, ſi ſanguinis copia adſit, aut dolor vehemētiffimus: alioqui minime ſuaſerim: deinde per medicamenta localia & cū primis fomēta tētāda eſt curatio.

℥ Calaminth.	} añ Mi.
Pulegi	
Rorismarini	
Rutæ	
Fol.lauri	Mß
Bacc Iuniperi	} añ Pi.
Fl.Camemel.	
Sem.lini	} añ. ʒ iiii.
Fœnogr.	
Furfur.	

Coquantur in s. q. aquæ lento igne ad mediæ partis consumptionem, postea infunde tum herbas, tum ius ipsum in vesicam porcinam, aut bubulam, & calide applicetur loco dolenti, aut immergatur in decoctum linteum quadruplicatum, vel potius spongia noua exprimatur leuiter, & imponatur: cum reperiit denuo immergenda, sæpiusq; hoc est reiterandum. Per hunc fotum pulchre crassus & crudus spiritus concoquitur, extenuatur, & discutitur, post fomentum illinatur locus oleo Camemelino, vel de amygdalis amaris, & panno laneo albo calefacto contegatur, Sacculus etiam potest fieri ex ruta, thymo, absinth. Florib. Lauandulæ, Rorismarini, camemeli, Sem.nigellæ, Cumini,

dfuci, Baccis lauri, aliis que infinitis, & eo modo quo cap. 16. diximus, concalfactus applicari. Ceterum cum hoc modo crassities flatuum extenuata fuerit, tempestiuum erit, quatuor aut sex digitis sub dolente loco cucurbitulam magnam sine scarificatione cum larga flamma bis aut ter affigere. tum enim multo promptius, & cum minore ægri molestia extenuatus spiritus trahentem cucurbitulam sequetur, & dissipabitur facilius. Siquidem prius ob nebulosam & densam substantiam pertinacius parti impactus inobediens & immorigerus cucurbitule erat. Quippe hæc ita administrata affectum si nondum tollant, intusne fouentem pituitam crassam & viscidam flatus habeat: poterit illa hoc modo per incidentia & extenuantia præparari.

℞ Rad. Irid. petrosel. helenij an. ℥ i. Cort. rad. ebuli & tamaricis an. ʒ iiij. Saluæ, Rorif. mar. Hyssopi, Absinth. rom. an. M ss Cuscut. Mi. Sem. 4. calid. mai. an. ʒ ii passul. enucleatarum pi. liquiritiæ rasæ ʒ iiij. bulliant in suff. quant. aquæ ad medias partes. In col. clarificatæ lb i. Dissoluantur Syrupi de quinque rad. ʒ ii. Syr. de stechade, Oximellis

Squill.an. \mathfrak{z} i. Sacch. quantum sufficit ad conciliandam suauitatem. Aromatisetur cum Cinamomi \mathfrak{z} i β . fiatq; aposema pro 4. vicibus bis de die sumendis, præparata materia sequente plegmagogo expurgabitur.

℥ Agar. trochiscati \mathfrak{z} iiii. Zingib. \mathfrak{z} β .

Infundantur in aque fœniculi & vini albi æqualibus partibus per horas xij. In forti expressione dissoluantur

Benedict. laxat. \mathfrak{z} iiii

El. de Succ. ros. \mathfrak{z} β

Syr. de calaminth. \mathfrak{z} i

Misce & fiat haustus, sumat diluculo cum custodia. vel,

℥ Turpetel. \mathfrak{z} i

Zingib. \mathfrak{z} β

Sacch. albiss. \mathfrak{z} ii

Redigantur in puluerem tenuissimum, & sumat cum iure pulli, aut vino tenui. Expurgata materia repētantur, si necessarium videbitur, fomenta paulo ante dicta cum inunctionibus & cucurbitulis. Interim diacymino vtatur: electuario de bacc. lauri vel sequenti confectioe.

℥ Conser. fl. Borrag } an. \mathfrak{z} β
 Conf. rad. Helenij }

Sp. Diacym.	} an. ʒ i
Dianisi	
De bacc. lauri	
Cinamomi	ʒ ʒ

misce & cum Syrupo conseruationis
 corticum citri: fiat electuarium molle
 seu opiata: sumat ieiuno stomacho pon-
 dus drachmæ vnius, per se aut in deco-
 ctione florum Camemeli, & Seminis
 Anisi, aut cum vino albo dissolutum.
 Non alienum etiam a ratione erit locū
 do eum cum calida manu in mixtura
 vini sublimati & olei amygd. amararū
 intincta diu fricare, & postea pannū la-
 neum album calide applicare, eadem
 prope ratione in pulmonum inflationi-
 bus est procedendum.

De curatione palpitationis ventosæ.

Cap 18.

Palpitatio symptoma cordis est, nem-
 pe eleuatio quædam ipsius atque
 depressio præternaturam a distendente
 spiritu facta, eo quidem molestius &
 periculosius ceteris ab eodem factis,
 quo nobilius viscus vitæ fontem affi-
 cit. Quandoquidem si multum offen-
 dat, aut diutius perduret, adeo facul-

tatem vitalem eneruat, vt ad lipothymiam, ac demum ad mortem repentinam permutetur. Sedulo itaque procurandum, vt bona victus ratione sollicita que curatione cor corroboretur, flatus dissipentur, & quod omnium primum est, horum causa amoueatur. Aer igitur lucidus sit ad calidum & siccum vergens, nulla aut nebula a caligine, aut graui odore conspurcatus. Qui si natura talis non sit, arte paretur medicamentis suaue odore spirantibus, & cordi familiaribus. Alienus æger sit ab animi vehementibus affectibus, præsertim subito timore & præcipiti excandescencia. A multo vsu vini (inoderate enim sumptum conuenit) a venere, somno diurno, a potu frigido, ab iis denique omnibus, quæ capite de præcautione abunde satis diximus, abstineat. Alius sua sponte laxa sit & fluxilis, aut mollibus enematis balanisque pronocata: vt,

℞ Rad. altheæ ℥ ii. Herbarum quinque emollientium an. Mi. Sem. Anisi ℥ i. fl. Camemeli Pj. Agarici, fol. Senæ orient. an. ℥ iiii Fiat decoctio ad lb i. in colatura dissoluantur

Diacathol. Sacch. rub. an. ℥ i

Hier.

Hier f. cum melle. ℥β

Ol. Camemel. Aneth. an. ℥ii

Salis communis ℥i

misceantur omnia, fiatque clyster. vel fingatur Balanus communis ex melle cocto, cui si magis validū desideres, addentur hier. f. i. aut hier. logodij ℥β. In delicatulis vitellus oui cum talis modico, candela sebacea, ficus inuersa aut simile quiddam sufficiet. Quod autem cibi sint eligēdi pauci, immodicæ humiditatis & flatuum expertes, boni nutriti, faciliq; cōcoctionis præcipue assi, hyssopo, fœniculo, melissophyllo, Borragine, garyophyllis, aliisue calidi & sicci tēperamēti cordialib. suffixi, aut aliter cū his elixādo præparati, omnib: notissimum esse iudicio. Atqui quibus dubiū videri possit, an vena in hoc affectu secari debeat, cum sanguinis ablatio vitale robur (quod alioqui sine sanguinis vltiore cōmotione symptomatis nomine infirmū satis erat) eneruet, nec morb. sui ratione, vtpote qui in sanguine non consistit, minime eam requirat? Respondeo cum Galeno, mirificū sanguinis Lib. 3. de missionē esse præsidium vel in omni pal- loc. aff.

pitatione: aitenim, palpitatio visceris huius pluribus integra valetudine degētib. tū adolescentibus tum adultis subito sine alio manifesto accidente euenire visa est, atq; omnes eos sanguinis detractio iuuat, atq; hoc accidente plane liberati sunt qui post sanguinis missionē vsi sunt victu & medicamentis quibus esset extenuādi facultas. Sanguinis itaq; ablatio prodest, magis tamen gratia reuulsionis inhibentis ne ad ipsum coriā imbecillum & affectum excrementa cōfluant, aut ob palpitationis motū idea attrahat: quam quod sui ratione eā desideret, cum ob flatuum frigiditatem in intemperiem frigidam potius quam calidam inclinet. Secabitur basilica dextri brachij, verum confertim & semel sanguis non effluet, sed reiterato ad maiorem reuulsionem: ni ætas, virtus aut aliud quiddam eorum quæ venæ pertusionem solent impedire, obstat. Facta hac euacuatione, extenuans victus, & medicamenta incidentia, spiritumque dissipantia palpitationem curant, intemperiem enim frigidam cordi inductam corrigunt, id ipsum

corroborant, flatus dissipant, fouentem
 eos pituitam absumunt, natium calo-
 rem efficiunt robustiorem, & omnes a-
 nimales naturalesq; actiones restaurant
 & consolatur. Porro medicamenta hæc
 præstantia, calida sunt, singularēq; vir-
 tutis vitalis roborandæ habent præroga-
 tiuam, vt sunt, diacinamomum, diaca-
 laminthum, dianisum, Aromaticum
 rosatum, diamoschus dulcis & amara,
 mithridatū, & theriaca Andromachi,
 quodlibet per se cum vino generoso &
 fuluo, aut cum aliis informa mixturæ
 seu electuarij exhibitum: vt,

℥ Cort. citri sacch. conditi ℥ i β

Conser. fl. Borrag. ℥ j

Sp. Aromatic. ros. ℥ i

Sp. Diamosch. dul. }

Sp. Diacalaminth. } an. ℥ ii.

Sem. Citri }

Sem. melon. mund. } an. ℥ β

Coriand. præparat. }

Corall. rub. ℥ i

Puluerisanda terantur minutissime, &
 cum Syr. de borragine fiat opiata: cuius
 quidem magnitudinem nucis Ponticæ
 diluat in vino maluatico seu alio gene-
 roso & tribus horis ante pastum, ma-

ne & vesperi ebibat, aut electuarium per se sumat, superbibatq; haustulū vini potentioris ad faciliorem ad cor, reliquaq; viscera trāssumptionem. Vel sic fiant in tabulis, quas lozengias barbari vocant,

℥ Sp. Aromatic. ros.

El. de Bacc. lauri an 3 ℔

Cardamimi

Sem. citri } an. 3 ℔.

Corall. rub. }

Sp. diacymini 3 i

Redigantur in puluerem tenuissimum, & cū saccha. in aqua melissophylli dissoluto formētur morsuli, seu tabulæ pōdere drachmæ vnus, quorum vna qualibet vice dabitur, mane tribus aut quatuor horis ante pastum, altera vesperi tantundem horis post cœnam, cum optimi vini vnc. iii. aut iiij. poterit etiam interdum vti loco vini simplicis, vinum quod Hippocraticum vocant, hoc modo confectum,

℥ Sacchari albiss 3 iiii

Cinamomi 3 iiii

Zingiberis 3 ℔

El. de bacc. lauri

Gran. parad. an. 3 ii

Vini generosi ℔ ii.

colētur per manicam Hippocratis fiat.

que potus Singulare huic palpitatiōi a
 flatibus remediū est, alternis vel etiam
 singulis dieb. nisi admodū molestū sit, su-
 mere quatuor horis ante pastū Theria-
 cæ Andromachi veteris scrupulos duos
 aut 3ß. cum vino decoctionis macis &
 Cinamomi. Extrinsecus insuper epithe-
 mata imponantur oleū nardinū in quo
 ambra & moschus dissoluantur, si odor ē
 æger ferat. Tenuioris fortunæ hominib.
 sufficiet vinū decoctionis melissophylli,
 roris marini, cumini & baccarū lauri pro
 Epithemate cum oleo amygdalarū dul-
 cium & puluere garyophyllorum, nucis
 moschatæ & cinamomi: ditioribus con-
 ueniet hoc quod sequitur.

℥ Aq. melissophylli
 Aq. flor. citri an. ℥ßß
 Vini maluatici ℥iii
 Macis, Garyophyll.
 Nucis moschat an. 3i
 Sp. diambrae ʒiiii
 Sem. Citri
 Sem. Ocimi añ 3ii
 Croci ʒi.

Misce & fiant cordi Epithemata calide
 ante pastum, non minus ex vsu crit sac-
 culus ita præparatus.

℥ Fl. anthos	}	an. pi.
Borraginis		
Camemeli		
Sem. & cort. citi		
Ligni aloes		
Cinamomi an. ʒ i		
Garyophyll.	}	an. ʒ ss.
Cubebæ		
Cardamo. mai.		
Croci ʒ i		

Contundantur grosso modo, fiatque sacculus ex serico interbassatus, qui vino maluatico nonnihil conspersus calide cordis regioni imponatur. Hoc modo procedendū existima in curatione palpitacionis quæ sine fouente causa a solo spiritu flatulento ortum habet. Ceterum si crassa viscidaque pituita fomitem flatui subministret, eam sic præparando aggrediemur.

℥ Melissophylli, Borraginis, betonic. calaminth. rorismar. an. M ss. Fl. Stechad. arab. Fl. persicorum an. Pi. Sem Ani. Cardamomi min. an. ʒ ii. passul. ab arillis mandatarum Pi. Contundantur grosso modo in mortario, aut scindantur cultello, macerenturq; horis xii. in vini Rhenensis, & aquæ melissophylli an. ss. in ampulla vitrea, aut fi-

ctili vitreato stricti orificij : postea co-
quatur in duplici vase, quod balneū Ma-
riæ vocant, bene obturato osculo, ad ho-
ras tres demū colētur. In colatura clari-
ficata dissoluatur, Syrupi conseruatio-
nis corticū citri, & Syrupi de bysantiis
ana ℥ ii. aromatizetur cum Sp. cordialiū
℥ i. fiatq; (vt aiunt) Syrupus longus, su-
mat diluculo per quatuor dies. Deinde
hoc modo purgabitur,

℥ Agar. trochisc. ℥ i ℥
Zingiberis ℥ ℥

Infundantur per horas duodecim in iu-
re decoctionis melissophylli, cuscute,
calaminthæ, & hyssopi: postea ebulliant
ad tres aut quatuor ebulliones, auferan-
tur ab igne, & exprimantur fortiter, ex-
pressi colati ℥ iiii addantur, syrupi de ste-
chade ℥ i. El. indi. maioris Bened. la-
xatiuæ an. ℥ ii. misce, fiat haustus quem
sumat hora quinta matutina. Hæc si
ob materiæ crassitiem & visciditatem,
necdum suffecerint : aliis item qua-
tuor diebus illa præparabitur, verum
huiusmodi medicamentis, quæ vehe-
mentius extenuent, & incidant, vt sunt
Oximel simplex, Syrupus de duabus &
i iiii

quinque radicibus, & Oximel squilliticum cum aquis distillatis melissæ, Scabiosæ, Hyssopi, & eius farinæ aliis: vel cum decocto origani, calaminthæ, hyssopi, pulegii, betonicæ, & rorismarini, vtatur cum syrupis Theriacæ Andromachi, vel Mithridatis ꝑ ii, vel dianisi, aut diacalaminth. ʒ i. tum demum sic iterum purgabitur,

℥ Turpeti el. ʒ i

Diagridij gr. ii

Zingib. ʒ ʒ

Sacch. albiss. ʒ ii

Redigantur in puluerem tenuissimum & cum iure pulli aut caponis sumat diluculo. post ita institutas absolutasq; tū præparationes tum purgationes resumat supradicta medicamentum cordis robur confirmantia, & palpitatiōi appropriata. Ceterum si a melancholico humore flatus palpitatiōem efficiens excitetur, quemadmodum aliquando fieri experientia didicimus in melancholia Hypochondriaca: præparabitur ille cum syrupis de fumaria, de pomis, de Succo borraginis, de Epithimo seu syrupo conseruationis corticum citri, in de-

cocto fumarix, pulegij, Borriginis, cuscute, summitatum lupuli, Absinthij, rad. polypodij & buglossę dissolutis. purgabitur autem cum confectione hamech, diasena, & diacatholicone: aut cum syrupo Ioannis Montani in hoc malo maxime efficaci, cuius descriptionem huic loco libuit adiungere.

℥ Myrabolan. omnium an. ʒ ʒ
 polypodii querc. }
 Foll. Senæ } añ ʒ i
 Epithimi }
 Liquirit. rasæ }
 Garyophyll. } añ ʒ i
 Sem. citri }
 Cort. helleb. nigri ʒ ʒ.

Myrabolana contendantur grosso modo & macerentur spatio 24. horarum in septem Libris aquę fumiterrę: & si volueris medicamentum robustius in septem Libris succi fumiterrę depurati. Huic infusioni postea reliqua adduntur & bulliant ad consumptionem medietatis, colantur, leuiter exprimuntur, & totum decoctum in sex syru-
 pos diuiditur, & vnicuique dosi miscentur syru-
 pi de fumo terrę ʒ i ʒ. Syrupi de corti-
 cibus citri ʒ ʒ. vt sint decocti ʒ vi. Syru-

pi § ii. hoc est legitimum doctissimi Montani apozema efficaciter admodum melancholicum humorem, affectusq; ab eo excitatos debellans. Interim epithemata superius enarrata, reliqua-que tum electuaria tum orbiculi aut morsuli repetita administrabuntur ordine & modo quo in præcedentibus dictum est.

De curatione inflationis ventriculi. Cap. 19.

INflatio ventriculi, quam *πνεύματος* *γαστρὸς* nuncupant, est membranarum ventriculi, præter naturam a flatuoso spiritu extensio cū dolore. In hac equidem frustratur propria ventriculi actio, quæ concoctio est, quod complectendi facultas non vndiq; cibos constringat, propter eius imbecillitatem, sed locum quendam vacuum relinquit inter ventrem & cibos. Commouetur autem hic dolor magis interdum ante, interdum post cibum. Ante cibum quidem, quod vna cum intemperie vetriculi frigida, crassa etiā viscidaq; phlegmata in ipsius fundo innatant, a quibus oppressus, eneruatusq; calor, dum euincere studet, flatum eleuat distendendo magno-

pere infestum. Dolor interim sedatur nonnihil, dum vel ructus eduntur, vel pituita euomitur. Post cibū vero is ingrauescit magis, cum fit a sola intemperie frigida sine materia. Calor enim naturalis sua sponte debilis, aut ciborū maxime frigidorum, & inflatiuorum copia oppressus, sub onere quodammodo succumbens eos dissoluit, non tamen conficit, vnde inflationes suboriuntur. In hisce curandis primus scopus, idēq; cōmunis, est, euacuari quod præter naturā est. Secundus vero & inflationib. proprius, vt tenuissimis & potestate calidis medicamentis, quæ corpus rarefaciendi, & spiritum extenuandi vim habent, id perficiatur. post idoneam itaq; victus rationem, quæ in sex rebus non naturalibus consistit: quamq; ex præcedentibus facile erit colligere. prima cura erit, vt aluus laxa sit: idq; si non sua sponte, lenitiuo seu molliente clysteri aut glande molliēdum erit. Deinde (præsertim si pituita crassa ventriculi fundo innatat) ex oximelle simplici, aut squillitico cū decoctione Raphani, anethi, aut Atriplicis vomendū, interdū ante, nonnunquam

etiam post cibum, prout æger facilis sit
ad vomendum aut difficilis: vt,

℞ Raphani concisæ ℥ ii

conterantur in mortario, & affusa aqua
aut mulsa decoctione anethi succus ex-
primatur, & tepide (tepida enim relaxā
do vomitum prouocant) bibatur. aut

℥ Sem. Anethi	} an. ℥ i β
Sem. Raphani	
Agar. puluerisati	

Bulliant in sufficiente quantitate aquæ
ad dimidias, colaturæ vnciis sex adde Sy-
rupi acetati vel oximellis squillitici (si
materia valde crassa sit) ℥ i. bibat , post
paululum euomat pluma vel digito in
fauces immisso. Sin autem ob angustia
pectoris aliaue de causa vomere nō pos-
sit, præparata pituita ex melle rosaceo,
oximell. simplici, syrupo de stechade &
decoctione foliorum rutæ, pulegij, cala-
minthæ, hyssopi, origani, feminib. ca-
lidis maioribus purgabitur catharticiis
phlegmagogis, pilulis aureis, pilulis de
hiera cū agarico, de hiera simplici, elect.
indo mai. benedicta laxatiua, aut id ge-
nus aliis quæ abunde prius recensuimus,
hac ratione expurgata pituita, habebit

Infirmitas in familiari vsu radices cōditas
zingiberis & helenij, & maxime quidē
radices imperatoriæ crudas aut condi-
tas, quib; quidem prerogatiuam omniū
simplicium in hoc affectu & quasi pal-
mā facile tribuo. Deinde etiam quod c-
ptamus, mirifice præstāt Diatrion pipe-
reō, diacalamintum, dianisum, djaci-
namomum, Electuariū de baccis lauri,
mithridatū & Theriaca, quodlibet per
se, aut cum vino exhibitum, Cuminum
puluerisatum cum salis tantillo ex iure
gallinæ, aut vino fuluo propinatū efficax
est, nec minus vinū decoctionis florum
camemeli sem. anisi, aut cumini cū pul-
ueris nucis moschatę momento & oleo
amigd. dulcium aut communi ebibitū
iuuat, adeo vt dubitē si huic remedio al-
terū par sit, item castorij ʒ ʒ. garyophyl-
lorū ʒ ʒ. in vino propinata: & polū mō-
tanū cum vino idem valent, Quin etiā a-
cetum squilliticum propter vehementē
quā habet incidendi facultatē, aut ex eo
cōpositū oximel, si cū vino potente eius
uncia vna bis de die bibatur, potētissime
auxiliatur, Suillus talus ex Æginetæ sen-
tētia crematus, & in potu sumptus tor-

mina & flatus discutit. // Idem potenter admodū facit aqua ex cinamomo, in alēbico vitreo secūdum Mathioli descriptionē distillata, per se aut cū aquæ vitę aliquot guttulis sumpta. // Vinum etiam odoriferum cum pauxillo cinamomi & galangę // aut vinum decoctionis roris-marini, sem. dauci, cumini, carui, baccis lauri & iuniperi // aut tale pro delicatulis, (de quorū palato non minor, quam de ægritudine habenda cura est) vinum Hippocraticum præscribemus.

℥ Sacchari albissimi ℥ iiii
 Cubeb. Gran. parad.
 Galang. Zingib. an. ℥ i
 Piperis longi ℥ β
 Cinamomi. ℥ iiii

Vini Cretici, Romani, aut alterius cuiuspiam generosi ℔ ii. colentur per manicam, fiatq; potus, quem ypocras vulgus appellat. // Cæterum diligenti animaduersione tam hic, quam in omnibus & prædictis, & deinceps dicendis obseruandum, quod nullus omnino, aut exiguus admodum vsus sit impense calidorum cum simpliciu, tum compositorū medicamentorū, antequā cruda crassa-

que pituita quouis modo vomitu aut purgatione sit euacuata. Omnia enim acria, & abunde calida, si in dēsam atq; viscidā pituitā incidant: flatus suscitant, quos non discutunt: quare dum curare satagimus, maioris molestiæ authores finis, & quæ alioqui post euacuationē crassi humoris salubria sunt, & maxime conuenientia medicamēta: illo adhuc in corpore subsistēte, euadunt pernicio-
sa. Caute itaq; se gerat medicus in ho-
rum administratione, nec minime ne-
gligenter: ne si forte leuioribus medelis
malum non euincens, aut valentioribus
perperam vsus, inflatio diutius perseue-
ret, agrum in Tympaniten deiiciat, &
mali medici nomen sibi conciliet. Ex-
trinsecus optimum est ventriculum ar-
cte ligare, vt flatus impediantur, & me-
lior fiat concoctio, ventriculi deinde re-
gionem fouere ex oleo quod Rutam,
calamintham, Rosmarinū, vel quoduis
feminū calidorum, cuminū, anisum, api-
um, daucū, vel lauri baccas, aut eius fo-
lia incoctum habuit, vel eadem hæc in
vino decoquantur, fotuq; factō, irrige-
tur vētriculi regio ex oleo, quod tenuio-

rum sit partium, & potissimum si eorū copia sit ex oleo macis aut garyophyllorū. Nam præterquam quod sua tenuitate meatus cutis subiectarumq; partiū recludant: & flatus siquid aliud extenuent & discutiant: pulchre quoq; ventriculum corroborant, calfaciunt, suffocatum calorem resuscitant, & substantiæ quadam proprietate recreant. Vnguentum etiam longe vtilissimum ex ijs in hunc modum componi potest.

℥ Ol. macis 3 vi

Ol. absinth.

Mastich. an. 3 iiii

Lig. aloes	} an. 3 ℥
nuc. mosch.	
eubearum	
garyophyl.	

mosch. benzoini, croci an. gr. vi.

Redigantur in puluerem tenuissimum & cum ceræ quod satis est fiat vnguentum secundum artem, inungatur regio ventriculi calide ante pastum. post fortum paulo antedictum, imo & post inunctiones non inutile erit sacculum ex plumis anserinis confectum applicare, aut cum qui sequitur.

℥ Origan. absinth. menthæ an. M ℥.

Sem.

Sem. milij, Anisi tostorum an. ʒß

Fl Camemel. lauandulæ

Anthos, furf. an. ꝑi

Bacc. lauri ʒi

Nucis moschatae ʒß

puluerizentur grosso modo, & insuātur panno sericeo raro & rubro, fiat q; sacculus interbassatus in scuti stomachalis figurā. qui vino aliquo generoso respersus & optime calfactus vētriculo applicetur. Hic varię formulæ medicamētōrū huic affectui haud inutiliū forent inferendæ, quas omnes breuitatis studio lubēs prætereo, vna excepta cucurbitula, quam bonę magnitudinis ter quaterue sine incisione ita medio ventri vt vmbilicum compræhendat affigere, in integrum sæpe toto symptomate liberat. Item lapis molaris, aut later igne candens inuoluatur in linteum quadruplicatum quod prius in vino generoso maderit, ac calide dolenti ventriculo iungatur, quo tepescente alius simili modo præparatus sumatur, ac sic mutatis vicibus hic post illum administretur. Hæc sunt, quæ de ventriculi inflationis curatione dicenda habui: quæ si prudenter, &

ex præscripto viri docti vsurpentur: non dubito fore quin paucis diebus liber ab omni molestia æger euadat.

De Melancholia flatuosa curatione. Cap. 20.

Melancholia Flatuosa multiplicē ob causam difficilis curationis. est. Nam præter vehementē venarū meleraicarum a crassa crudaque materia, tum melancholica, tum pituitosa, vnde contumaces perpetuo spiritus eleuantur, obstructionem: maxima etiam intemperaturæ viscerum inæqualitas subest. Huius quidem ratione non leuia accidentia ingruunt, excrementorum nempe suppressio ab exiccante, & humiditatem exugēte calido hepate: difficilis spiratio a cōprimente septū transuersum inflato ventriculo: dolore ventriculi a flatuum distensione & intemperie frigida eructationes, vomitiones, & successu tēporis ab obstructione putredo, cuius venenata euaporatione perculsa mens deficit, & delirium accidit. Hæc partiū inæqualitas contrarias habet curandi indicationes. Iecoris nempe ardor refrigerationem, & ventriculi frigiditas calefactionē desiderant. Deinde quæ me-

dicamenta crassos humores valide incidendo, colliquando extenuandoq; præparant, præperatos efficaciter euacuâr, & collectos spiritus dissipant: pleraq; impense calida esse, palam est. porro calida iecoris & venarum ardorem adangunt, auctior caliditas, quod subtile in humoribus est dissipando, reliquum incrassat, magis infarcit & impingit, flatusq; copiosiores ex tali materia suscitât: frigida e contrario medicamēta cōgelādo, humores condensant, meatus constringūt & natium ventriculi calorem obtundendo, coctionem impediunt, cruditatem suggerunt, & flatuum procreationem promouēt. Quocirca vna curationis via superest, quæ per mediocriter tū præparantia, tū purgantia procedit. Atqui cū mediocritas hæc in graui & difficili affectu nihil laudabile præstet: accidit, difficilem hunc morbum habere curationem, & plerumq; diuturnum esse. Verumtamē difficultas non deterreat, sed intrepide affectui occursando eiusmodi enemate curatio auspiceretur.

℞ Rad polipod. q.

Fol. Senæ, alex. an. ʒi

k ii

Maluæ, parietar.

Betæ, caul. rub. an. Mi

Fi. Camemel. pi

Sem. anis. ʒ vi.

fiat decoctio secundum artem ad medias. In colaturæ lb i. dissoluantur diacatholiconis, Sacchari rub. an. ʒ i. Ol. anethini ʒ ii. Salis modicum. mistis omnibus fiat clyster.

Hunc si æger non admittat, sumat sequentem potionem laxatiuam.

℥ Fol. Senæ orient. ʒ iiii

Agar. trochisc. ʒ i

Zingib. Azari an. ʒ ss.

infundantur per horas xii. in aqua stillat. in tibi latifolij, deinde coquantur cum drachma vna Seminis anisi grosso modo contusi ad duas aut tres ebullitiones, postea exprimantur fortiter: in colaturæ ʒ iiii dissoluantur, si diues sit, manna ʒ ii. Syrupi ros. solut. ʒ i. Si pauper, confect. Hamech. El. de dactylis an ʒ j. Syr. ros. solut ʒ i. mistisque omnibus fiat haustus, detur in aurora.

Sequēti die aperiatur, si nihil impediatur, basilica dextri brachij, aut si magna sit lienis obstructio, sinistri: extrahanturque sanguinis vnciæ quinque; aut sex plus vel minus pro viri robore & sanguinis corruptione. Hoc facto sequenti apotemate cum pituitam tum melancholiā

respiciente (vt plurimum enim vtriusq;
humoris copia adest) præparanda erit
materia.

℥Radicum cichorii, helenii, polypodii
quer. an. ℥ i β chamedr. cuscutæ aspleni, hyssop
pi an. M i. Fl. Sambuci, Camemeli, an. pi.
cort. radicum cap. & tamaricis an ℥ vi. lique
rit. rasæ ℥ β Sem. anisi ℥ iiii. passul. ab arillis
mundat P i.

Fiat decoctio secund. artem ad lb i β. in cola
tura clarificata dissoluatur Syrupi de cicho
rio cum Rhab. Oximell. s. añ ℥ ii. aromati
setur cum Sp. diatrionfant. Cinamomi an.
℥ i. fiatque apozema pro quatuor vicibus,
sumat summo mane. materia præparata sic
expurgabitur.

℥Rhabarb. el.

Agar. troch. an. ℥ i

Foll Senæ alex. ℥ ii

Zingiberis, Spicæ ʒ β

Cardamomi ʒ β

infundantur in iure pulli per horas xij.
exprimatur fortiter, in expressi colatura
dissoluantur

Conf. Hamech. }
Diaphœniconis } an. ℥ i

Syrup. ros. sololut. ℥ i

Misc. fiat haustus, vel sumat sequentem
pulverem.

℥ Sp. Senæ preparat. ʒ iiii. Rhabarb. ʒ β.
Diagridii gr. ij. Aromatic. ros. gr. viij. Sacchari
ad pondus omnium, aut ʒ ij.

Puluerizanda in puluerem tennissimū
redigantur, & cum iure galli decrepiti
sumat diluculo. Sequēti post purgatio-
nem die abstineat ab omni alia medici-
na, præter quam a sequenti electuario,
cuius sumat vnciam mediam, & super-
bibat aquæ mellis aut iuris caponis ʒ iiii.
vel fiat elect. solidum in tessellarū figurā.

℥ Sp. Dialacæ ʒ i
Conf. e bacc. lauri }
Diarrhod. abb. } an. ʒ i

cum saccharo in aqua borrag. & modī-
co vini dissoluto, fiant tabulæ, quarum
quælibet sit ponderis drachmæ vnius, su-
mat tessellam vnam in aurora: circa præ-
dium sumat iusculum galli decrepiti;
qui cū rad. polyp. borrag. fl. roris marini
& calamintho decoctus fuerit, aut eius
loco sumat in prandio media hora ante
aliu cibum hanc ptyfanam.

℥ Hord. mund. quart. i. Rad. apij, fenicul.
cichorij an. ʒ iij. cicerum rub. pistaciorum,
passul. de corinth. an. ʒ i. hyssop. M. β. coquā-
tur in aqua purissima ad lb i β.

Ius coletur per manicam hippocratis cum vini albi. ℥vi. & addendo cinnamomi ℥i. Sacch. q. s. fiat ptyfana. Hac poterit etiam vti in coena. Sequentibus deinceps quatuor ex ordine dieb. iterū præparabūtur humores iā dicto apozemate, aut alio qualitatem humoris peccantis respiciente, quod in imbecillo corpore semel, in robusto autem bis soleo de die propinare, interdum etiam si ingens copia humorum adsit, alternis diebus duas aut tres ex hisce pilulis media nocte sumendis præscribere.

℥ Massæ pil. aur.

foetid. an. ℥ ss

Trochisc. alhand. gr. iiii

misce & cum aceto, aut quod melius est oximell. scillitico fiāt pilulæ quinq; . mirum quam modeste singulis diebus hæ aluū soluant materiamq; ab aposemate præparatam educant, absumptis syrups denuo purgabitur cum confectiōe hamech, pilulis de agarico foetidis aut id genus aliis, quorum omnium formulas hic præscribere longum foret. Syrupus quoque Ioannis Montani cap. 18. descriptus, huic affectui, potissimum

si ab humore melancholico ortum habet, instar omnium esse possit. Sufficien-
ter uti diximus expurgato corpore, ve-
nit vñcerum inēqualitas corrigenda per
medicamenta extrinsecus applicita, &
primo si calida admodum sit iccoris dis-
positio, irrigabitur hypochondriū dex-
trū cū ol. rosacei completi partib. dua-
bus, olei absinthij parte vna, & modico
aceti. Vel oleo communi quod absin-
thium, plātaginem, nymphæe flores, ro-
sas rubras, santalum vel simile quiddam
incoctū habuerit. Sin autem huius ma-
li præcipua causa in lienis obstructione
lateat: hoc decocto eius regio fouebitur

℞ Rad. ebuli. Rubiæ mai. an. ℥ ii
Calaminth. puleg. }
Cerrach. fol. lauri } an. M ss.
Fl. Camemeli }
Sem. agnicasti, idest viticis
Baccar. lauri an. ℥ i
Absinth. communis Mi

Bulliant in aqua extinctionis ferri pro
fomento, abstersus locus inungatur o-
leo de capp. solo, aut cum olei amigd.
amar. æqualibus partibus misto, aut lini-
mento hocq; habet.

℞ Ammoniacci

Bdellii an. ʒ ii

Galbani ʒ ʒ

dissoluantur in aceto acerrimo, deinde cum ol. capp. ol. aneth. pinguedinis anferinæ an ʒ vi. fiat linimentum. Interim dum hæc aguntur, habebitur etiam ratio ventriculi, & flatuum in eo cōgestorum, quod cum variis medicamentorū formulis, fomentis, linimentis, quarum præscriptiones ex cap. de ventriculi inflatione huc transferre liceat, fieri possit: optime tamen cum eiusmodi sacculo præstabitur.

℥ Menth. M. i. calaminth. origani an. M ʒ. fl. Camemeli, fl. roris mari. stechad. arab. an. pi. absinth. m ʒ. mastich. ʒ i, Cinamomi, Garryophylli, ligni aloes, Galāg. coral. rub. añ ʒ i. Puluerisentur grosso modo, & commistis omnibus fiat sacculus interbassatus pro stomacho, cōspargatur vino maluatico, aut alio quouis generoso, & calide applicetur, recal fiatq; interdū. Singulis diebus accipiet cum syrupis ad obstructionis apertionem, & flatuū discussionem, tessellā vnam solidi istius el. quod prius descripsimus, enemata quoq; flatuum crassitiem carminantia, & con-

strictam aluum prouocantia, a præsentē medico erunt præscribenda.

De colici doloris curatione. Cap. 21.

Lib. 6. Epid. part 4. aphor. 3.
COLICI doloris curationem hic delineaturus, pauca beneuolum lectorem præfationis loco admonere, animus est. Primo non expectet hoc capite alterius speciei colicæ affectionis curationem, præterquam illius, quæ a solis flatibus est, aut ab his cum vitrea pituita continente causa coniunctis. Secundo quod studiose admodum & prudenter eius curatio sit instituenda, perperam enim curatus, causa cur arthritidis sequatur esse solet, facilisq; ex hac, teste Hippocrate, in illum relapsus. Cuidam inquit intestinū colon vocatum simulatq; articulari morbo detinebatur, dolore vacabat: postquā vero ab eo sanatus est malo, plus doluit. Tertio quod venę sectio magnū momentum adferat, adeoq; necessaria, modo affectus vehemens excruciet, & plethora vel febris adsint. Quarto quod in huius curatione ab impense calidis cane peius & angue abstinatur, saltem ante pituitæ vacuationē. Quinto quod præcipuus curationis sco-

pus in enematū vſu cōſiſtat. Sexto quod cucurbitula nihil conſideratione dignū adferat, niſi oportuno tēpore & idoneo corpori affigatur. Cum itaq; medicus ad huius curationē accerſitur, diligēter cōſideret, nū ex phlegmonē coli alteriusue inteſtini, aut bilioſis humorib. interiorē eorū tunicam erodentib. an a vitrea pituita, vel diſtendente ſpiritu enaſcatur. Si ab his denuo obſeruandum vehementiſſimus ſit affectus, vel moderatus, idq; cū plethora vel ſine hac. Si vehementiſſimo dolori coniūcta ſanguinis copia eſt, ilico poſt excremēta emolliente clyſtere educ̃ta vena ſecanda erit, ſanguiniſq; quantitas pro præſentis medici iudicio extrahenda. Metus enim eſt ne vehemens ille dolor ſanguinē trahendo inflātionem excitet, vel conturbando febrē efficiat. Sanguine euacuato, validis enematis ex hier. ſ. Electuario indo mai. aut hiera logodio paratis debet pituita in inteſtiniſ collecta expurgari, nullo equidem remedio cōmodius id fieri poſteſt. Cum enim morbus ipſe, eiꝯq; cauſa in inteſtiniſ, & potiſſimū colo ſint, ni- *Lib.v.*
hilq; per os ſumptum teſte Gal. poſſit *metho.*

integris viribus ad inferiora pertingere: clyster autē quod optamus sine vlla molestia vel periculo valeat proficere: quis quęso tam absurde iudicet, vt vnum clysterem ceteris omnibus medicamentis non præferat, præsertim cum quę per os sumuntur calidiora sint necesse est (morbus enim frigidus & contraria contrariis curantur) maioreque copia ingerantur si commodum vllum sint allatura. Atqui calida omnia quia tenuium partium sunt, facile permeant venas mēseraicas. His, iocinorique calidam intemperiem inducunt & fundunt sanguinem. porro caliditas viscidum glutinosumq; phlegma colliquans, flatus eleuat malum malo accumulans: & generosum alioqui remediū si bene vsurpetur nocentissimum abusu fit venenum. Quare author sum improuidishisce medicis, vt in posterum cautius suam Theriacam, mithridatū, diacalaminthū, aliaq; valde calefacientia colicis propinent, antequā vitrea pituita crassis intestinis impacta fuerit expurgata, quini mone tum quidem vacat periculo frequentior eorū vsus. Tutissima sane ad-

ministratio & sanitatis citissima recuperatio in clysteribus rite apparatus consistit: primus ergo emolliens esto ad faccum communem reductionem.

℥ Diacathol. ʒ x.

Hier. s. cum mell. ʒ β

Sacch. rub. ʒ i

Salis communis ʒ i β.

Dissoluantur in ℥ i. decoctionis rad. althæe quinque herbar. emollientium. Fl. Camemeli, furs. cicer. rub. & fiat enema.

quo erecto, facibusq; ductis infundatur ex Galeni sententia lib. 2. ad Glaucon. oleū aliquod tenuiū partium, quale est rutaceū, laurinū, aut commune, in quo incocta fuerint medicamenta, quæ cum partiū tenuitate calfaciunt, quale est cymini, apij petroselinic; semen, feniculi, anisi, libystici, selesis, dauci & spondilij, ruta deinde & lauri baccæ, admiscebis quoq; bitumē quæq; simili calfaciendi facultate sunt prædita, aut ad valentiorē pituitæ reductionem hoc substituat.

℥ Calaminth. puleg. tanacet. an. Mi

Fl. Camomillæ pi. Sem. cumini,

Dauci an. ʒ iii. bacc. laur. p β.

In decoctionis colatæ ℥ i. misceantur Oximel. squil. ʒ i. Ol. rut. aut eius in quo prius di-

Et a medicamenta incocta fuerint ℥ iii. Elect. indi. mai. ℥ vi. hier. logod. ℥ i. fiat clyster. Hec si percurauerint, bene est. Similiter, eadem reperantur, aut aliter secundum affectus magnitudinem, materiae pituitosae quantitatem, flatuum copiam, aut aegri debilitatem componantur: hoc tamen perpetuo obseruato ut ab injecto clystere infirmus in partem magis dolentem decumbat. Interim per os sumuntur moderate calida, ut est decoctum fl. Camemel. in aqua fontana, aut si uelis praestantius in uino albo tenui, mirificum enim auxilium hoc praestat in colica affectione, quemadmodum etiam ius decoctionis cumini per se, aut cum iam dictis camomill. flosculis. Hisce iusculis ego soleo nonnunquam admiscere vnciam vnā aut alterā ol. amigdarum dulcium recenter expressi, aut si huius copia non sit, olei communis, aut ol. Seminis lini quod praestantissimum est cochlear vnum adiacere, oleum etiam amigd. dul. ab expressione adhuc tepidum per se ad ℥ iii. vel quatuor utilissime bibitur. Nec plebeiū hoc remedium minus efficax est quod sic habet:

℞ Vini Rhenensis ℥ iiii aut quinque

Nucis mirificæ ꝓ i. aut ꝓ ij

Ol. communis cochlear vnum.

mistis omnib. cum saccharo, bibatur calide. In hisce potionibus non temere additur oleum, id enim præterquam quod anodynum sit, latera etiam ventriculi & intestinorū impingat, sua vi emplastica venarum oscilla obstruit, trahendi facultatem eneruat, efficitq; vt dolorē sedantia, frigiditatem corrigētia, flatuq; discutiētia medicamenta, citius ad locū affectum penetrent, nec tam auide a venis absumantur. Ceterū cum hic morbus sua spēte nauseabundus existat, oleumq; insuper multis nauseam & vomitū promoueat, his qui eius vsum aspersionabuntur sequentia conuenient.

℞ Summitatum absinth. vulgaris ꝓ β. Sem. cumini ꝓ ii. fl. Camemeli, anthos añ ꝓ i. Cubeb. ꝓ β.

Coquantur in vino odorifero: Ius decoctionis coletur per manicam cum sacchari & cinamomi conuenienti pondere, vtatur. Castorei etiam ꝓ β. in vino cū cinamomi & croci tantillo dissoluta efficax est. At quibus ita venter flatu distenditur vt ægre eurationem admittat,

aut torminibus vexatur atq; singultu,
 idq; ob frigidos viscososq; humores, aut
 crassos nebulososq; spiritus, eos ex oxi-
 crato potū iuuat. hæc sic administrata,
 & si opus fuerit repetita, vt plurimū inte-
 gre restituunt. Sin autem contumacior
 affectus sit, aut egri enematum vsum nō
 ferāt, aut deniq; ex toto corporis habitu,
 in intestina pituitosi humores defluant:
 phlegmagoga moderate purgātia, post
 quā ad expulsionem habilis pituita sit
 reddita, præscribētur, quorum formulæ
 ex præcedentib. huc erunt transferēdę.
 porro si vna cum purgantibus pharma-
 cis narcotica (ad quæ in summis dolori-
 bus confugere oportet) commiscere est
 animus, sic erit progrediendum.

℥ El. Ind. mai. ʒ vi aut ʒ iiii

Trochisc. alhand.

Castorii, Opii. an. gr. iiii

misce & cum saccharo fiat bolus, vel fiat
 talis infusio.

℥ Agar trochisc. ʒ iiii

Zingiberis ʒ i

infundantur in decocto pulegii, Hyssop.
 fl. anthos, & camemeli ad horas xii. in
 expressione dissoluātur diaphœniconis

3iii. philonii perfici ad minus annotini
 3 i aut 3 β. aut si vetustum sit, & vigoris
 expers ad maius pondus ascendere li-
 cet. fiat haustus cum saccharo quantum
 satis est ad conciliandam suauitatē. in
 formam etiam pilularū redigi possunt.

℞ pil. de hier. cum agar. 3ii

massæ pilul. coch. 3 i

Diagrid. castor Opii añ gr. iii.

Cum vino fiant pilulæ septem, sumat.

Hac medicandi ratione triplex cōsequi-
 mur commodum, pituitā ipsam expur-
 gamus, flatum discutimus, & dolorem
 sopimus, qua sane nulla commodior fe-
 liciorue curandi via in grauioribus his
 doloribus excogitari potest. Galenus in
 hoc affectu narcotica perse præbet. quod

si, inquit, dolor perseveret, medicamen- *Lib. 2. ad*

tis ex opio quale est Philonis Tharsensis
 omnibus medicis cognitum, vti non for-
 midabis, etiam si necessario noxam ali-
 quam afflictiis partibus ex his accessurā
 non ignores, sed certe ei quod magis vr-
 get obsistendo, hominem doloris vehe-
 mentia animo delinquentem cum par-
 ua noxa seruare satius erit: nam sequen-
 tibus deinceps diebus offensionem me-

Glan.

dicamento cōtractam emendare poteris. Si ergo cuipiam simili ratione placeat narcotica medicamenta propinare, det philonij Perfici in vino maluatico dissoluti ʒ β, aut ʒ ii, etiam drachmā integram pro affectus magnitudine: aut pilulas Rondeletij, quarum descriptionem huic loco lubuit inferere.

℞ pulueris diagalang.

Aromat. ros. añ ʒ ii

Castorij ʒ β. Euphor. gr. x.

Opii diligētissime contusi cum pastillo ferreo calido, dissolutiq; in vino maluatico ʒ i β piperis, croci, myrrh. an. ʒ β.

formentur pilulæ decem pro drachma, capiat quatuor aut quinq; quod si nō sedetur dolor, dentur nouē aut decē. Sunt autem conficiendæ paruæ & molles vt citius dissoluantur, citius dolorē conso-piant, & minus in vētriculo remorētur. cauendum interim vnice ne iam dicta opiata, aut vllum aliud præbeantur nisi prius idoneis euacuationibus corpus perpurgatum sit: & aliquot horis antepastum ieiuno stomacho, nec non in extremis doloribus & cum alia anodyna sine vtilitate sint administrata. Colicus

DE FLATIBVS. 169

dolor a folis flatibus excitatus medicamenta nec præparantia nec purgantia requirit, ceterum enemata dolo-rem sedantia & ventositates carminantia & discutientia conueniunt. huiusmodi sunt:

℞ Ol. lini, decoctionis fl. camomill.
& cumini an. ℥ β.
Confect. e bacc. lauri ℥ ii
Diacathol. & Sacc. rub. an. ℥ i.
Salis gemmæ ℥ ii.

mixtis omnibus fiat enema. ad dolores sedandos efficacissimum est. magis carminans tale est,

℞ Rad. helenij ℥ iii
Calaminth. pariet. an. Mi
Sem. Anis. Cumini, cardamo. an. ℥ iii
Bacc. Iunip. Bacc. lauri an. p i

Bulliant in f. q. aquæ ad mediæ partis consumptionem: in colaturæ ℥ i. addantur vini maluatici aut cretici ℥ iii. diacalaminth. ℥ iii. ol. rutac. seu ol. nucum ℥ iii. fiat clyster.

Vel.

℞ Vini albi in quo coxerint cuminum, anilum, baccæ lauri & similia ℥ i.

Infundatur calide. per os quoque hic paulo calidiora quam in colica pas-

sione ex pituita admittuntur. Quare præter superius dicta, utilissima etiam sunt, confectio e baccis lauri, diacyminū, diatrion pip. quodlibet per se in tabellis, aut alia quavis forma sumptum, aut in vino dissolutum. Extrinsicus varia conducunt, & cum primis cucurbitula oportune usurpata. Oportunus autem eius usus est, ut iis dumtaxat corporibus applicetur, quæ a solis flatibus excruciantur, & abdomen non admodum pingue, crassum & distentum habent. In quibus nanque vitreæ pituitæ copia subest, infructiferum eius usum vel millies expertus sum: dolor enim qui pali infixi similitudinem habet non a flatu, sed ab intemperie frigida pituitæ nascitur: quam diu itaque eodem in loco persistit pituita doloris causa: tantisper durabit & dolor eius effectus. Cucurbitula autem pituitā non euacuat, ergo nec dolorē tollit. In pingui & multum crasso abdomine raptu vehementissimo osculum suū illa carne & adipe adimplet prius quam vis attractrix ad intestina descendat, flatuique hoc modo via intercluditur. Sed quid miramur hæc? cum sola abdominis

a flatu distendēte (vt in tympanite accidit) durities efficax causa sit impediens quominus trahentem cucurbitulam flatus sequatur. Atqui si oportune (vt diximus) larga, cum multa flamma applicetur, videbitur profecto incantamenti cuiuspiam simile quiddam efficere. Sacculi etiam componuntur ex milio, furfure floribus lauandulæ, chamemeli, anethi & calamintho in sartagine frixi, vino vel aceto irroratis, qui calide alter post alterum imponantur. vel & Stercoris cabalini recentis quantum satis est, & cum oleo lini, chamemeli, anethi, fæcibus olei communis, aut cum vino & fl. pseudo-nardi formetur emplastrum ad ignem in frixorio, ad moueaturque loco dolenti quam fert calidissime. Lateres item calfaciunt nonnulli, & linteis vino madentibus inuolutos imponunt. Eundem vsum habent asser quernus calide impositus, & panis e furno calens, filum etiam ex lixiuio coctum cum cineribus calidum admouetur: porro infinita alia sunt non sine ratione huic malo inuenta remedia, fomenta, balnea, infessus, illitiones, cataplasmata, & id genus alia, quæ

*Meth.
ed. lib.*

*b. 2.
thod.*

tempestiue administrata iuuāt: intem-
pestiue autem, non modo non iuuant
sed maxime nocent. quare grauissimus
author Galenus hanc nostram senten-
tiam cōprobās scribit in hęc verba: Cal-
facere præcordia cataplasmatibus, aut per-
fusionibus non est perpetuo tutum, sed in
ijs tantum ægris quibus in toto corpore
nullum errat superfluum. Ceteris om-
nibus extrema est pernicies. Iterū. Quo-
pacto igitur dolores eos quos frigidus
humor in medio intestinorum interclu-
sus excitauit, sanare conueniet? Sane
non perfusionibus & cataplasmatibus quę
valenter excalfaciant: Quippe lenti om-
nes, crassique & frigidi humores, ab ijs
quę calfaciunt nisi etiam valenter dige-
rent, liquantur ac in flatum mutantur.
Oportebit igitur eos incidere simul &
concoquere, quas res tenuātia medica-
menta præstabunt, potissimum tamen
si calida vehementer non sint. Quod
autem horum quoque ipsorum ea maxi-
me deligenda sint, quę magis flatum
discutiant, magisque siccent nemini po-
test dubium esse, quorum formulas ex
iamdudum dictis abunde satis didicisti.

Hic forent etiā amuleta a proprietate substantiæ auxiliantia, galerita auis, talus suillus combustus ac deinde bibitus, intestinum lupi siccatum, tritum, cum vino sumptum, pellis eiusdem vētri admodum, stragulæ ex eadem & cingula confecta, item lupi sterqus album ex vino potum vel nucula inclusum, & e collo ut ventrem contingat suspensum, aliaque multa inferenda. atqui cum ab aliis vel ad nauseam hæc sint inculcata, breuitatis studio lubens prætereo.

De flatuosa obstructionis hepatis curatione. Cap. 22.

Obstrectio vitium est omnibus visceribus familiare, nullis tamen magis quam iecori & lieni. fit autem cū humor crassus, pituitosus aut melācholicus tenuissimos venę portæ ramos per iecoris substantiam dispersos infercit, nec humor dumtaxat, sed & spiritus nebulosus subinde sua crassitie in tantam molem iecur effert, ut veluti a schirro totum hypochondrium intumescere videatur. Nec mirum tantā obstrectiōnē a flatu cui exitus non patet, generari in hepate, quod tenuissimis dūtaxat venulis meatibusq; dotatū est cū amplissi-

ma intestina adeo plerūq; a ventositate obstruantur, vt penitus nihil per anum egredi queat. Quare Arabum hęc ratio- cinatio: ventositas grossissima subtilior est quā chylus subtilis, sicut ventus sub- tilior est aqua; Sed chylus tenuis, conco- ctus, & pronaturæ ratione affectus ie- cur nō obstruit: ergo nec flatus eius op- pilationem producere potest: futilis esse merito iudicabitur & inefficax, quod hinc præter reliquas rationes validissi- mas, necessario sequeretur, a nebuloso flatu intestina nunquam (quod tamen doctorum virorum monumēta & quo- tidiana experientia testantur) obstrui, cum crassissima trāsmittāt stercora. Ie- cur itaq; obstruitur, aut a solo flatu, aut ab hoc vna cum humore viscido cōiun- cto. Atqui summo studio hic animad- uertendum, ne cum obstructum iecur a flatuoso spiritu accusamus, vitiū in co- lo sit. Colō enim intestinum sub dextra ilium regione situm, tantopere interdū a pituitæ & flatuum multitudine disten- ditur, vt totum hypochondrium intum- escat. Verum haud difficile est ex præ- dictis, hos affectus internoscere. quare

breuitati consulentes curationē huius
flatuosæ obstructionis deinceps prosequer
mur. Si itaque a pituita cum flatu
fiat, sequenti aposemate præparanda er
it materia.

℞ Rad. helenii, Rubiæ mai. Azari an. ʒ vi

Cort. rad. ebuli, cort. capp. añ ʒ iiii

Chamedr. Aspleni. hyssop. añ Mj

Absinth. rom. Mß.

Sem. dauci, Anisi, añ ʒ iii.

Bacc. Iunip. passul. corinth. añ p j

coquantur secundum artem in sufficiē
ti quantitate aquæ ad mediæ partis con
sumptionem. Colaturę clarificatæ lb iß
adde sacchari quod satis est ad conciliā
dam suauitatem, & aromatizetur cū ci
namin. ʒ iß. sumat quatuor vicibus. aut.

℞ prædictæ decoctionis ʒ iiii. Syr. de ca
laminth ʒ i. Oximell. scil. ʒ ii. misc. pro vna
dosi, & sic pro aliis tribus. Deinde

℞ Sp. dialacc. ʒ ij

Sp. el. de bacc. laur.

Diarrh. abb. añ ʒ ß

cum saccharo in aqua feniculi & modi
co vini albi dissoluto, fiant tabulæ pon
dere drachmæ vnus: sumat tabulā vnā
cum Syrupis, præparata materia hoc
aut simili phlegmagogo expugabitur.

℥ Turpet opt. ʒ ii

Zingib. ʒ i

pul. Senæ præpar. ʒ ʒ.

fiat puluis tenuissimus & cū iacchari ʒ ii
sumat diluculo in iure caponis. aut sic,

℥ Agar. troch. ʒ iii

Zingiberis ʒ ʒ.

Infundatur per horas xiiii. in aquæ betonicę
ʒ iii: postea exprimatur fortiter, in expresso
dissoluatur El. indi. mai. ʒ iii. Syr. de quinque
rad. ʒ i.

Et fiat haustus vnus in aurora sumendus.
post ridie purgationis sumat sequens E-
lectuariū.

℥ Theriac. vet. ʒ ʒ

Conf. fl. rorismar.

Conf. fl. Borrag. añ ʒ i. Misc.

Siquid deinceps materiæ raliqum fue-
rit, iterum id præparandum & expurgan-
dum. hocq; agendi ordine non minor
flatuum & roboris viscerum, quam pi-
tuitæ vacuandæ habebitur ratio. Porro
a solo flatu distensio hypochondrii diu-
turna non est sine pituitæ effluxu. dolor
enim assiduus hanc prolicit, meatuum
extensio admittit: & illius imo vtrius-
que frigiditas iecoris hemoptosin debi-
litat, vnde sensim crudi humores coar-

ceruantur. Quocirca suadeo vtriusque rationem perpetuo medicus habeat: potissima tamen cura versetur circa id quod magis vrget. Velim itaque etiam tum cum a solo flatu affectus sit alius leni enemate, aut cathartico quod potius lubricando soluit, quam violentius moueat, reddatur fluxilis, & aposematis incidentibus, tessellisque nuper dictis visceris infarctus exobstruantur. Tum demum ad flatuum dissipationem conueniet vinum tenue quod cuminum, anisum, cubebas, grana Iuniperi, cardamomum & canellam incocta habuit, vel vinum in quo Sp. diacurcumæ & Theriacæ an ʒß. dissoluta sint ebibere, vel sequens Hippocraticum.

℞ Theriacæ mediæ ætatis ʒ i
Cardamomi, cubeb. an ʒ ii
Canell. ʒ iii. Sacch. albiss. ʒ iiii
Vini Rhenen. maturi lb ii.

colentur per manicā Hippocratis. Cautetamen, quod etiam in præcedentibus subinde admonui, est his calidioribus vtendum, iis potissimum qui vel plethorici sunt, vel iecur natura, vel victus ratione calidius sortiti. Regio iecoris fo-

uenda est vino decoctionis absinthij, pulgij, baccarum & foliorum lauri: aut ex oleo quod rutam, absinthium, radices ciperi & galangæ incocta habuit. Item sacculi applicandi: & cucurbitula larga bis terue cum multa flamma apponenda, non prius tamen quam pituita perfecte sit euacuata, alioqui periculum est, ne pituitam multo contumacius impingat, & veri schirri causa fiat.

De curatione flatuosæ obstructionis Lienis. Cap. 23.

Lien sæpe tangēti reniti videtur (teste Gal.) tametsi schirrosus minime sit, sed potius flatulentus. flatuosæ huic obstructioni eadem propemodum remedia debentur quæ iecoris. Atqui cum magis contumax ea plerunq; sit & longius diffusa: peculiaria quædam & valentiora tū aposēmata tū cathartica pharmacà si humores grossi ut fere fit adsint, desiderat. Cortices itaq; rad. capparum, tamaricis & ebuli cortex medianus fraxini, scolopendrium, lingua ceruina, centaurium minus, polypodium, semina calida, & viticis, epithi. Sena, Acetum scilliticū, Oximel scilliticum, oximel diureticum, Syr. de fumaria, & id genus alia

conueniunt: ex quibus apozemata incidentia, & flarus discutientia construi, & deinde confectione hamech diasena & El. Indo maiore humores expurgari poterunt. Formenta insuper sint valida, præsertim si a grossis & contumacibus flatibus infartus fiant, ex vino potente cū absinthio, bac cīs lauri, ruta & seminibus calidis cocto, aut si mauis (vt ego interdū facere soleo) ex aceto forti, quod semē agnicasti vulgo appellatum, rutam, calan inthum, Baccas lauri, marrhubiū, Centaurium minus, flores genistæ, radices ebuli aut iridis incocta habuit. Nec præter rationē erit, si prædicta minime sufficiant, lienis regionem fouere cū lixiuo ex cineribus brassicæ, ilicis, aut fabarū confecto, cui si lubet aque vitæ & olei amygdalarum amararum tantillū adiacere potes. Deinde imponēdū est emplastrum mistę facultatis: quale est quod ex sulphure & alumine constat. Porro si flatuū nō tāta copia sit, iiq; sint tenues sine fouente materia, & habitus deniq; corporis rarior, quæ semel hic admonuisse per omnia sufficiāt: leuiora tū intus tū extra medicamēta administranda erūt,

sepeq; sola cucurbitula satis fuit applicata. quate huic capiti finem imponens le-
ctorem si qua forte hic desiderata requi-
ret, ad caput præcedens relego.

De curatione Tympanites. Cap. 24.

Tympanites tertia Hydropis species
a flatu fit ab imbecillo calore geni-
to, cuius quidē superflua collectio inter
peritoneum & omēntum aliasq; abdo-
minis membranas se insinuans, totum
id violenter distendit, & in maximam
molem effert, nullis indiciis quam rugi-
tu, & sonitu tympani dum vngue percu-
titur notior. Principium leue est, sola
nempe inflatio quæ discuti non potuit.
inde flatus dēsiore effecti veluti in nubē,
tandēq; in aquā concreescunt: vnde vna
cum nebuloso flatu sensim humor colli-
gitur. Curatio itaq; post bene institutam
victus rationem quam ex præcedentib.
habes, ab humoris concoctione, eiusque
euacuatione auspiciāda erit, summopere
cauendo ne valentioribus medicamen-
tis mesereo, chamelæa, colocynthide,
brionia, titimalli speciebus aut Antimo-
nio, quod multi faciunt, imbecillum ca-
lorē ad interneccionē ducas. Manifestum

enim est quāta vi pharmaca, necdū diu-
tino & graui morbo afflictis, sed etiā ro-
bustiorib. corpus cōcutiant, quam mo-
lestas torsiones inferant, vires prosternt
ac spiritus resoluant, cū tamen e contra-
rio hoc potius sit agendum vt natuius
calor robur acquirat, quo quod naturæ
noxium est euincat & expellat. Hunc igi-
tur in modum materia præparabitur.

*præpara-
tu mor*

℥ Rad. Imperat. helenii

Rubiæ mai. Cort. rad. ebuli an. ʒ iiii

Rad. Irid. Azari an. ʒ ii

Origani, Calaminth. an. p i

Soldanell. ʒ i. gratioli ʒ ii

Sem. Anisi, bacc. lauri an ʒ ʒ.

Bulliant secundum artē in duab. partib.
vini & vna aquę. aut vino integro, in bal-
neo marię bene obturato ad horas tres
aut quatuor: postea coletur, & dulcore-
tur cum saccharo, bibatque mane & ves-
peri cyathum vnum, deinde vacuetur
cum pilulis sequentibus.

Euacua

℥ Mass. pil. de hier. cum agar.

Turpet, Rhabarb. el. añ ʒ ii

Soldanell. ʒ i, Rad. asari ʒ i

Trochisc. alhād. Succ. cucumer. asinini in
dieb. canicularib. a Gordonio præparati.

Nucis mosch. Galange

Canell. piperis, cubeb. an. \mathfrak{z} β .

Redigantur hæc omnia in puluerem tenuissimum & cum succo iridis per residuam defecato fiat massa. \mathfrak{z} huius massæ \mathfrak{z} i & cum oximell. scillitico fiant pilulæ quinque: sumat media nocte: aut utatur pilulis nostris de Soldanella dictis in hoc affectu & omni hydropis specie efficacissimis.

2. \mathfrak{z} pil. Aggregat. \mathfrak{z} i, Trochisc. alhand. \mathfrak{z} β . Summitatum Soldanell. & Gratiolæ & Cinnamomi tenuissime puluerisatorum an. \mathfrak{z} i. Cum succo rad. iridis, fiant pilulæ ex drachma quinque, sumat duas ad summum tres pro dosi, circa mediam noctē. Repetatur subinde superscriptum apozema, vna cum pilulis, siquidem non minus illud flatus subtiliat & discutit, quam humores hæ præparant & educunt. interim ventriculus reliquaque viscera his electuariis erunt corroboranda:

1. \mathfrak{z} Succ. rad. irid. \mathfrak{z} iiii

Canell. galangæ an. \mathfrak{z} ii

Caryophyll. macis an. \mathfrak{z} i

Zedoariæ \mathfrak{z} ii Soldanell. \mathfrak{z} β

pulueriscentur, & cum melle despumato misceantur in formam Electuarii, su-

mat

mat alternis vel etiā singulis dieb. quāti-
tate nucis pont. Vel hoc quod sequitur.

2. ℥ El. de bacc. laur. 3 iiii
Confrad. helenij 3 ii
Sp. dianifi
Diagalangæ
Diacimini an. 3 i
Ol. Iuniperi 3 i

Misc. & cū syrupo de stechade fiat cōdi-
tū. vtilissima etiā erit sequēs potiūcula.

3. ℞ Aq. cinamomi in alembico vitreo artifi-
ciose distillatæ 3 ii. Aquæ vitæ 3 iiii. Olei ani-
si aliquot guttulæ.

Misce, bibatur ieiuno stomacho. Imperā-
tur etiam pulueres a pastu sumendi, vt
ventriculus a crudis humoribus perfri-
geratus modice calfiat, facilius conco-
quat, flatusque discutiat, vt,

4. ℥ Anis. cond. 3 iiii.

/ Feniculi 3 i ʒ

Coriand. præp. 3 ʒ

Cumini

Carui

Sesel. in vino generoso maceratorū an. 3 i

Cort. citri sicc.

Cinam. crassi an. 3 iiii

Sacch. ros. tabulati ad pondus omnium.

misc, fiat puluis,umat cochlear vnum
post pastū, nec bibat amplius. Euacuatis

humorib. vitibusq; refocillatis summd studio veniunt flatus excutiendi, quos mirifice præstabit decoctum sequens.

Albi Græci, hordei integri an. ʒ i β.

Coquantur lento igne in lb trib. aut quatuor vini albi gallici ad hordei crepaturā. Coletur: colatura per residētīā defecata denuo coquatur ad medietatis cōsumptionē: postea clarificetur, & aromatizetur cū cinamomo sufficiente, & dulcoretur cū saccharo. Huius decocti propina vncias quinq; ter de die ieiuno stomacho, emitterq; mirabiles bōbos, & sensum venter subidet. Huc etiam faciūt conf. e baccis lauri, diacyminū, diagalāga, diatriōpip. diamosch. dul. aliaq; innumera flatui discutiendo appropriata. Verū quod alias admonui iterū repetito, moderate hisce vtendū esse; alioquin grauissime offendūt: vt hoc exēplo perspicuū euadet. Muliercula quædā tympanite misere afflicta, curā sui medico familiari cōmendauerat: Hic flatuū discussioni dumtaxat attētus sine alterius medicamenti prægressu, electuariū aliquod admodū calidū administrauerat. Illa paulo post sentit rugitū solito mul-

to maiorē, torsionesq; molestiores, difficilius spirat, & ventris tumore pristino remanente, nouus accrescit: quia a malo punico vbi prior terminabatur se eleuās torū pectus mirabiliter distēdebat. tumores vero a se se mediāte fossula distinguebantur. ego ilico accersitis vaticinor mortē præforib. esse, ac ob id temerariū esse de medicaminū vltiori exhibitione cōsiliū. nec se fellit opinio. tertio enim ab eo quo vocatus erā die, obdormiuit in domino porro recētis tumoris causam fuisse iudico calefacientē & extenuantē medicamentū vim, quæ nebulosum flatū extenuando arcto quo prius stringebatur loco minime cōtenū, ampliorē capessere coegit. Ea autē est caloris vis vt crassa tenuādo efficiat liquida, hæc q; deinceps in vaporē cōuertat. Quippe crassa angusto loco contenta, si ignis ardore efferuescant ampliorē locū capessere, cū in multis aliis, tū vel maxime in lacte perspicuū est: cuius quidē tanta quantitas quæ mediā leberē necdū adimpleat, ignis feruore extenuata vsque adeo excrescit intumescitq;, vt libetis parietib. non amplius cōtenta effundatur.

Simile profecto quiddā in tympaniticis accidit, dū multū calfacientib. medicamentis exagitantur. Quocirca moderate calida quæ viscera roborando natiuū calorem exuscitant, tum intus tū extra administrata conducunt. Venterculus itaq; sequenti linimento inungatur.

℥ Ol. nard. ol. mastich. an. ʒ iii
 Ol. nuc. mosch. ol. macis an. ʒ i
 Menth. sicc. corall. rub.
 Mastich. Cumini an. ʒ i.

cū cerē q. s. fiat vnguentū: vngatur regio ventriculi calide. Totus deinde venter linteis aut manib. calentib. fricetur, donec excitur rubor, vt apertis meatib. flatus tenuati exhalent. quo facto, vel vino sublimato, aut oleo rutaceo, aut vtroq; æqualib. partib. misto, diutissime vngatur, aut sequens emplastrum applicetur.

℥ Empl. de bacc. lauri lb ss.

Misceatur cū stercore caprino aut bo- uino, addēdo vini potentis quantū suffi- cit ad malaxādū, fiatq; emplastrū quod ventri apponatur, quam fert calidissime regione hepatis declinata: aut eius loco consuuantur sacculi ex absinthio, mētha, ruta, Seminib. calidis, baccis lauri, florib.

pseudonardi, Sābuci, camemeli, roris-
marini & stechados, milio, furfure & sa-
le. Frigantur in fr' xorio cū vini aspersio-
ne, & calide ventri imponantur; subinde
cū refrigerescunt, ollæ quæ candens ferrū
habeat, cuiq; vinū infusū sit, orificio im-
ponantur, & recalfacti iterū applicētur.
De cucurbitulis non est quod hic quic-
quā adiiciā, celebres enim sunt in flatu-
osis affectib. apud omnes: in hoc tamen
affectu, meo quidē iudicio, nihil emolu-
menti adferunt. Clysterū etiā ventosita-
tē carminātiū vltus prodesse interdū so-
let. Verū his omissis tanquā notis, hoc
vnū admoneo exercitiū, si vires ferant,
sitim & sudorem non huic dumtaxat hy-
dropis speciei, sed & duabus aliis præci-
pua esse curationis capita.

De curatione Inflationis vteri. Cap. 25.

VTerinæ inflationes foetum interdū
excutere & abortū facere secundo
aut tertio mense assolent, & intestinis
cōtenti flatus grauidas misere diuexare,
quod vteri pondus rectū intestinū com-
primens his exitū effluxūq; deneget. Ce-
terū de vterina inflatione audi Hippo-
cratem sic loquentem: Si inflati fuerint

*Lib.
nat. m
heb.*

ib. 2. de orb. ulieb. vteri venter attollitur & inflatur, ac sonitū edit, & pedes & cauæ faciei partes intumescunt, & color iniucūdus fit. Menses occultantur, & genitura hoc tempore non manet intus, & anhelat, & anxiam oeret & cū expergiscitur e somno, recta ceruice spiratio ipsā corripit, & quicquid ederit aut biberit ipsam molestat, & suspirat, ac tristatur magis, quā priusquā edit: & suffocatur, & nerui contrahuntur, & vteri ac vesicæ dolent, & manus cōtractū non admittunt. Accurate sane hac oratione, symptomata vterinā inflationē sequentia delinijauit Hippocrates: quæ quidē omnia a trib. distēctione nimirū, cōpressionē, & cū primariis partib. consensu tanquā a causis producuntur. Quū aut sic habuerit (inquit) pharmacum deorsum purgans bibēdū dato.

℥ Syr. de Arthemif. ℥ iiii Syr. de stechad. ℥ ii decoctionis Arthemif. matricariæ, pulegii, Sabinæ, bacc. iunip. Sem. anif. & dauci lb i. fiat apol. præparās aromatizatū cū cōfectiōe & baccis lauri ℥ ii. finitis syrupis sic purgetur,

℥ Pil. Aggregat. ℥ ii

pil. Aurearum ℥ i

Trochisc. alhand. gr. iiii.

misc. & cū Syrupo de Arthemisia fiāt pi

lulæ quinq; , ſumat media nocte. Si pilulas nō valeat inglutire, ſumat pharmacū liquidū cuius formulam ex præſcriptis haud difficile erit huc tranſſumere. porro ſi maior humorum copia ſit vt ſemel poſſit euacuari: repetitis vicib. id præſtabis. Poſtridie purgationis ſumat Theriacæ veteris aut Mithridati ꝓi. Hiſperactis vngatur regio ventriculi & vteri vnguento quod capite præcedēti pro illius corroboratione deſcripſimus, aut foueatur vterus oleo rutaceo ſolo, aut linimento ſequenti.

℥ Ol. amigd. amar.

Ol. Rutacei

Vini ſublimatei an. ꝓi.

miſceantur exacte , totaq; ventris regione inūgatur. Sacculi inſuper quales capite præcedenti , cataplaſmata & emplaſtra ex ſem. apiꝝ fenicul. dauci, carui, cumini, baccis lauri, farina fabacea , ſtercore ouiu vel vaccarū , cū vino & oleis confecta conducunt. Non minus etiā electuaria, teſſellæ, orbiculi, ex calefacientib. & corroborantib. conſtructa, necnon vinū hippocraticū cum flatuſ diſcutientibus percolatū , aut vinum maluaticum cū olei iuniperini vel olei aniſi aliquot gut-

tulis mistum, & id genus alia quæ vel ad nauseam vsq; hætenus sunt inculcata, cōueniunt. Pessus etiam (ait Ægineta) qui e ficuū pinguium cōtularum ꝑi. Cumini ꝑii. Spumæ nitri ꝑi. concinnatur, tum primis accōmodatus est: sed propter acrimoniam in lacte prius maceretur, vel oleum rutaceum cum decocto seminum calidorum vtero infundendū, venterq; est constringendus fasciis. Cucurbitulæ etiam hic, vt in omnib. ex flatu affectibus maxime necessariæ sunt.

De curatione herniæ ventosæ. Cap. 26.

Hernia ventosa, vt diximus cap. octauo, cum hydrope fit & citra hydropem. Si cū hydrope accidat, curetur hydrops & hernia curabitur. Si sine hydrope eueniat, duashabet intentiones curatiuas: alteram ad causam antecedentē quæ est humor phlegmaticus: alteram vero ad causam coniunctam quæ est spiritus flatuosus in scroto vel in tunicis testiculorū consistens. prior intentio perficitur iis medicamentis quæ superfluum humorem euacuant & viscera corroborant, quorum præscripta cum ex omnibus ferme, tum vel maxime ex 17. & 18.

curationis capitibus haurire licebit: posterior intentio absoluitur medicamentis localibus, & cum primis fotu.

℞ Origan. Calaminth. puleg. añ Mi
 Sem. quat. calid. mai. }
 Sem. vitic. bacc. laur. } añ 3 ii.
 Salis communis 3 ii.

Coquantur in vini gallici sufficiente quantitate, ad medias partes, foueatur pars bis de die. aut,

℞ Lixiuii barbiton. lb̄ iiii.
 Cumini, bacc. laur. añ 3 ii.
 Fol. lauri, Roris mar. añ Mi.
 Salis communis 3 iiii.

facta secundū artem decoctione, foueatur pars spōgia noua, bis aut ter de die calide exiccata, vngatur sequēti linimēto.

℥ Ol. de castor. }
 Ol. rutac. } añ 3 vi.
 Ol. de Euphorb. }
 Vng. Martiati 3 β.

Misce, aut apponatur sequēs Emplastrū.

℥ Farinæ fabaceæ lb̄ β.
 Cumini, Sem. daucian. 3 β
 Bacc. lauri 3 iiii
 Fl. Camemel. & lauand. an. p i.
 Salis, pug. i β.

Coquantur in s. q. vini albi ad consistentiā cataplasmatidis & apponatur. aut hoc:

℞ Stercoris vacc. lb ii. Sulph. Cum. an. ʒ iiii.
misc. & addito pauco melle fiat cataplasma.
Ego multos paruulos hoc malo laborā-
tes curauī, ex multa & frequenti calefa-
ctiōe ad luculentum ignem facta: & cū
siccis fomentationibus quæ fiunt cum
panno laneo albo valde calente & sæ-
pius applicato.

De priapismo, ex Aetio transcriptum. Cap. 27.

PRiapismi curationem dicturo mihi
vtilissimum visum fuit, vt Actii hic
usus opera nihil de proprio addam, ob
id potissimum quod hætenus is affe-
ctus sese curandum mihi non obtulerit,
ac ob id nihil magnifice de nostra expe-
rientia polliceri possim: tū etiam quod
nullus meo quidē iudicio succinctius ac-
curatiuſq; Aetio huius affectus tū gene-
rationem tū curationem ex Galeni sen-
tentia percurrerit. Priapismus (inquit) tē-
tigo est membri pudendi & auctio in lō-
gum & spissum citra rei veneræ appe-
tentiam ex caliditate quadam acqui-
sitā, cum inflatione quadam dolore lo-
corum consistens. appellationem au-
tem accepit priapismus, a Priapo vide-
licet Satyro: tale enim a natura haben-

te pudendum homines fingunt & pingunt. fit autem affectio aut ob dilatata venarum ac arteriarum in pudendo ora, aut flatu vaporoso iuxta antrosum neruum ipsum inquam pudendum, oborto. Mihi autem, inquit Gal. propter vtrumq; fieri videtur, læpius tamen ad dilatata venarum ora consequi. Aliquando autē propter abſtinentiam a reb. venereis: quidā hac affectione apprehēduntur, atq; hoc ipsum eis qui multo semine abundāt, simulq; præter consuetudinem se abſtinent. euenit, quum non per frequens & multum exercitium sanguinis abundantiam discusserint: maxime vero hoc illis contingit qui rebus quidem venereis opus habent, in imaginationem autem ipsarum perueniunt pervisiones quæ ipsos in rerum venerearum recordationem impellere possunt. Ceterum dolores eis contingunt quales tetanici habent, & hi qui reliquis membris distenduntur: inflatum enim & distentū pudendum conuulsionis modo afficitur, & ex præcipiti hoc modo affecti pereunt, nisi confestim eis auxilium feratur: quum vero moriuntur, ventre inflan-

tur, & frigidum exudant, id quod & eis
cuenit, qui aliis conuulsionis modis peri-
muntur. propter dolores igitur, & inflā-
mationes venam secare statim a princi-
pio conuenit ab affectione præhensos,
& in inedia adseruare vsq; ad dies tres,
irrigareq; pectinem & coxendices vna
cum pudendo ex lanis succidis vino &
oleo imbutis: siti item præmere, & al-
uum obturatum euacuare non acri ni-
mium clysteri, ne inflammationes exa-
cerbentur. Cibum autem exhibere fru-
mentaceum paucum, atque omnino ni-
hil inflantem, & in aquæ potu contine-
re. Quod si diutius duret affectio, etiam
cucurbitæ cum scarrificatione affigen-
dæ sunt: & si amplius sanguinis multitu-
do adiacere videatur, hirudines adhibē-
dæ in ipsum locum: cataplasmata vero
imponenda sunt ex cruda hordeacea fa-
rina. Optimū etiam fuerit aluum sub-
mollire per betæ & maluæ decoctū pau-
co mercurialis succo admixto. Concha-
rum item decoctum in potu exhibēdū,
ab efficacioribus autem purgantibus
pharmacis in totum abstinendum. Ca-
uenda etiam quæ vrinæ ciendæ facul-

tatem habent. Utendum autem cibis frumētacei generis, qui leniter attenuare valent citra manifestā calefactionē. Lumbis vero quæ euidenter refrigerant imponenda, velut est solanū, portulaca, hyosciamus & semperuiuū. Necessario etiam coles & intercapedo inter anum & pudendū ex aliquo leniter refrigerante illinitur, velut est argenti spuma, cimolia, & cerusa, si aceto, aut posca, aut aqua sint diluta. Optime autem facit in ipsis ceratum ex rosaceo optimo apparatus, & frigida aqua sæpe elutum, si tū pudendis tum lumbis imponatur. Porro in latus decumbere ipsos ex re est: & substernere ea quæ ad seminis profluuiū sunt accommoda. A spectaculis vero & narrationib. ac commemoratione eorum, quæ ad venerem excitare queant, penitus sunt arcendi.

De inflatione seu Apostemate ventoso. Cap. 28.

INflationes nascuntur a flatuoso spiritu alias sub cute, alias sub membranis, quæ ossa vestiunt, aut musculos includunt: alias in carnosis partibus collecto. Colligitur autem (vt Ægineta ait) vel propter membrorum densitatem, vel

Spiritus crassitiem. Spiritus crassus locum quo retinetur sua copia distendendo, tumorem efficit, nō laxum quidem, aut digitorum compressioni cedentem, vel follulam dum premitur vt oedema relinquentem, sed renitentem tactui. Harum inflationum communis scopus est, vt quod præternaturam est, vacuetur in quocunque id contineatur. Vacuari autem non potest, nisi ex propria indicatione quod densum est relaxetur, & flatuum crassities extenuetur. Vtrumque hisdem præsiidiis, nempe renuissimis & potestate calidis, perficitur. Atqui quod ventriculus reliquaque viscera a distendente flatu afflicta, oleo quod renuium partium sit, aut rutam seminaue calida incoctū habuerit curentur, abunde satis in præcedentibus declaratum existimo. Reliquum est vt de inflatione quæ in artubus & musculis, aut membranis peristijis oritur, dicamus. Hæc fit interdum cum dolore, interdum etiā omnino sine dolore, idque ex simplici causa, nempe imbecillo calore, aut a contusione. Inflationi quæ citra dolorem sit, lixiuium (ex sententia Galeni) noua spongia ex-

ceptum,abunde fuerit.esto autem tale:

℞ Aquæ pluuiæ,aut potius vini q.ſ.infundatur per horas 24.in cineres ficus vel iuniperi, fiatque lixiuium. Vel sic.

℞ Bacc.laur.rad.Irid.an.℥ i

Fol.laur.Rorism.nepet.an.Mi.

El.lauand.p i.Cumini ℥ vi.

Coquantur in aqua suff. ad medias partes. In huius decocti ℔ iiii. infundantur cinerum ficulneorum, fabarum aut brasicæ ℔ i. fiat lixiuium: excipiatur noua spongia, & tumor foueatur calide, vehemēter enim abstergit, exiccat, absumit, & flatulentum tumorem discutit. Si autem dolor vrgeat, non quidem lixiuiou fouēda pars est (sua enim acrimonia dolorem magis irritaret) sed oleo quod relaxandi remittendiq; vim habeat, quale est Anethinum, rutaceum, aut camæmelinum inungenda. Incidunt ex percussionibus eiusmodi affectus, ybi scilicet vel musculus, vel membrana quæ os circuit est contusa. Ac super membranam quidem, quæ os ambit antedicta imponenda est spongia. Ad musculos vero (namq; hi aliquando dolent) medicamentum quod magis mitiget est adhibendum.

*Gal. 14^o
meth.*

Quo fit vt ad hos solo lixiuio non vta-
mur, sed immiffa ei tum fapa, tū paucu-
lo oleo. Satius autem fuerit in principio
non addidiffe lixiuium, sed fapa cum vi-
no & aceti pauxillo, mediocriq; olei por-
tione omnibus vna modice calfactis, at-
que lana succida exceptis, locum foueri.
Quocirca fi dolor vehemens vrgeat: mi-
tigatiua magis vteris medendi ratione:
Sin vero ille abfit, maiore vi cōtra infla-
tionem instabis per valentiora medica-
menta, cuiusmodi sunt lixiuium, acetū,
& post hæc vinum. Quoties ergo de mi-
tigando non laboras: lixiuij & aceti plus
in mifturam coniicies. Quę vero huius
generis inflationes neglectæ inuetera-
runt, primo quidem loco his ea quę ex
lixiuio componuntur adhibeas. Secūdo
loco emplastrū aliquod, quale illud est
quod de strigmentis gymnafiorum cō-
ponitur. Atqui cum eius vfus hoc nostro
æuo inoleuerit, emplastrū de baccis lau-
ri substituemus, aut hoc quod sequitur.

℥ Empl. de melilot.	} an. ʒ iiii
Emp. de bacc. laur.	
Nitri, Cumini	
Sulph. Calcis viuz	

Salis an. ʒ i

Ol. laurini & cere q. s. fiat Emplastrum.

Ceterū si huiusmodi flatuosus spiritus qui inflationem committit fumosus fuerit, malus, corruptus & a materia venenata excitatus, cum dolore intolerabili, & vehementi calore per membra discurrens, nullum tutius ac melius consilium dari potest. quam quod vbi in parte quapiam substiterit, pars ipsa protinus infra supraq; deligetur, ac in medio nouacula vel ferro candente tumor aperiatur, ita vt facile vapor ille venenosus egredi possit. Deinde hiās plaga implēda erit aloe & bolo armeno, ex rosaceo & aceto dissolutis. Transactis vero dieb. tribus aut quatuor, vulnus carne opplendum erit, & ad cicatricem perducendum. Porro in venenosis eiusmodi inflationibus, victus ratio tenuior esse debet, egetq; corpus medicamento purgatorio. quod si Theriaca sumenda daretur laborāti, recto illi consultum esset.

HAstenus cādide lector pro meo virili flatuum naturā, effectus, morbosq; ex iis procreatos & eorum curationes in medium attuli. quod quidem

Tagaul.
lib. i. cap.

11.

non alio consilio factum existimabis, quam vt radiores in horum cognitionem introducere, afflictis optime consuleream, & doctis ingeniosisque viris antiam quo in hac materia diligentius incumbant, præberem. quapropter has lucubrationes nostras æqui bonique cōsulas oro, quandoquidē vt prodessem, non vt animos irritarem hunc sumpsilaborem. Has primitias si tibi esse acceptas cognouero, præclariora in posterum expectato.

FINIS.

Index capitum præsentis operis.

Q uod Flatus spiritus sit, & de diuisione spirituum, Cap. 1. fol.	I
De Analogia seu proportionem flatus cum vento. Cap. 2. f.	5
Quid flatus sit. Cap. 3. f.	13
De loco generationis flatuum. Cap. 4. f.	15
De ratione generationis flatuum. Cap. 5. f.	20
De flatuum differentiis. Cap. 6. f.	24
Quot morbi genera flatus producant. Cap. 7. f.	28
De causis flatuum. Cap. 8. f.	32
De signis flatuum. Cap. 9. f.	48
De symptomatibus a flatuoso spiritu productis. Cap. 10. f.	53
De prognosticis flatuum. Cap. 11. f.	84

De vi&us ratione in flatibus obseruanda.

Cap.12.f.

90

De communi flatuosorum affectuum curatione.

Cap.13.f.

101

De curatione doloris capitis. Cap.14.f.

103

De curatione sonitus aurium a flatuoso spiritu.

Cap.15.f.

113

De curatione doloris dentium, a flatuoso spiritu contracti. Cap.16.

117

De curatione ventosa pleuritidis. Cap.17.f.

121

De curatione palpitacionis ventosa. Cap.18.f.

127

De curatione inflationis ventriculi. Cap.19.f.

138

De melancholia flatuosa curatione. Cap.20.f.

146

De colici doloris curatione. Cap.21.

154

De flatuosa obstructionis hepatis curatione Cap.

22.f.

167

De curatione flatuosa obstructionis Lienis. Cap.

23.f.

172

De curatione Tympanites. Cap.24.f.

174

De curatione inflationis Vteri. Cap.25.

181

De curatione hernie ventosa. Cap.26.fol.

184

De priapismo, ex Aetio transcriptum. Cap.2.

186

De Inflatione seu Apostemate ventoso. Cap.28

fol.

189

IOHAN. POSTHIVS, AVLÆ

PALAT. EL. ARCHIATER,

candido Lectori S.

RES lenis est flatus: sed enim firmissima quaque
Concutit, & terris & dominatur aquis:
Horrenda igni nemo reboare tonitrua cœlo
Audisti, & trepidis fulmina missa polis?
Iratum vastis agitari fluctibus æquor
Vidisti, & mersas per freta sæva rates?
Annosæque ima quercus tellure reuulsas,
Et validas turres, & cecidisse domos?
Tum sonitu ingenti torqueri immania saxi
Pondera per longos ignibus acta tubos?
Sensisti & quondam tremere intima viscera terræ
Credulus extremum iam fore iamque diem?
Scilicet efficiunt violenti hæc omnia flatus:
Qui simili affligant corpora nostra modo.
Si quando inclusi per summa, per ima vagantur,
Et miseris vexant viscera torminibus.
Illorum causas medica bonus arte FIENVS
Explicat, & pelli qua ratione queant.
Ergo sibi laudem peperit famamque perennem,
Vtile qui nobis hoc dedit Auctor opus.
Quod præsens gratis animis amplectitur ætas,
Assidua ac voluent postera sæcla manu.



COUN

RC
802
F43
1589

RARE BOOKS DEPARTMENT

M. 524.6

PROPERTY OF THE CAMBRIDGE PUBLIC LIBRARY,
Deposited in the Boston Medical Library,
by order of the Trustees.

Date APR 28 1904

